

S P E A K E R : “ Keiniho hi Krista rawngbawltu ah miin min ngai rawh se”.I Kor. 4:1&2. Hetah hian enkawltu chu mi rinawm nih a ngai baw k a ni.

Zawhna leh chhanna hun kan lo hmang tan leh tawh ang a, zawhna Starred Question No. 71-na zawt turin member zahawm tak Dr. R. Lalthangliana i lo sawm ang.

Dr. R. LALTHANGLIANA (MNF) : Pu Speaker, ka question No. 71-na PWD changtu Minister chhan atan – PWD sub-division thar tunhnaiah hawnbelh tumna sawrkarin a nei em? tih ka zawt e.

S P E A K E R : A chhang turin a enkawltu Chief Minister zahawm tak sawm i la. Amaherawhchu, ani hi ka phalna in Darlawn lamah akal a, Pu R. Lalzirliana, Minister hnenah charge a hlan a, Minister Pu R. Lalzirliana’n han chhang se la.

Pu R. LALZIRLIANA, MINISTER : Pu Speaker, a chhanna chu “Nei e” tih a ni e.

Dr. R. LALTHANGLIANA (MNF) : Pu Speaker, zawhbelhna. Tun sawrkar thar hian khawiah nge a siam belh tih ka zawt duh a, ka hriatsual loh chuan Bunghmunah leh Kawlkulh-ah Cabinet-in a tifel ni awm tak niin ka hria a, tin, chumi rual chuan, a bik takin Bunghmuna dah anihna chhan a kha ka’n zawt deuh bik a ni. Zawhbelhna dang chu nakin deuhah kan ti leh dawn nia.

Pu C. RAMHLUNA (MNF) : Pu Speaker, ka lawm e. PWD Sub-Division thar kha Lawngtlai ‘W’ Constituency te a ni mial em tih ka han zawt duh a, PWD-in khulai hnaiah khuan hna a thawk nasa viau mai a, churang chuan enkawl ngun a ngai si a, khang Sub-Division thar te kha min dah sak ve thei em? Tunah khan ala tello anih pawhin kumin chhung te hian min dah sak ve thei ang em? tih kha ka han zawt duh a.

Tin, a pahnihna ah chuan PWD tho kha anih avangin Saibawh atanga Vathuampui kawng hi PWD-in a laih zawh tawh kha a ni a, mahse, an la black top loh avang leh lungphah te an la siam loh avangin kal a harsa khawp mai a, kawng hi fur lai chuan a kal theih loh a, thla li thla nga te kha kal theih loh ani a, henge hi engtikah nge motor-a kumtluana a kal ve theihna tura min siamsak theih hun tur tih ka han zawt a. Tin, chubakah chuan Saibawh lui leh Chikhur lui lei dawh hi a har miah lova, kuminah khan kan mamawh em avangin engtin tin emaw kan dawh dawn emaw ka ti a, PWD atangin Estimate te kan han siam tira,

mahse, an siam zo hleithei silova, chuvang chuan tih loh khan a awm ta rih a, khangte kha min ngaihpawimawh sak thei ang em? tih ka'n zawt e.

S P E A K E R : A chhang turin Minister i lo sawm ang.

Pu R. LALZIRLIANA, MINISTER : Pu Speaker, Dr. R. Lalthangliana, member zahawm tak zawhna kha a dik na a, Kawlkulh-ah leh Bunghmun-ah dah a ni a, Bunghmuna dahna chhan hi a kil ber, a tawp ber a ni a, khami kawng zawng zawng kha helam atanga han kalna kha a tawp lama han dah kha anmahni'n a hnathawktute khanin a chhiat leh a that kha an hre reng dawn a, chuvang chuan helaia dah hi a tha ber a ni ang e tih ngaihtuahna a awm a ni. Chu chu thil tha duhna lamah a ni e. A chhiat pawhin a thawktute kha kal chho ve reng se la a tha mai a lawm.

Pu C. Ramhluna, member zahawm tak zawhna kha Lawngtlai District-ah chuan a nilo deuh anih chu, a dang kan han sawi kha a ni rih lova, heng pawh hi a tul dan anga zirin kan la enchho zel anga, tin, Saibawh – Vathuampui black top loh tih hi PMGSY road a ni em ka hre chiah lova, anih chuan heng hi a senior dan in dawtin kan ti chho turah ngai ila, heng lo pawh hi PMGSY hi formation cutting hi a lo awl deuh nge ni, a lo hlawk deuh nge ni ka hre lova, an ti zung zung a, a bak hi tlem in kan tang deuh a chumi zingah chuan a la tel a ni. Leidawh tih lam hi chu hetia Estimate-te an siam zawh chuan kan dawh dawn emaw ka ti a, in ti deuh bawk a, i fund atangte khan tih dan a awm mai lawm ni?

S P E A K E R : Zawhbelhna Pu R. Lalthangliana i sawm ang.

Dr. R. LALTHANGLIANA, (MNF) : Pu Speaker, a kawng han tawp anih avanga dah tih criteria tehfung a kha thilmak tak niin ka hria a engpawh ni sela MNF sawrkar lai khan dahna tur ruahmanna fel tak kha Buarpui-ah khan kan nei a, a chhan chu Pu Speaker, abikin chhim lam MLA chuan kan hria in ka ring a, Buarpui saw kawng chi hrang hrang in a rawn chhunna pawimawh tak mai a ni a Hmuifang PWD Division-in Bunghmun thlenga a enkawl hi remchan lohna a awm thin a, sawlaih sawn PWD-in hmun an khuar theilo saw kawngin harsatna kan tawh (hun rei tak atang tawhin) ani tih hria in sawrkar hmasa khanin sawrkar tawp dawn lampang khan Lunglei atanga Buarpui Road in a rawn chhun chiah alo nia, heta PB Road an tih Lunglei thlang lampanga kawng lokal in a rawn finna a lo nia. Thenzawl atanga kawngkalin a rawn chhunna pawimawh tak mai ani a, hemi chungchangah hian a khaw mi abikin Buarpui te pawh an in pe hle a, a hmun te pawh hi nimina kan ngaihtlak ang khanin phal taka pe theitu tur ang te pawh kha an awm a, tin, khawtlang pawh an in phal a, chutiang avang chuan sawrkar hmasa khan thui tak kan tifel tawh kha a nia, an lawm em em

lain a hla ber khua a han sawn a kha kan hrethiam lova, achang chuan political decision kha a awm ve ah ngai ila, engpawh ni sela, a tehfungah kha chuan a fuhlo a ni. Buarpui hian Pu Speaker, thil hi an chan hnem tawh viau mai a, Electric Sub-Division te pawh dah mai tura puan tawh, chan leh an ni a, chuang chuan hei hi tehfung tha berah kan ngai em? tih laia kha kan zawt nawn leh ni sela, min chhan a harsat deuh pawhin ka hrethiam tho e.

A dang leh a ka'n zawh duh chu Pu Speaker, zawhbelhna ang in hei sawrkar hmasa khanin hemi kan chhim lam hmasawna tur atana Multi-Model Transport (Mizoram hmasawna te pawh ani ang chu) atana ruahmanna lian tak a siam denchhen leh National Highway-54 in a Mizoram dung a paltrangna tur anih avangin sawrkar hmasa khan PWD operation hi tlema lian tham deuh a tih nise tiin Circle sawlaia Multi-Nodal Circle kan ti mai a, Lawngtlai-ah dah fel a ni a. A function tak erawhchu helam atangte pawhin a la ni a. Tin, chubakah chuan Serchhip-ah Circle thar sawrkar hmasa khan post te pawh create fel vek khan a dah bawh a. Heng circle hian division pahnih ve ve kha a keng a ni a. Hei hi vawiin niah hian ahmunah ataka circle anihna anga Aizawl atang mai lova an move phei tak tak hun tur kha ka zawt duh a ni. Hei hi a pawimawh khawpin ka hria. Tunah erawh chuan hun ala rei lova, an la inpeih chhuaklo pawh ani maithei, mahse, sawrkar hmasa ina hmalakna pawimawh tak mai "Lalpa hre ngailo ten fak hla sak hnial mahse keini hi chuan kan sa chak ve deuh ani" tih kan sawi ani, kan ti tha ve in ka hre tlat khalamah khan. Chuang chuan ataka ahmunah a function theih hun tur tak tak a kha ka zawt duh a, kan Chief Minister zahawm tak hi awm se ka duh khawp a amaherawhchu, a lokal theilo a, chu chu ka zawt duh a.

Pahnihnaah chuan Pu Speaker, hemi Thenzawl- Buarpui kawng liantham tak mai tuna sawrkar hmasa in Aizawl-Thenzawl-Lunglei Road nimina kan sawi tawh anga darkar li leh a chanve a Lunglei thlen theihna kawngpui a sial ang hian sial tur khan sawrkar hmasa in hmalakna neiin Asian Development Bank atangin nuai singkhat sangthum zanga vel bawh kha ruahmanna siamfel ani tawh a, thawhtan ani har lutuk a, sawlai kawng saw a chhe em em mai a, Buarpui leh Thenzawl inkar kawng laih zau a, siamthat a, lian tak mai a siamna tur kha kan peih fel vek hman kha a ni a. Land Acquisition hi ka hriatsual loh chuan State Sawrkar-in a tih tur bik hi an chingfel lo ani maiin ka hria a. Tun thal lo awm turah hian Asian Development Bank pawh in a thil engkim a tihfel tawh avang hian a tan theih tawh lawm ni? tih ka zawt duh a ni.

Pathumnaah chuan BRTF hian NEC sum seng hian kawng an lai nasa hle a, Vanlaiphai atanga Khawbung tih te, Serkhan-Bagha te phei chu a chhe rapthlak kan tih kha. Tin, Lunglei-Tlabung te pawh tiang hian a buaipui a. Pu Speaker, kan BRTF ho hi khak deuh an ngai in ka hria a, kan bengchhen deuh ngaiin ka hria. An hnathawh hi a chhe lutuk deuh ta a. Tin, PWD a an hand over dawn chiah phei chuan an titha duhlo emaw chu aw tih tur khawpin vawiin niah Mizoram kawng hi min sawp chhia in ka hria a. Chuang chuan ka zawh lai taka chu State Sawrkar PWD-a hlankai kawng thenkhat a awm ta a Lunglei-Tlabung road

tih ang te khalai kha tunah hian sum ruahmanna he sawrkar thar hian aneih tih ka zawt duh a. Sawrkar hmasa in sum alo ruahman tawh te kha chhonzawm zel a tum em tih kha ka zawt nghal a ni. Ka lawm e.

S P E A K E R : Pu C. Ramhluna, a dawtah Pu Lalthansanga.

Pu C. RAMHLUNA (MNF) : Pu Speaker, kan Minister zahawm tak khan ka zawhna kha a ngai serious lo riau in ka hria a, min lo ngaih serious sak deuh sela tha in ka hria, a bial anih loh vang ani mai thei a. Kan bial mipuite hi an khawngaihthlak khawp a, kawng awm ve si, kaltlang theih mang si loh, tin lui pahnih a awm a (lian vak lo chu pawh chu) khami khanin fur laiah kaltlangna a dal a, buhfai te pawh an phur hlei thei lo kha ani a, tiang khawp a harsa kha ani a. Chuvang chuan kan ngai pawimawh a, engtin tin emaw temporary bridge, wooden structure talin kan ti ang chu tih kan ngaihtuah deuh laiin estimate min siamsak ru kan tih laiin, mahse an la siam zo hleithei lo ta si kha a ni a, kan buaina pakhat chu, chu chu a ni a. MLA fund chuanin dawh dawn pawh ni ilangin kan inhmang zo emaw ani ang a, a uiawm ve ang reng viau mai a. Chuvang chuan PWD lampang atang khan wooden structure talin kum hnih khat daih talin min dawh sak thei lawm ni? Ka'n ti anih chu.

Pu LALTHANSANGA (MPC) : Pu Speaker, ka lawm e. Serchhip District PWD khi S.E a dah tumna a awm em? Awm ni ta se, khi khi S.E a an thuthmun anih chuan Vanlaiphai khi E.E thuthmun turah chuan kan han ngai nghal deuh ringawt a, chumi chu Serchhip Block-te pawh khanin an rawn sawi tawh in ka hria a, khami kha hmalak tumna a awm em? Tin, Artahkawn- Keitum- Artahkawn NEC road khi class 9 road a han pawh leh tawp a ni mai a, a kawng khi khiti khianin, hmanni a kan MLA zahawm tak Pu Rinawma'n a tui pipe phum ang deuh kha a ni ringawt mai a, a hma lampangah Vanlaiphai emaw, Lungdar lampangah khian hmalak tumna a awm em? tih kha ka'n zawhbelh a ni.

Pu R. LALZIRLIANA, MINISTER : Pu Speaker, Pu Lalthansanga zawhna kha Serchhip-ah khian S.E dah tum ani a, a tiin ka hria a, a thut hmuna chuan Vanlaiphai tih kha engnge ni? E.E i ti nge S.E i ti? tumna a awm a, sawrkar hmasa khan kan dah tawh an ti a, kha kha kan hre mai a, hun ala rei lova, thil zawng zawng kan la ti hman lova kan hotuten, chuvangin sawrkar hmasa in a thil alo tih tawh chu chhonzawm zel kan tum a, a that loh chuan thudang a ni. Pu Rama kha ka ngai pawimawh a, mahse a changtu chiah ka ni lova, a hma a District han hawna ah kha chuan a tel rih lova, lei dawh te pawh kha khati taka pawimawh anih kha chuanin PWD atang lo pawhin R.D atangte pawhin engtin tin emaw kan la in be chhonzawm zel dawn nia, nagmah nen, a tha ang.

Tin, Pu Thangtea zawhna Multi-Model Project tih kha tan ala ni lova, tan anih chuan circle kha chu tan mai turah kan ngai a, chuvangin hawn theih mai turah kan ngai a ni. Tin, Buarpui kha tehfung tha ber tih kha kan compare lova, kan la sawiho hauh lova, han ngaihtuah chuan a thawktu te kha an kal ve lo a ni, kawng hi a chhe lutuk kan ti thin a, chuvangin mawl taka ngaituah chuan a tha ber dawn lawm maw ni le, anmahni pawhin a chhelai tu in emaw contract duh avanga va report ava en ai chuan a thawktute an kal reng kha chuan khang khan engkim an hre zawk a nge, tih kha chu ngaihdan chu ani deuh anih hi mawle.

Pu LALTHANSANGA (MPC) : Keitum to Artahkawn bak khi, hmalak tumna a awm em? Siam belh nise ava tha awm ve.

Pu R. LALZIRLIANA, MINISTER : Pu Speaker, Demand-ah khan a sawi theih tho va, kan Minister a changtu Chief Minister PWD kha nakin deuhah a Demand kha sawi hun ala ni a, khalaiah khan chiang zawkin khawngaihin a lo zawt mai dawn nia. Tin, S.E dah hun tur hi chu a hun tak min hrilh thei em? tih kha chu, a hun takah kan rawn chhunzawm mai dawn nia, kan rawn hawng mai ang. A hun takah kan rawn dah mai dawn nia. Chu chu ka chhan theih dan ni teh se.

S P E A K E R : Pu Lalduhawma. Pu Duhawma hian han zawt sela. A changtu tak Minister a ni lova, a aia chhanna hian rin aiin memberte dukhawpin min chhang lo thei a. Chuvang chuanin ka sawi ang khan Demand sawi hunah te khan hun kan la nei turah ngai ila. Pu Duhawma..

Pu LALDUHAWMA (ZNP) : Pu Speaker, ka lawm e. Sakawrtuichhun atanga PTC inkar khu, hemi Sairang lampang main road traffic relieve tu atan a tha em em mai a. Khu khu thawh mek a ni a, a tlang thawkhat tawh a. Black top-a kan tih khan a hma zawnga boulder phah leh thildanga a lungawithlak viau lai khan black top khu a chhe ta lutuk a. Kar khatna vel atang khan a chhe tan a. Chuan, hlamkhat bial te, feet thum bial te khanin an kher leh ta thluah mai a. A thenlai pheih chu an kher rek lutuk a, motor leng chang changte an zuah a. A tawp lampang hna a chhe lutuk khu a paw ka ti khawp mai a. Kan hmang tangkai em em a, Khulai bial mai nilovin, Aizawl pumpui tan hian khu khu a tangkai lutuk ringawt mai a ni. Khu kawng khu departmental-in eng chin nge thawh anih a, contractor hmangin engzat nge a estimate, revise leh a ni em, engtikah nge zawh an tum? tihte kha tun maiah Pu Speaker, min chhan theih pheih chu ka beisei lova, amaherawhchu, heng information hi a remchang hmasaah min rawn pe thei ang em?

S P E A K E R : A chhang turin Minister.

Pu R. LALZIRLIANA, MINISTER : Pu Speaker, information a hranin ka nei lova. Tunah hian ka chhang thei mai lova. Tuna member zahawm takin a rawn dil ang khan kan department hotuten an hrilh a. Kha kha tun seasion chhungin pek kan tum dawn nia.

S P E A K E R : Hmunnuamah khan Health hovin PHC nge ni, eng nge maw ni, insak an tum niin ka hria a, sawtah khan. Mahse, Vanthuampui lam te kawng a tlang miah lo mai a. Chuvang chuan bungrua han inphurh luhna kha a awm loh avangin an che hlei thei lo ni te pawhin ka lo hria a, chuvangin, Vathuampui South ah Parva khua thleng kawngte kha ngaihpawi mawh ah nei thei hram ila tih kha chair atangin kan sawi ve ani. Tunah zawhna Starred Question No.72 na zawt turin Pu Nirupam Chakma ilo sawm ang.

Pu NIRUPAM CHAKMA (INC) : Pu Speaker, zawhna leh chhanna hei darkar khat chauh kan nei a, member zahawm tak tak Supplementary siam chungchang ah khan relevant deuh chi kha zawh thei ila chuan tam tak kan zawt thei ang a. Vawinah pawh hei 20 kan nei a pakhtah minute 20 te a ngaih kha chuan kan kaldan hi a dik tawh lo ani.

S P E A K E R : Heta chhan hman lo pawhin inlam ah a chhanna chu an pe tho che u ani lawm ni.

Pu NIRUPAM CHAKMA (INC) : Supplementary te chu dan a awm a, separate notice pek tur ania. Chuvang chuan kal zelna tur ah chuan kan hriatthiam a ngai in ka ring ani. Pu Speaker nimirah Minister in min chhang tawh a, vawinah ka zawt ang em aw ka ti a, starred question 72 na “Will the Hon’ble Minister for Industry Department be please to state. Will the Sub-Divisional Industry Office still exist at Chawngte? tih te ani a. 2. If so, who are the staff posted in the SDIO Office at chawngte. Kan hriat tawh a awm em? tih kha nimirah min hrilh a, chhang mai mai rawh se.

S P E A K E R : A chhang turin Pu S.Hiato Minister Industry .

Pu S.HIATO, MINISTER : Pu Speaker, chhang mai mai lo in, tak takin ka chhang ang e. A zawhna

- (a) na kha Office does not exist at Chawngte tih a ni a
- (b) na kha ‘No Staff posted at Chawngte’ tih a ni.

S P E A K E R : Zawhbelhna a awm lo maw ? Starred question No.73 na ah kan kal anga, a zawt turin Pu Joseph Lalhimpuia ani a, mahse Pu Himpuia hian chawlh a rawn dil a, a aia zawt turin Pu TT Zothansanga a pe a, Pu TT Zothansanga'n han zawt sela.

Pu T.T. ZOTHANSANGA (INC) : Pu Speaker, ka lawm e. Kan member zahawm tak Pu Joseph Lalhimpuia zawhna chu hetiang hi a ni:

- (a) LDSC ground number 2, Lunglei enkawl nan sorkar in sum engzat nge a sen tawh ?
- (b) Eng atana hman nge ?
- (c) Tun dinhmunah he ground chei nan hian leiba a awm em ? Engzat nge? tih a ni.

S P E A K E R : A chhang turin Sport Minister Pu Zodintluanga i lo ko ang.

Pu ZODINTLUANGA, MINISTER : Pu Speaker, kan member zahawm tak Pu Joseph Lalhimpuia starred question 73 na chhanna (a) na hi chi hnih deuh a chhan a ngai a, khawngaihtak in min lo ngaihthlak sak sela. LDSC ground number 2 atana sum sen tawh zat chu hetiang hi a ni :

i) Construction of Hockey Ground an ti a, hei hi kum 1996 vel a tan tawh kha ani a, tah hian cheng nuaih sawmsarih pasarih leh sangli leh zathum sen tawh ani a. Chuan kum 2005 khan he ground ah tho hian improvement of LDSC ground an ti a hei hi District Sports Center hrang hrang atanga sum hmuh ani a. Hetah hian cheng nuai swmhnih paruk leh cheng singli hman ani tawh a, wawiin nia sawrkar in a sum a sen zawng zawng chu cheng nuai za pathum leh singli sangli zathum a ni a. 'b'- na chhanna chu :

- i) Engatana hman nge? Tih ah khan nichin a chhanna pakhat, nuai sawmsarih pasarih leh sangli leh zathum hmanna ah kha chuan, hockey ground siamna te, protection wall, retaining wall, earth cutting leh side-drain leh gallery-te siam a ni a.
- ii) Sport Hostel tur leina leh sak belhna te, Multi- indoor hall sakna te a ni a.

Pu Speaker, tah hian sawi tel ka duh chu, Mizoramah field kan nei tlem em em a, kan harsa a. Term hmasa pawn helai House-ah pawh wawi tam tak kan sawi thin a. Chutah chuan he House zahawm tak hian min hriatpui tur a kan duh chu, saw kan ground neih chhunah sawn indoor hall an sak a saw field lai tak maiah sawn sak a ni a, saw saw sawrkar hian thiah a tum a. Tin, hetah hian pawisa leiba an thawh tawh saah hian nuai nga leh sing kua leh sang riat leh sawmsarih leh pangka kan nei a, an thawh tawh sa an la thawh belh tur nilovin,

tin, a in bulah sawn nuai sawmthum leh panga a lei a ni a. Chutah chuan a sak belhna tur work order pek nghal a ni a, heta kan hman tawh hi nuai sawmhni pak a ni tawh a, tah hian nuai sawm panga ba a ni a. 'c'-na chhanna chu :

Tun dinhmunah ground cheinan hian leiba a awm em? tih kha- a chhanna chu: An hnathawh tawh sa, wawiin nia work done ti mai ang an lo thawh tawh sa hrim hrimah sawn, nuai 29,8075 leiba a awm a ni . Pu Speaker.

SPEAKER : Awle, tunah chuan zawh belhna a awm lova, e a awm e. Pu H. Zothangliana i ko ang.

Pu H. ZOTHANGLIANA (INC) : Pu Speaker, ka lawm e. Hei hi ka ngaih pawimawh ve zawng anih avangin han zawh belh ve ka duh a, Lunglei LDSC ground ah chauh ni lo hian, hetiang deuh a thil tih hi hmun dang tam takah Mizoram chhung ngeiah a awm niin ka hria a, chuvangin kan Sports Minister zahawm takin a min chhan atana kan zawh duh chu—

Mizoram State Sports Council emaw Sports Youth Services Department emaw hian hmun hrang hrangah Mizoram chhungah mimal hrang hrangte hnenah leiba engzatnge a neih? Tin, heng leiba te hi engtik atanga bat nge a nih? Engvanga bat nge a nih? tih te hi min chhan theih chuan ka lawm khawp ang.

Pu ZODINTLUANGA, MINISTER : Pu Speaker, kan member zahawm tak Lawngtlai 'E' bialtu zawhna kha a zau ang reng a, hei wawiin niah hian kan la inchhut fel hlei thei lova, District Sport Complex atan Central atangin pawisa beiseiin hna kan lo inthawh tir nasa mai a. Vawin niah District hrang hrangah kan han belhkhawm hian cheng nuai zaruk vel hi chu pek tur kan nei awm mange aw, tiin kan inchhut a.

Amaherawhchu, an actual contractor ten chuti zat chu kan ba ang an rawn tih leh sawrkarin an thawh chiah chiah te, a actual measurement te la in tunah hian kan buai mek a. Chuvang chuan wawiin ni a, a total a kan ba zawng zawng kha chu a figure chiah chuan a hriat theih loh a. Nuai zaruk vel hi chu lo thawh tir tawh, pawisa a la awm loh avanga la pek loh a kha a awmin kan hria a, a figure chiah nichina kan sawi ang khan a zat chutiang vel chu a ni ang a tiin tunah hian kan chhut mek a. Tin, ba kan neiha hi Pu Speaker, buaithlak deuh mai chu, contractor pakhat hming ni silo, hna pakhat hian mi 4/5 te an awm teuh mai a, tu ber nge pek tur tih pawh kha wawiin niah hian kan la buai em em mai a. Entirnan, retaining wall tih ah chuan hming 5 te an lo intlar thla ta a. Chungte chu a tu ber hi nge sawrkarina kan bat tihte wawiin niah hian kan inchhut mek a. Khatiang kha kan awm dan a ni. Ka chhangfel em tih ka hre lo.

S P E A K E R : Engtiklai atanga tan nge? tih kha sawi lan tul deuhin ka hria.

Pu ZODINTLUANGA, MINISTER : Kum 2005 atang khanin Project hi kan tan a ni a. State Sawrkar in a kan siam, pek turte, kan neih ang hi chu hman zawh tawh a ni a. Central atanga hmuh beisei a, kan lo thawhtir atanga ba a ni a, tuna mi kha.

S P E A K E R : Tunah Starred Question No. 74-na zawt turin Pu Lalduhawma i lo sawm ang.

Pu LALDUHAWMA (ZNP) : Pu Speaker, Rural Development Minister zahawm tak chhan atan ka zawhna

- (a) Job Card chuang siamruk ching V/C thenkhat an awm tih sawrkarin a hria em?
- (b) Chutiang chu an awm chuan sawrkarin engtin nge action a lak ang?
- (c) Samtlang, Tlangnuam block/khuaah job card chuang siam a ni em? Action lak a ni em?
- (d) He khua a Monitoring Committee dinglai hi engtik atanga awm nge? A thlana thlan nge an nih, ruat chawp? tih ani e.

S P E A K E R : A chhang turin Rural Development Minister Pu R. Lalzirliana.

Pu R. LALZIRLIANA, MINISTER : Pu Speaker, member zahawm tak Pu Lalduhawm zawhna chhanna

(a) Hmun thenkhatah job card chuang a awm tih hi department chuan a hria a. Hengte hi V/C te hian an veivahna senso mipui hnathawh tur ruahmanna leh tul pawimawh dang atan fund hranpa a awm loh avangin job card chuang hi an lo siam thin tih hriat a ni.

(b) Hetiang job card chuang hmuhchhuahte hi social audit ah sawichhuahte thin a ni a. V/C ten an dinhmun leh an harsatna tawhte an sawi tawhte mipui lam pawhin awm an tih avangin action lak a awm lova. Amaherawhchu, job card chuang tibo/tireh tur hian V/C te hnenah inhlawhna tur pawisa pek anih rualin contingency fund ruahman sak anni ta a, hei vang hian job card chuang an kawl te pawh thuneitute hnenah an thehltut tawh ani.

(c) Samtlang khuaah hian tunhma chuan job card chuang V/C ten an kawl thin a, tunah chuan an kawl tawh lova, cancel a ni tawh.

(d) A zawhna hi a rei deuh tawh a, ilo theihngihl takin he khua a Monitoring Committee dinglai hi engtik atanga awm nge? A thlana thlan nge annih ruat chhawp? tih kha ani a. A chhanna chu Samtlang khua a Village & Monitoring Committee hi 2008-2009 a Aizawl District-a hman tan anih atanga ding tan ani. Village & Monitoring Committee member te hi khawtlang NGO hrang hrang YMA, MHIP leh MUP atangin nomination siamin mipuite pawmpuina a ruat anni.

S P E A K E R : Zawhbelhna Pu Lalduhawma.

Pu LALDUHAWMA (ZNP) : Pu Speaker, Monitoring Committee din dan hi a guideline ang hian kal thei hram se chuan a fel mai a, amaherawhchu, thudik tak chu tunhma atang tawh khan village level committee an din reng reng hi ruling party chauhin an din, midang hriat hleih loh a an thiat, an vuah thar leh te hi a awm thin a. Tin, YMA leh Party tin aiawhte pawh a ruling te'n a an pawla an lakluh mai theih awm, an zuam deuhthe emaw, an thunun theih deuh tur emaw va ruatsak, dahkhawm, a hminga aiawh a pawm ve si, khang ang kha kan ramah hianin a awmfo ani tih kan hre tawhin ka ring a. NREGS-ah pawh hian Monitoring Committee hi felfai taka din anih theih nan a fel loh zualna khuate alo awm a, complaint alo awm anih chuan kan sawrkarin dik takin a hmunah endikin a siamtha thei ang em? tih hi ka zawhna pakhatna chu ani a.

Tin, job card chuang hi a tamzia kan hria a, khawpui chhungah pawh V/C khatah 100 chuang chuang neite pawh an awm tih kan hretlang vek a. Tunhma pawhin V/C te kuta lut, an implement for sanction chi hrang hrang a awm fo tawh a. A hranpain an eitur siam ani ngai chuang lova, tunah erawh chuan, kha, a hranpa deuh hleka siamsak alo ni ta a. Chuvangin mipui chanai pawtpeng lo tura beisei lehzual tur annih ka ring a. Hmanni a State Level Monitoring Committee kan thut khan job card chuang atan a sum senso hi nuai sawmruk vel chu a tling ang tih kha committee ah khan sawi a ni a, a raphlak hle a ni. Chuvangin, hei hi chu ngaihthah chi ah ka ngai lova, ngaih serious a, tihreh tum ngei a tha in ka hria a. Hei aia chak leh hlauhawm hian kan sawrkarin hma ala thei ang em? tih hi kan zawt duh baw a.

Tin, abik takin North Chaltlang leh Hliappui khua hi min lo chhinchhiah sak se ka duh a. North Chaltlang-ah hian Social Audit an nei a. V/C ten job card chuang atanga an eirukte an han phochhuak tak tak ta a. Tah chuan Social Audit a an Secretary, an Private High School zirtirtu Michael Lalhruitluanga chu V/C ten a hna atangin an ban tawp mai ani, an diklohna chhuichhuaktu a kha, tin, Hliappui-ah pawh hian YMA-in an chhui a, chiang takin an job card number nen, an hming nen keipawhin ka kawl vek a ni. Kha kha abik taka kan han hriat ve te anih avangin, kan hnen ah te alo thleng ve a, kan Minister zahawm tak hian a dang zawng zawng bakah heng khaw pahnih hi dik takin an kal tawh em? tih min lo ensak thei ang em? tih kan zawt a ni.

S P E A K E R : Zawhbelhna Pu Nirupam Chakma, a dawtah Pu C. Ramhluna.

Pu NIRUPAM CHAKMA (INC) : Zawhbelhna Pu Speaker, Hei, job card chungchang hian sawi a hlawh hle mai a. Job card leh job card lem tam lutuk ta hian. Keini bialah pawh block pakhat chauh kan nei a, Kan BDO hmasa kha a list kan dil khan min pe thei tlatlo mai a. Tun tuma kan SDO, BDO post-ah incharge ni mek bawh hi ka dil leh a, chu chu Chawngte Block job card list bik kha a ni a. A list chu lo en fiah ila, tichuan a lem a awm ngei anih chuan sawrkar-ah ka report ang, tiin. Chutiang chuan MLA zawng zawng hian tithei ilangin, kan tih ngei turah pawh ngai ilang in. Chutiang ti thei tur chuan Minister-te leh MLA-te zawng zawng hi an bial chhung, constituency tin atangin a list hi pek theuh ni ta ila, mahni bial chhung te chu kan bel hlawm viau tho a, chung a diklo/a lem tih kan chian chu report hmak hmak zel ila, a tha viau ang. Chuta kan zawhbelh duh lai tak chu chutiang list chu min pe thei ang em? tih hi a ni.

S P E A K E R : Pu C. Ramhluna.

Pu C. RAMHLUNA (MNF) : Pu Speaker, contingency fund kha sawrkar hianin eng engnge a pek dan kal phung criteria, a khaw len dan leh tet dan anga pek nge ni a engtin nge ni tih a kha kan hre duh a. Tin, chubakah chuan contingency fund pek tak avanga job card tuna an rawn submit tak zel a kha engzatnge ni a, angtik thlenga submit tur nge tih min hrilh theih chuan ka lawm ang a. Tin, chubakah chuan hetia job card extra an lo neih hi a block lampang atangin, R.D. lampang a tang hian an hriatpui ve tho ni a hriatna a awm si a, chutih laiah chuan a V.C. te khan mawh an phur ta bik riau thin hi eng nge a chhan tih ka hre duh a ni. A chhan chu, ka bial ah khuan kha mi avang khan V.C. eng zat emaw kha dissolve an ni tlat mai a, a lehlamah chuan a BDO te leh a hnathawk tuten an tuar bawh si lo a. Khalai a kha engtin nge a officer lampangah te khan mawhphurhna hi, responsibility hi a fixed ve theih dan te a awm em? tih te kha ka zawt duh e.

S P E A K E R : Pu K.Liantlinga, zawh belhna.

Pu K. LIANTLINGA (INC): Pu Speaker, ka lawm e. Kan zawh duh chu, job card holder zawng zawng a te kha Central instruction ang khan, account Bank/Post Office a hnai berah, khaw hnai berah emaw, an khua ah a awm a nih chuan, hawn vek tur tih kha ni in ka hria a. Tin, Mizoram sorkar te leh Postal

Department te pawh khan agreement an sign tawh niin ka hre bawka. Khatah khanin Postal Department ah Rural Bank, SBI ah te, account hawng vek tura tih hi eng hun chhungin nge? Engchen nge kalpui anih tawh a? Engzatin nge Job card nei account kha hawn sak an nih theih ang tih a kha kan zawh belh duh a ni e.

S P E A K E R : A chhang turin Minister Pu R.Lalzirliana.

Pu R. LALZIRLIANA , MINISTER : Pu Speaker, Job Card chuang lo awm hi a pawh khawp khawp mai a. Hei hi tun Ministry hian Job Card hranpa hi a la siam hman lova. A hma khan khalam kan thut lai pawh khan nasa taka sawi ve tu thin ka ni a, ka ngai runthlak viau a ni.

Chuvangin Monitoring pawh hi chak taka tih tur a ni a. A dik thei ang ber a enfel zung zung hi kan tum ani tih kha kan MLA zahawm takte kan hrilh duh a. Tichuan, Job Card diklo hi ka sawi ang khan sorkar hmasa lam atanga lo intan tawh, a tih dik hna hi kan thawk a ni mai a. Chutah chuanin, Job Card diklo tuna V/C te an lam kalna te, sum an lakna te leh khatiang ang an hnathawhna te, hmun hrang hrang a an mahni hna bawka nisi vantlang hna an lo thawhna tur atana V/C te leh BDO inthural ina an lo siam a kha theihtawpa tih reh kan tum a. Hetiang ang a theih tawp a hma kan la chung hian, thil thalo tiduh te chu a ruka hriat a har thei ang a. Chungah chuan kan MLA zahawm tak te khan bialah emaw bial lovah pawh hria kan awm chuan min hriattir turin ka ngen duh che u a ni. Tin, N.Chaltlang leh Hliappui bik kha kan lo chhinchhiah ang a. Engnge ni an chanchin zel te kan lo zawtchiang ang e.

Tin, Pu N.P.Chakma kha a ti tha ka ti khawp mai a. Tichuanin ani chuan a awm zawng zawng leh awmlo kha a rawn en dawn a ni a. A bial a hrechiang, MLA hlun a ni bawka, a hrechiang anga, tam tak chuan kan hrechiang vak thei lo anga. V.C te leh khatiang tanpuina a ngai tho in ka ring. A diklo a awm chuan ti dik turin sorkar a in peih reng ani tih kha kan chhanna nise, kan zavai khan. Tin, Pu C.Ramhluna MLA zahawmtak sawi kha Contingency Fund pek hnuah chuan V.C ten Job Card chuang an neih hi an surrender nasa tawh a, amaherawhchu, a zat leh khatiang chiah kha ka lo hre lova tunah hian kan lo en anga, tin, hemi V.C te hi a tuartu an nih theihna lai kha (a proposed tu BDO te ai chuan) a awm a. Amaherawhchu, an dik loh na kha sorkar in hrethiam in mi tam tak chu khawtlangin Job Card chuang an lo neih hi hriatpuiin V.C ten a tul angah te anlo hmang thei ani. Thenkhat te erawh chu khawtlangin hriatpui lova, an mahni a Job Card chuang pawisa lo in sem mai te an awm a, chung V.C te chu thiat anni deuh bik a, henglai hnaiah te phei chuan chungte chu kan dinhmun ani. Pu K.Liantlinga zawhna kha eng zatin nge engtik chen nge tih tur tih kha chu kan hre mai lova, job card hi theih chen chen Account hawnsak turin an in buatsaiha, hei hi kan inelna pawh ani a, helaiha hianin pawisa mi dang kutah a luh lova, a nei tu tur in hlawh tu dik tak ten anmahni Bank atanga an lak hian a

fihlim thei ber ang, (engemaw lo kal peng deuh te hi) tih India Sorkarin a rawn ngaihtuah hi kan tawmpui zawng tak ani a, amaherawhchu mi tam tak tan Bank ah leh heng Dak inah te la kal ngai reng reng lo leh hla lutuk tan chuan thil har tak ani a, an zavaiin an la ti thei lova, hei hi a tam thei ang bera tih kan tum ani. An tih zawh hma chuan eng hunah pawh engtik thleng nge tih kha an tih zawh hma chuan eng hunah pawh hawng tura inbuatsaih zel ani, (account hawn sak tur in) tih kha ka chhanna ani.

SPEAKER : Tukin chu Pu Zira a rim deuh dawn anih hi. Starred Question No.75 zawt turin Pu C.Ramhluna i lo ko ang.

Pu C. RAMHLUNA (MNF) : Public Works Department changtu Minister zahawm tak chhan atan –

- a) PWD thil neih Bulldozer, JCB leh Shutterings (beam & post) te hi mimal leh panel hote tan hman hawh ve theih dan a awm em ?
- b) Engtia nei nge tum khatah hman theih ? Enge a hawhna rate ?
- c) Heng hawh man atang hian 2008-2009 chhung hian sum engzatnge hmuh anih ? tih kha ka zawt e.

SPEAKER : A chhang turin Minister i sawm ang.

Pu R. LALZIRLIANA, MINISTER : Kan member zahawm tak Pu Ramhluna zawhna chhanna chu-

- a) PWD thil neihte hi hna a hman loh lai chuan hawh leh hman theih dan a awm.
- b) Bulldozer leh JCB-hi a hun chhung bituk a awm lova, shuttering & Beam leh post-te hi tumkhatah ni 30 hawh theih a ni. A hawhna rate chu hetiang hi a ni- Buldozer D 5015 hire rate chu Rs. 1,789.00/- darkar tinin a ni a. Tin, JCB Excavator hire rate chu darkar khatah Rs. 799.00/- a ni a. Shutterings, beam leh post-te hi Square meter khatah Rs. 22.00/- a ni a. A post hi chu a beam hian a kengtel mai nge ka hre lo.
- c) Kum 2000 chhunga heng hawhna man dawn zawng zawng chu Rs. 11,63,964.00/- a ni e.

SPEAKER : Starred Question No. 76-na zawt turin Pu P.P Thawla i lo sawm ang.

Pu P.P THAWLA (MDF) : Pu Speaker, Soil & Water Conservation changtu Minister zahawm tak chhan atan- Soil & Water Conservation Division, Saiha hi a function thei dawn tawh em? tih ka zawt e.

S P E A K E R : A chhang turin Pu H. Liansailova, Minister i lo sawm ang.

Pu H. LIANSILOVA, MINISTER : Pu Speaker, member zahawm tak Pu P.P Thawla zawhna chhanna chu- Saiha Division atan hian infrastructive Urban Development Ministry atanga sum hmuh hmangin siam mek a ni a. Siam zawh anih hunah Division District Office Function tura hmalak ani ang tih a ni e.

Pu P.P THAWLA (MDF) : Pu Speaker, he Soil & Water Conservation Division hi a bul tan hmasak ani daih tawh a. A hnua nikum election puan hma a, PHE division pawh E.E-te dah nghal in official inauguration pawh tih a ni tawh a. Building hran buatsaih chuk chuk pawh ani lova, office awmsa luahin emaw in hire chawpin emaw a bul tan theih ani a. Soil department hi chu a office main building hi sak zawh ani tawh a, a division office luah tur pawh quarter sak zawh ani tawh a, IV grade quarter pawh a dang sak sak kha chu tikhan lo chhonzawm zel mai sela, hawn tan theih ani ve mai lawm ni? Tihian mi in luah chawpte pawhin office tam tak bul tan ani tho si a, tih kha ka han zawhbelh e.

Pu H. LIANSILOVA, MINISTER : Pu Speaker, a zawttu hi hun hmasa lamah khan Soil Conservation lo enkawltu leh henge pawh hi a hmalakna kal zel anih ka ring a. Soil Conservation Department harsat dan pawh a hrechiang zawktu mah a ni anga. Tuna office leh building quarter-te kan han sak saw hna kallai mek, zawh tep a ni a. Tin, office hi kan hawng mai dawn ani tih chu chuan a kaw k viau a, a theih anga hmaah office hawng turin kan in buatsaih e.

Pu P.P THAWLA (MDF) : Pu Speaker, pakhat kan zawhbelh leh anga. In 13 vel sakna tur sum kha Urban Development atanga pek chhuah a ni a, in 13 sak ani tawha, in 10 vel sak belhna tur kha cheque Finance Department nge Planning Department in an tibova tih kha tunah hmuh ani tawh em? tih kha ka zawhbelh leh e.

Pu H. LIANSILOVA, MINISTER : Pu Speaker, an buaipui meka an hmuhtheih hun emaw, an hmuh tak mai emaw chu ka la sawi mai thei lo.

S P E A K E R : Thil pawimawh tak tihbo hi tih loh hram chi a ni. Tunah Starred Question No. 77-na zawt turin Pu R.L Pianmawia a ni a. Pu T.T Zothansanga a pe a. Pu T.T Zothansanga i lo sawm ang.

Pu T.T ZOTHANSANGA (INC) : Pu Speaker, member zahawm tak Pu R.L Pianmawia zawhna chu hei hi a ni. Darlawn 'N', Serzawl kawng PMGSY hmanga laih mek hi eng huna zawh hman tura beisei nge anih?

S P E A K E R : A chhang turin Pu Zira i lo sawm ang.

Pu R. LALZIRLIANA, MINISTER : Pu Speaker, Pu R.L Pianmawia zawhna chhanna chu hei hi ani. December 2009-a zawhhman beisei a ni.

S P E A K E R : Zawhbelhna a awm lova. Tunah Starred Question No. 78-na zawt turin Pu Lalrobiaka i lo sawm ang.

Pu LALROBIAKA (INC) : Pu Speaker, ka lawm e. PWD Minister chhan atan ka zawhna Starred Question No. 78-na, Aibawk to Durtlang inkar a Lawngtlai lei dawh mek hi engtika zawh tura ruahman nge? tih ka zawt e.

S P E A K E R : A chhang turin Pu Zira bawk i lo sawm ang.

Pu R. LALZIRLIANA, MINISTER : Pu Speaker, Pu V.L Robiaka MLA zahawm tak zawhna chhanna chu- dawh mek ani. December 2009-ah chuan dawh zawh ngei kan in beisei tih ani e.

S P E A K E R : Starred question No. 79-na zawt turin Pu B. Lalthlengliana ani a. Ani hi a damlova, a aiah hian Pu C. Ramhluna i lo ko ang.

Pu C. RAMHLUNA (MNF) : Pu Speaker, Rural Development Department Minister zahawm tak chhan atan Pu Thlenga zawhna chu hei hi a ni- V/C NREGA hmang diklo em em te hi sawrkarin engtingge a tih dawn? tih ani e.

S P E A K E R : A chhang turin Rural Development Minister Pu Zira i lo sawm ang.

Pu R. LALZIRLIANA, MINISTER : Pu Speaker, Pu B. Lalhlengliana MLA zahawm tak zawhna chhanna chu hei hi ani e. NREGA guidelines anga NREGS pawisa a hmanna tura hmanglo V/C an awm anih a hriatchhuah a man annih chuan dan angin an chungah action lak a ni ang.

S P E A K E R : Zawhbelhna Pu Lalduhawma.

Pu LALDUHAWMA (ZNP) : Pu Speaker, card chuang sawrkara an surrender hi engzah chiah nge lo ni a, Sum engzah chiah nge kan lo sen? tih hi nakin lam remchangah member te hi min la rawn hrilh thei angem? tih ka zawt duh a.

A dawt leh ah chuan NREGS hnuai hnathawk hi keini bial ah te khu chuan BDO Office atangin thawh tur an rawn thlang sa a. An thlan ang ang kha kan V.C ten an thawk tawp mai a. “Helai atan hian a pawimawh zawk kan khawtlang tan,” tihna chance an nei miah lo a ni. Hei hi a guide line kalh niin ka hria, mipui a grass root level amite involve ngei ngei na tur chi niin ka hria a. A works thlan chungchangah te leh a implementation zawng zawng ah hian. Tun tum hi a hman hmawh thlak deuh avangin khatiang khan an ti hman lo ni ang deuh a sawina a awm a, ka hrethiam tho a. Amaherawhchu, thil kal zel tur a ni a, tun hnuah chuan V.C te theuh hian an khawtlanga an ngaipawimawh zawng zawng kha a tih theih dawn chuang lova, in order of priority in 1,2,3, in an rawn ziaq tlangpui thin a, chumi base chuan NREGS scheme hi sanction theih ni tawh selangin. Tichuan grass root level planning kan tih hi a takin kan kalpui tihna a ni nghal mai dawn a. Chutiang tur chuan a lo kal zel turah hian tih theih a ni tawh ang em? tih ka zawt duh bawk a ni.

Pu R.LALZIRLIANA, MINISTER : Pu Speaker, ka lawm e. nichina kan sawi ang khan kum 2008 hma lamah job card hi siam a ni vek a. NREGS tih tan tirh atanga siam a ni a. Chuvangin a chuang hi a awm a, tam tak tih bo tawh a ni a. Chu chu tun thlenga bo hi tun session chhungin rawn pek che u kan tum ang. Tin, NREGS Scheme a thawhtur hi he lai dawhkan atanga zuk pek mai chi a ni lova, chuvangin a khua, a neitute, thunei tu ten a tul an tih leh mamawh an tih ang kha thawh tur a ni. Chuvangin, chutiang zawng chuan hmalak kan lo tum ang e.

S P E A K E R : Tunah minute tlem te kan la nei a. Zawh lam chu a zawt hman thovang Starred question No.80-na zawt turin Pu K.Liantlinga i lo sawm ang.

Pu K.LIANTLINGA (ZNP) : Pu Speaker, ka lawm e. Hon'ble Minister Sports kan zawh duh chu hei hi a ni.

- a) Mizoram Sports policy siam chungchangah eng chen nge hmalak a nih tawh? Engtikahnge peih hman a nih ang? tih a ni a.
- b) Sports Department hian District engzatah nge Boxing Ring a dah tawh? tih ni a.
- c) Aizawl District Sports Office hi hawn tamna a awm em? tih a ni e.

S P E A K E R : Hun a la ral lo deuh chiah a, chhang turin Pu Zodintluanga Minister I lo ko vang.

Pu ZODINTLUANGA, MINISTER : Pu Speaker, Aizawl South I bialtu zahawm tak Pu K.Liantlinga zawhna chhanna –

- a) Mizoram Sport policy Draft hi, drafting Committee kan din khan zo tawhin July 2009 khan Sorkar ah an rawn thelut tawh a. Approve turin enfel mek a ni a. Chuvangin a peih hun tur chiah hi sawi theih a la ni rih lo a ni.
- b) Tun dinhmunah chuan Boxing Ring hi dah a la ni lova, quotation te kan koh na kan budget session ah te kan zawh a, pawisa kan hman theih hunah chuan lei turin kan in puah chah tawh a ni.
- c) Tun dinhmunah chuan Aizawl District Sports Office hi hawn tumna a awm rih lo tih a ni e.

S P E A K E R : Le, kan hun a tawp chiah a, zawhbelhna hun a awm ta lova, zawhbelhna a ngaihnaawm tur ber zawk lam kan thleng hman ta lo a ni. Tukinah chuan zawhna kan zawt hnem hman khawp mai a lawmawm e. Rim fal bik Minister te pawh kan awm deuh a ni.

Le, Member absent-te kan han tlarah hian Pu Rohluna a lokal leh hman tlat tawh mai. Pu Lal Thanhawla Chief Minister, Pu Laldinglana, Pu Joseph Lalhimpua, Pu B. Lalhlenglana, Pu R.L Pianmawia, Pu P.C Zoramsanglana leh Pu Chawnga Pawh a lo thleng leh hman tawh a, a lawmawm e, Chawhna lamah chuan kan tam leh sawt tawh ang. Dr. R. Lalthanglana hian programme pawimawh a chhuahna min dil a, lokal leh tumin a chhuak ani, kha kha House kan hriattir che u a ni. Tunah chuan laying of paper a ni a. Pu Lal Thanhawla Chief Minister a aiah Pu R. Lalzirliana a aiawhtu in “The Joint Electricity Regulatory Commission for the State of Manipur & Mizoram Electric Supply Code Regulation 2008” hi House dawhkanah rawn lay sela.

Pu R. LALZIRLIANA, MINISTER : Pu Speaker, I phalna leh remtihna in The Joint Electricity Regulatoruy Commission for the State of Manipur & Mizoram Electric Supply Code Regulation 2008, House dawhkanah ka rawn lay e.

SPEAKER : A copy kha sem nisela, hmanni a kan sawi tawh ang khan, nimin piah lawk khan Grid Code Regulation kha an rawn ti tawh a. Hei, tunah hian Electric Supply Code kha ani ve thung a ni. Nakin lawkah hian India ram State dangte pawn an tih ang hian Board hnuaiah hian Department nilo hian Power & Electricity a la kal thei a, chuta tana hmalakna zel a ni. Member ten a dan kha in lo bel hle kha a tha dawn a ni. A dangah kan lo kal leh anga, Official Resolution a ni a. Pu Lalsawta Minister zahawm takin Official Resolution “ That the Gram Nyayalaya Act, 2008 (Central Act No. 4 of 2009) stands applied to the State of Mizoram except in the areas comprising the Autonomous District of Lai, Mara & Chakma, with effect from 02nd day of Oct, 09”, hi han move sela, lo ko ang.

Pu LALSAWTA, MINISTER : Pu Speaker, i phalna leh remtihna in The Gram Nyayalayas Act, 2008, hi he House-ah hian ka rawn chhawpchuak e. Central Act No. 4, 2009 hi Mizoram chhim lama Autonomous District Council pathum Lai, Mara & Chakma tih loh ah Mizoram chhunga hman ve anihna turin sawrkar resolution ka rawn pu lut e.

Pu Speaker, i remtihna in hemi Gram Nyayalaya Act, 2008 kum 2009 a buatsaih puitlin tak hi thingtlang lam panga court rorelna mipuiten an lo chanve theih leh zualna tur atana tih a ni a. Kan sawi tak ang khan Lai, Mara leh Chakma Autonomous District Council-ah erawh saw chuan keimahni in Sixth Schedule hnuaia kan in rorelna neih pangngai an hman avangin saw lampangah chuan tih a tul lovin, a tih pawh kan ti thei lova. Amaherawhchu, he thil hi tih theih anih bakah kan mamawh pawh a ni a. Tunah hian sawrkar atanga Court rorelna hi lak hran alo nih takah sawrkar hian a theih ang tawk tawkin criminal chungchangah leh civil thubuai chungchangah Magistrate te leh Judges te kan buatsaihin hmun hrang hrangah an post te kan han dah ve a, chung angh chuan an tih theih tam tak a awm a, amaherawhchu kan sawi tawh ang khan India ram zaupui kan thlirin, thingtlang lampang ami hmun tam tak a mite hian hetiangah an mahni veng/khua ngeia Court rorelna hi an chang phalo hle ni a hriat a ni a, chumi avang chuan hei hi Central Sawrkar hian a ngai pawimawh a, a hmingah hian (a vaitawng deuh nuai a) Gram Nyayalayas Act an han ti a.(**SPEAKER** : Han sawizau tur a awm em a copy kha kan sem vek tawh che u a, Bulletin-ah khan, han sawizau deuh ngai a awm em?) chu chu Thingtlang Court rorelna ti tawh mai ang. Amaherawhchu, Mizoramah chuan Village Council Court rorelna ang te pawh ti ilangin. Hemi dan a sawina ah pawh hian a hming pawh hi duh chuan “ by whatever name called ” a ti ve tho a. Hemi ang ngawr ngawr hi keini, “ Ava vai deuh ve mawle ! Chhengchung ana ! ” kan lo ti anih pawhin a

hming te pawh kan la siamtha leh thei tho a. A enga pawh chu nise he resolution kan put luh tak ah hi chuan a dinhmun tlangpuiah hi chuan hetiang thawk tur hian qualification sang kan tih ang chi L.L.B pass atanga sawrkarin mithiam an tih, tunah phei chuan officer rank anih dawn avangin Mizoram Public Service Commission in an lak tur anni ang a. Chu chu High Court te nena lak tur ani nghe nghe a. Sawrkar hian a lak chungchang thu ah pawh kan hre ve anih bak hi chu kan thu vak dawn lo a ni tih kan House zahawm tak hi han hrilh nghal ka duh a.

Tin, an hnathawhna tur chungchangah hian khaw tinah an awm thei dawn lova, chuvangin block tin ah emaw tal hi chuan awmtir ve te pawh lo thei dawn ta ila, block tin ami khan zin kualin “Circuit Court” kan tih ang chi khan an zin kual ang a Court-te kha an hawng ang a. Chuti chuan an thubuai neih ang ang kha mipuite hnenah ‘Justice at the doorstep of the villagers’ kan han tih thin anmahni kawngka ngei ah thubuai rorel sak theihna turin buatsaihna siam ani a. A pawisa pawh hi tlem a zawng kan nei ve thei dawn niin a lang a. State pakhat tan hian nuai 18 min pe thei a. Anihna takah chuan a beitham khawp a. Kum thum chhuang kha enkawl zuina mamawh, Recurring Grant kan tih ang chi, hlawh chungchang te, peon te pawh an lo mamawh ve ang a. Khan ang chi te leh magistrate (first class) kan rawih turte hlawh pawh kha State sawrkarin 50 % a tum ang a, Central-in 50 % a tum ang tih danah a awm a. Hemi chungchangah hian kan Chief Minister zahawm tak hian a ngai pawimawh hle a. Pu Speaker, kan Chief Minister zahawm tak hian a ngaih pawimawh em avangin lehkha hi a zuk thawn tawh a, keipawh Chief Minister aiawh pawhin ka zuk kalin ka sawi ve tawh.

India rama Chief Justice zawng zawng kal khawmna ah khan Union Law Minister kaihhruiin heng chungchang hi kan han zir ho tawh a. Hemi funding pattern hi Pu Speaker, keini ang State rethei tan chuan a harsa leh pek thin a, 50/50 tih hi. Chuvang chuan a hmunah pawh hei hi chu keini ang State rethei chuan kan thei lovang, kan tih tlangpui leh kan lo tawn ve a chu Central CSS kan tih ang chite pawh 90 % Central-in a tum a, 10 % hi kan lo tum ve chauh thin a, hetiang hian min tihsak ve ula te chu tiin kan dil a, anni pawhin cognisance an la a, min lo ngaih pawimawh sak a. Kan Chief Minister zahawm tak hian a hranpa in lehkha vawihnih a thawn leh tawh nghe nghe a, “Hetiang hi kan tlin tawk ve dan ani e, hetiangte hian min tihsak hram rawh u”, kan ti a.

Tin, chutianga kan phak ang tawk leh tul ni a kan hriat ang a hma kan lo lak piah lamah chuan vawiinah hian he House zahawm taka ka rawn put luhna chhan a chu Article 371 ‘G’-ah khanin hemi kan hnam dan ang, kan custom leh kan tradition mila civil case ani emaw, criminal case a ni emaw, hetiang chungchangah Court rorelna reng rengah India ram Parliament in dan siam mahse State Legislature in rem a tih loh chuan chung Parliament dan a chu a nung zo lovang, hman theih a ni lovang tih anih avangin a ni, he Court rorelna dan hi thingtlang lama kan unauten an hman hi tha kan ti si a, chutichuan hei hian, “engang takin nge Mizo nunah min khawih ang, kan khawtlang nun ah te engang

takin nge min khawih ang” ? tih hi kan member zahawm tak, Pu R. Lalrinawma, Law Commission Chairman ho hianin vawi duailo an lo zir in, uluk takin, chipchiar takin Pu Speaker, an lo en tawh a. Chutianga an en tawh hnuah chuan a tha aniang, hetiang hian he resolution-hi sawrkar hian in House-ah ‘move’ se, House hian rem a tih chuan Mizoramah hian he thil tha tak hi hmang ve ilangin ti a recommendation an rawn siam tak avangin vawiinah hian hmantheih anihna tur atan he House ina rem min tihpui turin ka rawn move ani ber a. Tin, khami a “1st class Magistrate kan tih ang kha engzatnge kan lak dawn a? kan pawisa dinhmun in a phak ang? tih te” pawh High Court lamte nen la ngaihtuah a, la tih fel tur chu la ni bawk mahse, a enga pawh kha lo in buatsaih a, ti maithei dinhmuna kan lo inpeih ve diam kha kan sawrkar tih tur ni a kan hriat avangin hetiang hian vawiinah ka rawn pu lut a.

He Court hotupa ber kan tih hi Presiding Officer of the Gram Nyayalaya an ti a, “Gram Nyayalaya” an ti deuh duah a, hei hi han lam thiam te pawh a har a, anni chuanin Gram Nyayalaya Adikoori an ti ani, mahse, a lam vel a harsa kan tih pawhin Presiding Officer kan ti mai anga, election-ah te pawh kan hriat bel tawh em em ani a, harsa a awm miah lova. Hei hi Law Commission pawhin an zir an zir a, member-te nen an han zir a, Mizoram tan hian a tha ang Central-in a thingtlang lampang duatna leh duhsakna a rawn hlui chhoh hi 371 ‘G’ hian Central Acts zawng zawng hi kan custom leh kan tradition khawih lampangte anih chuan a hman theih mai lovang tih nimahse langin. State Legislature berin a rem a tih a, kan phal chuan hei hi tih ve ngei tha a an hriat avangin an rawn recommend a, chu chu vawiin a ka rawn put luh chhan ber chu a ni e. Ka lawm e.

SPEAKER : Hei, a bu a awm a in dawhkanah a awm vek em? Aw, a awm vek a, kan member zahawm tak te, thildangah tulna tam tak innei a, chipchiarin in la chhiar hman kher loh ka rin avangin Minister kha tlema min han brief tur khan ka duh deuh reng reng a ni. A copy kan nei vek tawh a, kan sawiho nghal mai ang a, member tin kha 5 minutes in pe ilangin a tha awm e, nge sawiho a ngailo kan ti a kan adopt mai dawn a mi? Aw, kan sawiho ang, Pu Lalduhawma 5mins.

Pu LALDUHAWMA (ZNP) : Pu Speaker, ka lawm e. Kan chhiar chhuak hman awrh ani mai a, ngaihdan siamthiam a har ka ti khawp mai. Kan hriat duh chu vawiinah hian lo pass ta ila thalo kan tih niah khan kan sut leh thei ang em aw tih hi a ni. Kan Minister zahawm tak hian min hrihfhiah thei em tihah khan ka ngaihdan chu a inngat thui dawn khawp mai a. Law lampang ziahna pakhat a ka chhiar chu khawvelah hian Justice system-ah chuan Red Indian ho system tluka tha, rang leh dik hi a awm lo ani tih a ni a. Chu chu kan Mizo judicial system chiah ve tho kha a ni a. British sawrkar, unwritten constitution neite tana an judicial system kalpui dan ai pawha chungnung a ni. Tunah chuan vai tih dan copy-in kan ti vai zo tual tual ta mai a. A complicate tual tual ta mai a. Court-te hi kan hnaih poh leh kan inhek tam mai ang tih hi kei chu ka

hlau a. Chuvangin, he thil hi a zirtute chuan lo zir tawhin, kan hnam tan a that lo ring tawh mahsela Art, 371 'G' hian kan duh loh chuan min tilui thei lova, min hum a. La zir chian leh deuh a, la dah rih a, zau zawka la inrawn kual leh tluk hi a awm dawn em maw ni aw, hlauhthawna ka la nei deuh a ni. Ka hniahtlut chu a ni lo. Sawrkarin a i pass ang u an ti anih chuan ka pharpui tho ang.

Amaherawhchu, Pu Speaker, ka fimkhur a, reservation ka nei a ni. A chhan chu Article 371 'G'-in kan customary law leh tradition te min protect sak a, special provision a ni. He special provision kan neih theih nan hian khatih lai khan kei pawhin tha leh tui leh ngaihtuahna ka seng hnem ve em em a ni. Parliament-a pass anih lai pawh khan a pass tute zingah ka tel ve lai a ni a. Chumi practice tu turte chu kan village council te, kan tradition anga thubuui hlabuai min kalpuitute kuta awm tur hi a ni a. Chu chu he dan hian eng chen nge an rawn khawih buai ang? A tuzawk nge kan pan ang tih hre manglo khan subject thuhmun te kha tikhan an chai kawp ang a. High Court hrangte kan lo neih chuan kan sawrkarin thu a nei vak silo anga.

Dik chiah chuanin separation of power a awm e tih avangin thamna te hi a bo chuang miah lova, kan hre vek a. Kan tawp tual tual mai ang tih hi ka hlau a ni. Chuvangin, khawpuiah pawh Municipal Council kan nei dawn a. Chutah pawh chuan Municipal-a thuneitute kutah hian kan Mizo customary law anga ro an rel zui theih nan magisterial power pek chhoh zel te pawh hi kei chu tha ka ti a. Municipal awmna ah leh village council sixth schedule hnuaiia kan neihte kutah hian magisterial power hi pe tam tial tial ilangin, hman tam tual tual ila a tha ka ti a, tuna customary law kan han neih published takah te khan "luhkhung" leh "fan" tihte kha diklo deuhin a inziak lehngal a, tih that vat a tha in ka hria a. Tichuan, Mizo thubuui chu Mizo in relsak ila, kan hnam danin, simple takin, open takin V/C ten thubuui an rem te hi miin an ngaitthla thep thuap thei thin anih kha. Kha kha ani Justice chu, immediately delivered ani bawk. Tuna hetiang dan, a lam pawh har tak, lam pawh ka lam thiam loh, a ziak han en leh loh chuan ka lam thiam lo, chutiang kan han introduced thut mai chu ani a.

Kan V/C te kan pan tur ai kha helamah hian min pawt peng anga, a vai dan hianin kan inkhing vak vak mai anga. Kan social life, kan Kristian thinking, kan mindset thleng hian a nghawng chho ang tih hi hlauhna lai ka neih avangin, ka chian loh avang ani ber mai a. Pu Speaker, ngaihthat thlak taka min hrilhfiah erawh chuan ka pawm thei a. Tin, kan lo tusual anih pawh a sut leh theih dan a awm chuan ka la pawm thei tho a. Kan customary law leh tradition te khawih thei thil hi chu he House in rem atih loh chuan kan ramah hman theih ani lo tih lah kan hre vek si a, thil reng reng hi hemi atanga kan thlir zel tha ka ti a. Term hmasa te pawh khan, "Supreme Court-in min ti lui alawm, kan Chief Secretary an ko fo mai a, hmanhmawh a ngai", an ti a, min nawr vak vak mai thin a. "Kan hnam dan, kan inhung bikna te kha khawiah nge a awm tak, engah nge hetiang a in hlauh" kan inti tawh thin a, churang chuan kan hnam-in a Right

kan neih bik, privilege kan neih bik hi hre ran ila, chu chu tangkai thei ang bera hman pawh tum ila, tun tum thil pawh hi tha tak mai a, ihe lova kan pass liam ngawt atan chuan ka chhungril hi a in peih tawklo ani. Amaherawhchu, kan chiang e, a hlauhawm love kan hotuten an tih chuan ka pawm thei tho e..Ka lawm e.

SPEAKER : Pu R. Lalrinawma ka'n ko teh ang.

Pu R. LALRINAWMA (INC) : Pu Speaker, ka lawm e. He dan Court dinna tur kan Chief Minister zahawm tak leh Law Minister chak tak maiin a kan sawrkar chung reilote a hetiang an rawn chhawp chhuak hi a lawmawm ka ti a.

Pu Speaker, Central Act tam tak hi kan ram tana tha tak tak vawiin niah tam tak kan adopt tawh a, amaherawhchu, a taka hman lem loh te a awm a, hei erawh hi chu hmang ngei ila, kan adopt anih chuan, a tak takin kalpui ila tih kha a duhawm hle in ka hria a. Kan Minister zahawm tak in a move-na a a sawi tawh ang khan, thingtlang mite miharsa zawk ten equal justice an hmuh ve theih na tur ani a, miharsa ten justice an hmuhna tur hi hla tak atanga an rawn pan te, senso tam tak ngaia dikna leh an chanvo te an hmuh a ngai hi, he sawrkar hian an tan kawng a rawn hawng dawn a ni a, he dan hmang hian.

Tin, Court din tur a ni mai a, kha Court khan kan dan neih sa bak dan thar emaw zuk hman theihna a nei chuanglo a. Kan dan neihsa kan customary law ang te pawh a hmang dawn a ni mai a. Tin, India ramah kan awm a, helaia Mizo taka rorel tum dan ang a kha a theih tak tak chuang loh a, Criminal procedure code te, civil procedure code te kan zawm ve ngei a ngai tawh tho tho mai a. Chuvang chuan khang hnuaiyah khan awlsam zawka thingtlang mitena an dikna leh chanvo an hmuhna tur a ni a. Tin, chubakah chuan kan Mizo nula leh tlangval dan thiam ten hna an hmuhna tur a lo ni leh bawk a. Chutah chuan kan Central-ah kan Chief Minister zahawm tak ngen angin a funding pattern a pawh kha 50/50 nilo in 90/10 a ni ta a, 90 % funding a 10 % chauh helaia kan lo tum ve tur a lo ni a, chungte chu a lawmawm em em a, chuvangin he House hian phur taka kan pawm hi a tha dawnin ka hria a. A court a kha a hming chungchangah chuan Pu Speaker, nia, lam te pawh a har viau mai a. Amaherawhchu, vawiin niah hian eng yojana tih emaw eng gram gram emaw hi a tam tawh khawp mai a. Ka bialah an ti ve lo kan ti sup sup tawh mai a ni a. Tin, chubakah chuan Hindi uar tur te pawh kan ti chho zel a, a hminga kha chu kan Minister zahawm takin a sawi ang khan Rural Court emaw Village Court emaw pawh a la tih theih a. Tin, member zahawm tak ina an hlauhthawn, kan V/C te rorelna a tha a tih a kha a dikna chin chu a awm a. Amaherawhchu, kan V/C te power hi criminal-ah phei chuan lungin tan theihna ang chi kha an khawih theilo a ni a (Kan V/C ten). Amaherawhchu, civil court lamah chuan thubuai lian tak takte pawh an chai thei a, chutih rual chuan elected person an ni a (kan V/C te hi) khatianga mipui thlan khan vengthawng lovin leh party bias

nei miah lo hian ro an rel angem? tih te pawh hi ngaihtuah theih tak ani thin a.

Chuvang chuan kan V/C ten ro an relna kha chulai khalai chu a tha love ti a han sawitur fak hrelo mah ila, mipuite hian court-ah hian rinna kan nghah hi a ngai a, justice hmu turin Court pawhin justice kha ati ngei tur a ni a. Justice should not only be done but appears to be done ati a, natural justice principle-ah chuan, justice a ti ni chauh lovin, tih ni pawhin alang tur ani tihna a ni. Vawiin niah thingtlangah inkhinna ah party hrang hrangte kha lo inkhing ta se, Party khat V/C hnuaiah khan justice kha alang angem tih te pawh kha. Chuvangin mi khan rinna court-ah an nghat lo thei a.

Court-a rinna nghah loh kha a pawina em em chu Mob Rule-te hi arawn hring chhuak thei a. Tin, miin dan lo lek ve mai tumna te, Court lam thleng lova, hengte hi thleng fo thin ani a, kan buaina fo ani thin a. Chuvang chuan khang zawng zawng a kha hetiang a awlsam zawk a mipuiin a senso tlem bawk si a, dikna leh chanvo an hmuh theihna tur he sawrkar-in a resolution hmanga Central Act adopt tura arawn tih hi a lawmawm em em mai a, alo thalo ta anih chuan, a implementation lamah khan kan tichho leh mai turah te kan ngai deuh a.

Vawiin niah pawh Central Act tha tak tak kan adopt tawh kan implement that loh a awm kan tih ang deuh hlek khan, hei hi chu anihna ang taka kan kalpui chuan tha em em tur ani a. Employment opportunity tih bakah miharsa te, mirethei te dikna leh chanvo an hmuh theihna turin vawiin niah chuan, Aizawl District-te pawh a zau em em mai a, thingtlang hla tak atangin hetah kea an lokal te a ngai a, tah khan sum senso te a tam em em a. Chutah thubuai chinfel chhung a rei em em a.

India ramah hian a bik takin thubuai pending te hi atam lutuk a, heng court alo din chuan harsatna nasa tak sut kian alo ni anga, thubuai thi thei manglo, a thubuai neitu thi thei si, an dam chhunga justice hmu lo, khangte pawh kha tam tak an awm a ni. Chung chuan justice an hmuh theihna tura hetiang a chhawpchuah a lo ni hi a lawmawm em em a. Keini hian kan mamawh ani tia zuk sawi ngai lova. Central-in a hetiang a dan a rawn siama, pawisa te pawh min pek an inhuam hial hi a lawmawm em em a. Chuvangin resolution-te hi ka rawn thlawp ani a. Pu Speaker, ka lawm e.

S P E A K E R : Pu Chawngtinthanga i lo sawm ve leh ang aw.

Pu CHAWNGTINTHANGA, PARLIAMENTARY SECRETARY : Pu Speaker, ka lawm e. Nia, keipawh ka han en thuk thuk a, thil tha tak anih ka ring a. Kan resolution hi a support zawngin rawn kam hnih khat lek rawn sawi kan tum ang a. Mizorama kan judicial system hi village atanga regular courts inkarah hian gaps a nasa em em mai a. Tunhma District Council Court kan neih

lai a, administration of justice rules kan hman lai khan additional sub-district court atangin appeal a kal zel dawn anih chuan District Council Court-ah a kal ang, tih ani thin a. Tunah hian village council court hianin thubuai tam tak a nei ve in a ngaihtuah ve thin a. Khami atanga appeal lokal tur emaw decision an siam, an execute theih loh execute turin emaw, District Council Court-ah an rawn kal a ngai thin a. A lam hla a, mirethei te te hian an affort lo em em a. Chuvang chuan tuna kan dinhmun mai ah hi chuan thingtlang lama kan unau rethei tak tak te, harsa te te, mirethei awmkhawm hian justice hmuh an tum pawhin justice hmu turin court sang zawk an pan hlei theilo niin a lang a. Chuvangin helai a gap lianpui mai awm hnawhkhat tura he dan Central-ina a rawn siamchhuak hi ngaihtuahna finthlak tak niin ka hria a., a lawmawm hle in ka hria.

Tin, hemi Court Gram Nyayalaya lo piang tura hi village tinah hian a awm kher tur tihna niin alang lova, a dan kan han en hian no. of villages huam tur khan khawimaw laiah khan Block headquarters emaw group of village huam tur khan a tul sawrkarin atih ang leh High Court-in a tih angin kan established zel tur niawm tak ani a. Khami a Presiding Judge tura kha dan thiam mi zel ani tur ani a. Tichuan, kan miharsa zawk ten an thlen phak chinah pawh khan dan ang taka rorelna kha a awm thei dawn a ni. Kan Village Council ten dan mumal hre lem lova an rorelna hi a buaithlak chang a awm thin aa, hmanah khan kan Chief Secretary Pu Scott-a ho khan village council chungchang hi kan discussed tawh a. Keiina ka tanfung chu Village Council tereuhte legislative power in pe a, executive power an nei a, judicial power an nei bawk a, elected body anni lehngal a. Hetiang hi khawvelah a awm ngai lova, democratic institution atang hian hei hi a bo daih tur ani dawn lawm ni? Kan hotute hian siamthatna hi in ngaihtuah a tha ang a, ka ti a, an nui dar dar nghe nghe a ni. A dik an ti si a. Elected body in a judiciary an chai hi a fello in ka hria a. Nichina member zahawm tak Pu Rinawma sawi ang khan thutlukna mumal siam ngam loh chang hi an ngah lutuk tlat. An term tawp kum thum ral dawnah mipuite vote an khawn leh dawn sia, vote control tur ngah deuh chungah kha chuan thudik an keng ngamlo, kan Mizo Customary Law hi village council court hi a awmlo anih pawhin (a awm lovang tihna he danah hian a awm miah lova) a la function zel tur niawm tak ani zawk a. Lo awmlo pawh nise Customary Law hi Court zawng zawng hian a recognize vek a, Customary Law-a reltur ang chi chu Customary Law-in rel ani mai thin a.

Vawiin ah pawh hian helai kan regular court pawh hian chutiangin a kalpui thin a. High Court-ah nise Customary Law khawih chi reng reng chu Customary Law base-in alo rel ve mai thin hi a nia. Chuvang chuan kan Customary Law chungchanga kan inenkawl naah hi chuan a hlauh thawnawm ka ring lem lova. Tin, helaiah hian tuna Court thar turina a khawih theih chin tur ka han en thuak thuak a. A sawi nghe nghe a, ihe lova a lo khawih mai tura jurisdiction-ah chuan First Schedule Part-I ah leh part-II amite kha an ni e a tia, part-I ah hian criminal offences tenau deuh te ruk ruk te, eng eng emaw khatiang thil tenau mahse, thingtlangah tam em em lawi si, hrem ngai si te kha an ni a. Khatiang titurin police-in han book se, helaiah regular court thleng tur chuan

sawrkar tana insenso tam tak a awm mai bakah tha leh zung nen, alo harsa em em a. Khang problem te pawh kha a solve dawn niawm in alang a. Tin, kan ram zawi zawi a lo changkang hret hretah hian khawpuia Court lian zawkte pan kher kher lovin payment of wages, inhlawhfa tam tak kan awm tawh a ni. A ruaituten hlawh lo pe thalo ta se, khatiang kha thingtlangah anmahni hmunah hnathawktuten khin mai theihna chance te pawh alo awm dawn a.

Tin, inchhawrna rate chungchangah te pawh a hniam lutuk anih hlauh chuan an chhawr a te khan a chhawrtute an khing thei anga, kha Court-ah khan ; Chutiang ang chuan tuna kan hmanlai mek maintenance of wages and children kan hmanlai mek (MNF ministry hunlaia CRPC ami kan introduce te kha) khan, an ngaihtuah thei dawn bawk ani a. Chuvangin, hlauhthawnawna tur awmin ka zuk hre lova. He thil hi kan tana a tha tur niin ka hria, a pawmtlak hle in ka hria, pass mai ila, tiin ka rawn support a ni e. Ka lawm e.

SPEAKER : Awle, hei June thla a Mizoram Gazzette pawhin a copy hi a lo tih tawh a ni a, mahse keini ho hi dan lampangah hianin kan lo meng lem lo hlawm a. Hon'ble member hote pawh Gazette copy te hi chu pek ve zel ka'n ni a. Ka lo chhiar awm reng reng ka lo hrelo a. Engpawh nisela, kha kan han ngaihtla thuk thuk a, tin, kan member zahawm tak khanin "hengte hi han inhrilhfhiah chian ka va'n duh hmasa em" a ti a, khangte pawh kha sawifiah selangin. Han wind-up leh phawt sela, a tha awm e. Minister i lo ko ang.

Pu LALSAWTA, MINISTER : Pu Speaker, ka lawm e. Pakhatna ah chuan, he dan hi Mizoram leh kan hnam nun dan min rawn runtu tur a nilo tih kan hriat a ngai a. Chutiang anga kan lo ngai palh anih chuan, tunah pawh hian hetiang Court hi an awm reng tawh tho a ni. Khatiang judicial officer's te kha High Court-in a thuneihna pe in mumal takin civil cases leh criminal cases te thawk turin an awm reng a. Tunah pawh hian kan han indaih ve tan a, Autonomous District Council Area chhungah pawh kan dah tawh nghe nghe a, dah te pawh hi an rawn ngen ve tho tho tawh a ni, chu chu ka'n sawichiang hmasa duh a. Amaherawhchu, anni an danglamna chu, heng an rorelna turah hian, khang judicial officers te, magistrate of the first class kan tih ho-te ang a office te changtlung taka neih a, inkhing te pawh ukil ruai tawna inkhing a, supreme court cases te emaw, AIR te emaw atanga thu te la tawn a, khatia a kilkhawr zawng zawnga han inkhing ang tur nilo khan, a procedure a kha civil cases ah leh criminal cases ah khan a mawlin kan simplified in an ti awlsam in, rorel pawh thudik bo chuang si lovin, mi laka thudik bo chuang si lovin, a procedure a kha, a kalphung ro an relna tur atana witness an koh dan te, an thu ngaihthlak dan te, chuta an recording dante, khang ang zawng zawng kha tih a lo ni ang a. Chuvang chuanin kan thingtlang mite hi anmahni kawtkaiyah tuna Aizawl leh khawpui dang pan kher ngai ang chite hi ngai lovin, tuna 1st class magistrate kan tihte khan Circuit Courts siamin tour programme te siamin hetah hian...

“Champhai-ah chumi niah, Kawlkulh-ah chumi niah” tiin circuit judicial network siamin an ti ang a. Chutiang chuanin mipuitena hla tak tak atanga rawn pan ngailo khan anmahni khan an panchilh zawk ang a. Chuti chuan vawikhata an relfel loh a awm pawhin an kal leh hunah- “March thlaah, July thlaah” tiin programme fel tak siamin an kal dawn niawm in alang a.

Tin, keimahni V/C te power kha engti kawng zawng mahin a zauk tihnam chuang lova, amaherawhchu, a inkhinga te tribals ve ve kan nihna laiah te kha chuan, khang ang khan kha court khanin ro a rel ve thei dawn tihna a zuk tawm ve thei chauh a ni. Chuvangin hei hi a hlauhawm tur zawngin emaw han zawngchhang loh chi vak anih ka ring lova. A zirtute hian an lo zir uluk tawh a, law commission lam ten an lo zir uluk tawh a. Chuvangin, member zahawm tak Pu Lalduhawma te pawhin venthawna, reservation an han neite pawh kha thil awm tak anih rualin keini ngaihah chuan he House pass tir kan tum hi han thiat leh emaw han insut leh ngai tur chi hian kan ngailo hrim hrim theuh a. Kan kaltlang mai turah kan ngai a.

Chung kan kaltlang zelna turah pawh chuan tunah pawh kan nei reng tho va. Kan indaihlo em mai a, anmahni zawka hi zinkual theiin anni hian rorel dan thiam an nihna ang tak hianin thingtlang mite tan hian, “An kawtlaiah rorelna hi i hun hnaih sak teh ang” tih hi kan resolution-in a ken ber chu a ni a.

Tin, hetah hian a kan custom leh kan tradition anga kan han tih fe pawh hian a tak takah chuan High Court-a kan case a han thlen hi chuan C.P.C leh Cr.P.C a provision neuh neuh a hi kan zawm kim leh kim lohah hian, kan case kan hneh leh hneh loh a hi, Pu Speaker, a innghat leh tho tho a. Chuvangin “in spirit” tih hi a that viau rualin kan ukil te, court roreltute pawh hianin “in letters” tiin an zir ve tan te pawh hi a tul a, kan tih phung tur awm tak pawh ani a, “A procedure pawh hi kan tlin lo a lawm” han tih kumkhua ringawt kha Mizo te tan hian engatinge Bengali emaw, Madrassi emaw kan tluk loh fo bik fahran ang? An thiam ang chu engah nge kan thiam loh ang? anni aiin kan thiam ang tih pawh kha vawiin niah hian a sawina remchang ani a, kan sawi tel duh a. Chuvangin, Pu Speaker, I rem tihna in House-in min pawmpui ngei turin ka rawn ngen nawn leh a ni. Ka lawm e.

S P E A K E R : Lo tih tawp ka tum deuh tawh a. Pu P.P Thawla.

Pu P.P THAWLA (MDF) : Pu Speaker, Zoram thatna tur kan sawi ve lawk ang e. Ni e, Pathian zarah Zoram hi hetiang Gram Nyayalayas tih bawr vela buai nek nek tur hi chu Pathian zarah kan ngah lutuk lo tih chu alang tawh a. Tin, V/C kan lo nei a kan lo ring thawkhat viau bawk a. Amaherawhchu, elected anni a India sawrkarin ram pumpui State hrang hrangte pawhin kan hman ve zel tur thil tha a rawt a kan Assembly-ah pawh alo lut tawh anih chuan kan buai phahna tur lam chu a nilo phawt chuan ka ring a. Ram roreltu ten tha an tih a ngun

taka thlitfima an ngaihtuah hnuah House zahawm taka put luh ani a, tin, a senso tur lampang pawh 90/10 keini'n 10 % vel chauh kha kan tum tur ani bawk a. Chuvang chuan hei hi chu lungruah taka pass atan pawh kei ka hnial lo khawp mai tih ka han sawi duh a ni.

SPEAKER : A lawmawm khawp mai. Resolution neitu Minister zahawm takin pawmpui (adopt) a rawn dil tawh a. awle, remtilo in awm em ka lo ti lo ani maw?

Pu LALDUHAWMA (ZNP) : Kan remtilo hranpa lo, kan oppose lova, kan support hek lo. Kan Minister-in a sawi ang kha anih pawh kan duh khawp mai. Amaherawhchu, kan fimkhura, alo that loh palh takin kan kut kan sil, kan abstain a ni e.

SPEAKER : Abstain maw? A tha e. House-in lungruah takin tih kha a remlo deuh ani. Abstain pawlte kan awm a. Amaherawhchu, majority in remti an ti a, "That the Gram Nyayalayas Act, 2008 stands applied to the State of Mizoram except in the areas comprising the Autonomous Districts of Lai, Mara and Chakma, with effect from 02nd day of October, 2009". tih hi House-in a adopted ta a ni.

Tunah chuan Business dangah kan kal leh ang a, Financial Business a ni leh ta a. Vawiin chu Minister pahnih Demand kan la dawn a. Nimin ang bawk khanin la rual leh mai ila. Minister zahawm tak Pu R. Lalzirliana'n a Demand No. 16 te, 27 te, 38 te House-ah rawn submit sela, ilo ko ang, Pu R. Lalzirliana, i Demand kha House-ah i rawn sumit dawn a mi? kan lo sawiho theih turin.

Pu R. LALZIRLIANA, MINISTER : On the recommendation of the Governor of Mizoram and with your permission. Sir, I moved Demand No. 16, 27 and 38 for Rs. 550,32,80.00 /- only for meeting expenses during 2009-2010 in respect of the following Departments.

- 16 - Home (including Prison) - Rs. 305,79,87,000 /-
- 27 - District Councils - Rs. 136,25,89,000 /-
- 38 - Rural Development - Rs. 108,27,04,000 /-

Thank You.

SPEAKER : Pu J.H Rothuama'n a Demand No. 6 leh 37-te hi House-ah rawn submit ve se.

Pu J.H. ROTHUAMA, MINISTER : Mr. Speaker Sir, on recommendation of the Governor of Mizoram and with your permission Sir, I moved Demand No. 6 and 37 for Rs. 24,93,46,000/- only for meeting expenses 200-2010 in respect of the following Department Demand No. 6 Land Revenue & Reforms Rs. 13,58,26,000 Demand No. 37 Co-operation Rs. 11,35,20,000 Total- Rs. 24,93,46,000/-

S P E A K E R : Minister pahnih ten an Demand an rawn submit ta a. Kan sawiho leh anga. Member tin in minute sawm (10 mins) theuh hun inpe leh ila, niminah khan Minister pathum an nia an charge theuh a kha, Demand kha Minister-te han hmer kim kan duh theuh a, vawiin chu pahnih anni a. Chuvangin minute sawm (10 mins) hun kan inpe kha inpek belh ngai lovin zawh hram kha tum ilangin a tha ang e. Amaherawhchu, Opposition Leader lam te chu kan lo sawi tawh angin minute nga (5 mins) belhin avaiin minute sawmpanga (15 mins) emaw kha an chang chuang turah ngai ilangin, member ten i sawiho ang u le. Minute sawm (10 mins) a tlin hma minute khat (1 min) a awm velah bell kan han ti ri anga, tichuanin bell rik hunah chuan minute khat (1 min) hun kan nei tih hria in tih tawp thiam kan tum dawn nia, tunge sawi hmasa dawn le? Awle, Pu P.P Thawla.

Pu P.P. THAWLA (MDF) : Pu Speaker, Demand No. 27-ah lut nghal mai ila, kan thenawm maiah Meghalaya State a awm a. Meghalaya State-ah hian District Councils pathum (3) a awm a. Mizoram State-ah hian District Councils pathum (3) a awm bawka, engangin nge he State hnuaiia District Council pathum te hi a dinhmun a nawm leh nawm loh dan te a in ang mai em ka hre lutuk lem lova, tha tlang turah ngai ta mai ila. Kum 1971 North Eastern Areas Reorganisation Act, 1971 passed anih hmalamah chuan Assam State pakhat District Council hote hi kan awm tlang a. Mizo District Council Pawi lakher regional Council te awmin Shillong headquarter kan dawr tlang thin a. Amaherawhchu, North-Eastern areas reorganisations Act, 1971 passed anih hnuah hei Mizoram chu U.T kan nia, Govt. kan lo ni ta a, Regional Council pakhat kha District Council pathumah inthen in UT Sorkar hnuaiiah kan lo awm ta kha a ni a. Tin, veivahna lamte a harsa tawh vak lova, a nuam hle ani, state Sorkar duat leh duat lohah hian district council te hmasawn leh hmasawn loh te, nawm leh nawm lohna te a in nghat thei hle a, chu chu State roreltu apiangte rilruah cham tlat se tih ka duh hle a.

Helaila tlema lawmthu han sawi ka duh chu, hei, tunah kan House Leader zahawm tak mai Leadership hnuaiiah khan 94 kumah District Council pathumte hnenah theihna lian zawk pek a ni a, kan lawm em em a, ran chi kim talhin kan lawm ani. Amaherawhchu, thil fel tawk lo a ka hriat chu khami 93-94 kuma Mizoram State Budgeta Council a kal tur lang ang ang kha lump-sum in Council

hnena pek ani. Pek ani theuh a, kan lawm em em ani, mahse a leh pek Budget siam chhonzawmna ah khan khatianga tam kha pek belh chhah ni chuanglo khan a ngai lamah khan a kir leh ta a, chuvangin kan thuneihna lian zawka kha kan retheih pui em em zawk niin a langa, khalai kha a paw ang reng hle ani. A bak zel kum tin kan thu ka sawi seng lovang, kumin bikah hian hei sorkar thar a lo piang leh a. Kan Council hruaitute pawh Central a Plan Discussion ah an zuk tel thei hiala, a lawmawm hle. Kan Budget pawh nikum lam 2008-2009 lam ai chuan 2009-2010 ah hian Mara Autonomous District Council ah nuai 421 in a pun belh chhaha, Lai ah 405 in, Chakma ah 475 a pung a, hei hi a lawmawm hle a. Hetianga zalen taka State sorkar kaihhraina Council tena Central Plan Meeting ah pawh an zuk thei hi lawmthu ka han sawi hram a ni.

Pu Speaker, kum 38 Council kan kal tawh hnuah kan Plan sum kha tunah hian Lai-ah chuan nuai 1400 a ni a, Mara ah nuai 1250, chakma ah nuai 1150 ania, heng hi ngun taka kan chhut chuanin hemi Council pathum population hi 16% of Mizoram Total Population a siam ve a, kan sum chan erawh chu 2% vel chauh ani kan chan ni. Council pathumte hian kan sum chan hi 16% bawr vel kha chang ve ila chuan tun aiin Council pathum te dinhmun hi chu a kang sawt in ka ring. Chu chu hotute hriatah ka han sawi ani. Tin, Council te, kum kal ta ah khan han sawi ta mai ila Governor hmasa khan Council hi min han ti duhdah deuh thin khan ka hria a, ka lo teh ve na lamah. Nominated MDC han inban te a lo ri a, a hrehawm em em a. Tun hnaiah pawh kan mikhual pakhat lo leng chuan “Tunah pawh khian MDF nominated MDC pahnih ban tumin an phur viau tawh asin” tih kha dawt ani nge nilo arawn sawi ri a. Thleng lo hram se tih ka duh a. Chutiang chuan Council dinhmun hi he State kal chho zel hnuai duat ngai ngawih ngawih Council 3(pathum) te dinhmun hi he kan Sorkar thar hian tuna Budget te han tihpun sak a, a han ruahman dan atangin beiseina sang tak kan nei a. Kan beiseina ang tihlawhtling tur a min enkawl chhonzawm zel turin ka han sawi duh a ni.

A dawt leh ah chuan Pu Speaker, Demand No.38 na Rural Development lamah kal ka duh a. Rural Development sum tam tak hi kan State Budget nilo Central atanga direct a lokal, kilkhawr deuh atang pawh a kan lo hriat lar em em department ani a. Rural Development tih hi a mawi pawh a mawi hle in ka hria, a changtu Minister nih te pawh hi thil chakawm tak turah ka ngai a ni. Hei hi thingtlang miten kan lo hmelhriat em em leh kan nghahhlel ani. Amaherawchu, kum 2000 MADC, CEM ka nih laia meeting kan neihna pakhat ah chuan chakma District Council CEM chuan “heng BADP scheme hi ka bialah, ka Council huamchhungah lo ti reng reng suh u, tuten emaw Aizawl vel atanga sum in lo siamna tur mai mai ah ka phal lo” a ti a, a ang buan buan mai a. Ka la hre ve vak silova, chutiang zawng chuan he Rural Development sum hi hman chhoh zel ani palh ang e tih fimkhur thil thu hotute hriat ah leh member zahawmtak te hriat ah ka han tarlang duh bawka. Chuvangchuan, sum hi tha tak a kan hman chhoh zel ka beisei em em ani. Thil pakhat ka han tarlan duh chu BADP scheme hi kum liam ta lamah te pawh khan ka bial chhung ah Lungdar khua ah hian motor ala lut lova, BADP sum atang hian vawi tam tak scheme te a lo awm chu

Lunglei ami te emaw an lo ni thin a. Hnathawh tak tak awm lem lo khan kawng tlang bawk silo, motor thleng bawk silo khan a liam a liam ani.

Nikum lamah khan nuai 14 Lawngban atanga Lungdar panna tur kawng scheme a awm a. A hna kha a changtu Minister hi ka dil nasa mai a, tuntum chu a bialtu MDC leh keima enkawl ah rawn ti mai teh he term liam hma hianin kalkawng tlem te hi tih kan duh a ni, tih ka thahnem ngaihna in thu ka sawi nasa hle a. Mahse ka hlawhtling lova, contract hna an pek te hnenah pawh mimal takin kan lo sub-contract ang e, ti te in ka umzui a mahse kan hlawhtling leh lova. Nikum inthlan dawn ah khan tlemte chu hnuhma siam a ni awm e. Nuai 14 kha Km engzat laih nan nge an hman leh tawh pawh hriat ni lovin a zu zi leh ta a ni. Ka han tarlan uar em em duhna chhan chu tun sorkar kalchho ah hian hetiang motor kawng in a pawh loh motor te pawh thlen theih lohna khua te hi he Rural sum atang hian pek zel nisela ka duh em em a ni.

Tin, Pu Deputy Speaker, hei ka hriatsual loh chuan Lawngtlai district te Saiha District ten BRTF sum te kan lo nei a ni awm a. Hei bialtu MLA pakhat kan lo nih ve na lamah a Board member ah tak ngial pawh kan tel ve pha lova, an hnathawh chhiat leh that hriat tum ve tur pawh in in thlahrunna a na duh riau mai a. Hetiang hi chu ni lo hram se a tha lawm ni? Bialtu MLA te hi chu an telna district a BRGF Board ah te khan tel ve sela, thu leh hla te nei ve thei sela, tichuan kan him tlang deuh ang tih ngaih tuahna te mi neih tir a. Chungte chu kan hotute, a changtu Minister te pawhin min lo enzui sak hram sela tih ka duh a. A hmasa ber phe chu a hna pawh sem zawh a nih tawh ka ring a, a lo kal zel tura beiseiin chutianga a kan that tlan theihna atan leh a achievement a lo that zawk thei nan mawhphurhna a kan lo tel ve te kha a tulin ka hria a, chu chu ka han tarlang duh bawk ani.

Tin, demand 16 na Home ah hian tlem tarlan ka duh a keini Saiha district a kan Jail hi a rei tawh khawp mai a, siamthat a tul hle tawh a ni. Mizoram chanchinbu ah hriat thamin kan mitangte tlan chhuak tih te pawh kan hriat fo tawh kha. Chuvang chuan a changtu Minister zahawm takin kan District Jail te hi min han siamthat sak tawh sela, a thar mawi tak, tlan chhuah theih mai mai tawh loh turin khinglaia District pawimawh ve tak mai hi mi han ngaihpawimawh sak hram se tih te ka han ti ri ve duh a. Maubawka IR BN. Headquarter dah tur tih kha ka zawhna a la chhuak lova, chuvang chuan vawiinah remchangah ka rawn sawi leh duh a. Hei hi tihdanglam thu chu ka la hre lova engpawh nise a hmalama tih hlawhtlin theih hram nisela tih ka duh ani.

Pu Deputy Speaker, Co-operation Demand No.37 na ah hian han lut dawn ta mai ila. Co-operation movement lamah hianin ka lo tel ve e thin a, nuam ka ti thei em em a. Hei, Mizoram a kan Co-operation Department hi a thawktu mihring lampangah chuan kan in daih thawkhat hle pawhin ka hria a ni. Nikum lamah te pawh khan hnathawh mumal zawk theih nan Additional RCS post te pawh siam belh te niin staff lampang chu thual that a ni viau in ka hria. Amaherawchu, a sum lampang hi a tlem lulai em em mai a. A thawktu te hlawh piah lam a

development leh Primary Society te, District Society te hovin a kan lo beisei thin ang lampangah hian sum a tlem thei lutuk hi he Department ti chaklo tu pawimawh tak a ni a. Thingtlang mi harsa te te tena Co-operative Society mumal tak primary level ah te grand-in-aid te kan lo hmu a. Tin, loan te kan lo la a. Grant-in-Aid a lo hlawk phei chuanin Society hmang hian thingtlang mi harsa tak tak tam takte tih hmasawna a lo ni a, churang chuan he society hi sum tam zawk he sawrkar thar hian pe hram se tih ka han duh a. Tin, ka hriatsual loh phei chuan Congress Manifesto-ah khanin Co-operative Society te kan ngaihsak ang tih te kha a awm in ka hria a. Tin, Co-operative Development Council kan din ang tihte pawh kha a awm in ka hria a. Chuti a nih chuanin tuna NLUP sum kan dah atangte pawh hian he Co-operative Society lamah hian nasa taka tih hmasawnan te pawh hian he sum dahkhawm pawh hi hman hram nisela tih te ka han sawi duh bawk a ni. Pu Deputy Speaker, ka lawm e.

DEPUTY SPEAKER : Tunge member sawi leh ang? Kan sawi in tlem in hun ngai pawimawh deuh tawh ila. Nimin lampang khan tlemin kan in chhuah zalen deuh hlek a. Vawiin chu hei Demand sawi hun pawh a ni hnihna a ni tawh a, a point deuh hlek ah, duh hun hun inpawhsei dil ngawt lo deuh khanin mahni hun kha vawng dik deuh hlek ila, tichuan kan vai atan a tha awm e. Awle, tunge tunah han sawi leh dawn le? Aw, Pu Chawngtinthanga.

Pu CHAWNGTINTHANGA, PARLIAMENTARY SECRETARY : Pu Deputy Speaker, ka lawm e. Demand No. 16 Home-ah khan kan kal hmasa mai ang a. General discussion a kan sawi tawh ang khan kumina kan Budget hi nasa taka ka hotute tanna a zarah tihpun ani chhova a lawmawm em em ani, vawiinah hian hemi Deman for Grant hi a detail-in zuk lut lo mai ila. Home-ah khan a extract statement atangin han en ta ila, major works-ah khan 1153.59 kan hmu a, a lawmawm ka tih rualin ka han duhthawh deuh hlek a, kan Minister zahawm tak Home changtu hian min lo chhinchhiah sak theih chuan ka lawm hle ang, khilai khawchhak lampang, Saitual chhak lampang, ka constituency chhung khi hmun harsa lutuk bik tak ani a. Saitual Police Station khian a cover chho deuh vek mai a, Tuivawl kan angai a, chumi hnuah Tuivai kan chhoh leh angai a. Kan kawng lah khi kawng hming puve bawk si, a fur a thal-a zawh ve hram hram nisi, PWD enkawl kawngah chuan Mizoramah a chhe thui ber leh a chhe ber ani ang ka tih thin hi PWD Officer te ho pawhin min pawmpui phian nghe nghe a ni. Chutiang khawp chu a ni a, anihna takah chuan chhia kan tih aia chhia, sawina hi awmse, chu tawngkam chu khi kawng sawi nan khian sawi a tul ka ring. Chutiang dinmun chu a ni a, ei leh bar kan lakna kawngah kan hmang a, kan nunna hnar, kan life-line tak tak a ni. Chuti chung chuan Saitual atang khian Police-in minrawn cover chho a. Thil harsa engemaw lo thleng ta se, chawp leh chilha, an attention ngai, an verification ngai a awm thin a, anrawn cover pha lo a ni. Tuivai chhak lampang khi chu Saitual tang hian cover that hleihtheih ani

tlat lo. Kawng a chhiat lutuk avangin, chuvangin khimi tlangdung, Phuaibuang tlangdungah khian Police Out-post min dahsak ve ula, awlsamte-a kan harsatna leh thil tulah pawh an cover zung zung theih nan, chu chu kan mipuite duhthusam a ni a, min chhinchhiah sak turin kan Minister zahawm tak ka han ngen a. Tin, chumai bakah khilai khi kan hriat theuh angin hel in a min chim zeuh zeuh bial kan ni a, engemaw chang chuan harsatna kan tawk rup thin a, chu chu hriain kan sawrkar pawhin Khawlianah I R min dah sak nghe nghe a, a lawmawm a, ka kal apiangin ka tlawh thin a. I R awm te khi an khawngaih thlak khawp mai, an chenna in khi siamthat a ngai ngawih ngawih mai a, thlifim pawh rawn tleh na deuh se a chhem thlu mai ang tih hlauhawm khawp a ni a. Khitianga kan ram venghimtu sipai huaisen tak te awmna han siam that khi a tul in kan sawrkar pawh hian a duh em em ang tih ka ring, a in siam that khi a ngai a ni.

A dawt leh ah chuan mobility an nei thalo em em a ni, ke in an vah vak vak a ngai a. Khawimaw laiah incident lo awm palh se va bawh thut a ngaih chang a awm, chumi atan chuan an chet vel nan Gypsy thar pakhat Soft-top te hi chu min dah sak ve thei ula chuan kan sipai-te khi an viak a tha lehzual ang tih ka ring a. Chulai point te chu ka ngaihtuah avangin kan Demand for Grant a lo lang Home department hnuai mi major works atan pawisa kan dah hi a kham khawplo zawngin ka lo ngaihtuah deuh a ni tih ka han sawi duh a ni a.

A dawt leh ah chuan Demand No. 38-na Rural Development lam kha han sawi leh ila, hetah pawh hian major works atan 31, 30.44 kan hmu a, kan Budget hi nasa taka tih pun a ni a, lawmthu kan sawi rualin hetah pawh hian ka duh khawplo deuh a. Bial harsa kan ni, nichina kan sawi ang khan, Ngopa leh Phuaibuang in kalpawhna atan hmana Rural Development-in kawng min siam sak, lei (suspension bridge) min siam sak kha tunah khian mipuite tan zawh hleih theih lovin a chhuat a chim chhe tawh a, in kal pawh reng kan ngai si a, thih leh thih tiin kan mipuite khi an in kalpawh hram hram a ni. Chutiang chiah chuan Suangpuilawn leh Phuaibuang inkar ah a ngai a, Khawlian leh Tlangnuan inkar ah a ngai a, khi tah Daido leh a chhak lampang Khawdungsei lampang inkar ah khian a ngai bawk a. Ke a inkal pawhna a mipuite khi unau englai pawh a indawr tawn reng kan ni si a. Khi mi tello khian kan che thei si lova. Kan bial khi BADP Border Area Development Fund dawng ve a nihlawh leh Minority Area Grant Fund te hmu ve phaklo kan ni a. Normal Development Fund lokal C D hnuai hian kan innghat tawp mai a ni a, chung zawng zawngte chu kan mamawh em em a. Hengte avang hian kan Budget pawh hi kan duhthawh lek lek a ni. Chuvangin kan Minister zahawm tak hian min ngai pawimawh ang a, min thum dam thei turah ka ngai a. Chung te chu min lo chhinchhiah sak se tiin ka han ngen bawk a ni a.

A dawt leh ah chuan Revenue lampang Demand No. 6-ah hian kan kal leh mai ang a. Kan Party Manifesto-ah pawh khan Land Reform and Land Holding siamthat chungchang te kha a tul hle in ka hria a. Chutiang siamtha turin kan Minister zahawm tak pawh hian theihtawp chhuahin hma a la mek tih ka hria a. Amaherawhchu, ka bial chhunga khaw pakhat Luangpawh-ah khian mi thil tithei

bik pakhat in khawtlang mipuite ram khi hun kal tawh a sawrkar chakna hmang bawk si khan a duhtawh a invalh vak mai ani tih report ka dawng a. A pawl khawp mai. Khawtlang mipuite leh hruaitute version atang phei chuan kan khawtlang in a kan kumhnih ram thiah tur hi, khutah Tuivai balu mahal thlengin min neih sak vek ani an ti. A pawl khawp mai, hemi chungchang hi Minister hnenah pawh ka thehluh tawh a. Heng zawng zawngte han chhui chhuak leh hna han thawh tur hian Budget pawh hi hei ai hian sang zawk se ka duhthawhna avang hian ka han sawi a nia. Tunah hian thui tak min tihsak tawh in ka ring a. Ram neih chu neih ngai ani a. Village Council ten no objection an pek chin chiah ah khan nei mai se, a bak chu neilo se an duh dan a nia, chu chu kan Minister hian min chhinchhiah sak se, chak takin mipui tan hna min thawh sak se tih ka han ngen duh bawh a. Tin, chumi lo ka bial lo ah pawh hmun hrang hrangah hian mi thiltitheh bik ten...(Dy. Speaker : A tawh khat aniang, i bial pawh I rawn kal pel nasa tawh em mai ti raw) Ka lawm e. Pu Deputy Speaker.

DEPUTY SPEAKER : Tunge sawi leh tur le, Pu Hmingdailova.

Pu HMINGDAILOVA KHIANGTE (INC) : Pu Deputy Speaker, ka lawm e. Tunlai khawvel Global Financial Crisis hnuaiah pawh India rama kan hotute economist lama an san em avanga tuarlo ber ram kan nih zarzo in kan Chief Minister zahawm tak leh Finance Minister zahawm takin well-balance budget min siamsak hi a ropui a, a lawmawm a, a vanneihthlak ani tih kan sawi duh phawt a.

Tin, Pu Deputy Speaker, kan Demand sawi tur hote hi nikum lam ngaihtuah chuan a pung vek a, amaherawhchu, a lawmawm lai zawng zawngte leh a kimlo lai te sawi vek lo ila, mamawh lai kan neih hi han sawi ila, kan Minister zahawm tak tak ten min lo note sak sela, a lawmawm hle in ka ring a, ka ngen bawh a ni.

Tuirial bial hian harsatna tam tak a neih thu atangin kan tan ang a. Serkhan-Bagha road chanchin erawh chu hun dangah lo sawi ila. Sawlaih sawn Bukpui khua, khaw lian ve tak in 400 rual vel awmna a awm a, helaiyah hianin kan Home Minister zahawm takin min chhinchhiah sak tura ka duh chu Police out-post awm a tul hle a ni. A tulna kawng hnih khat chauh kan sawi ang a-Silachar atanga Aizawl thleng lokal National Highway-ah hian engvang vang emaw a kal ngam lo in sawlai kawngah sawn a rukin an kal thin a. Chu chu lo dan nan Bukpui khuaah sawn out-post hawn a tul hle ani. Tin, Bukpui khua saw Aizawl atangin 70 Km aiin a hla a, tin police station hnaihna ber Kawnpui atangin a hla hle bawh a. Chuvang chuan sawlai phei-te saw an khawhar hle a ni, harsatna an tawh ni in tlanchhiatna mai tur an neilo tih hi Pu Deputy Speaker, min hriatpui ka duh a. Sawlai saw hmun fianrial leh kan ram thenawm

Manipur ram atanga thil fel tawklo lokal tlangna a ni bawk a, tin, hel rim pawh saw a nam a, sawnglai thleng thleng sawn an rawn kal ve bawk a, sawlaih sawn kan Police Out-post pakhat awm hi a tul hle in alang a ni tih kan sawi duh a.

Tin, Home Demand hnuaih khan kan hriat angin 1st IR hi Mualvumah a awm a, Chhatisgarh-ah 2nd IR an kal dawn khan eng vang vangin emaw khu atang khuan tam zawk an thawn chhuak a, IV grade thleng in, in lo hawng hunah in Battalion ngaiyah inkir leh dawn nia tiin tawngkam tha in kan lo thlah a, an lo hawng ta kha a remchan lohna tam tak a awm a niang, Khawzawl lamah an tlang chho ta vek a, vawiinni hian tlema zawng harsa zual te te lo chu an la tawm khawm vek a, Khawzawl-ah khian. An family ten barak-ah an lo nghak a, tin, kacha barak kan ti mai a, mahni sak chhawp in Commandent-te phalna in a chhungah khuan family in an awm bawk a. Kawnpui leh a chhehvel khua-ah khuan kan pa te an lo hawng ang chu maw ! tiin an lo nghak theuh mai bawk a. Tin, Head Quarter-ah hian a vai anni lo palh ang tih ka hlau deuh va, case 34 ka theh chhova, action pawh an la mek turah ka ngai a, kan Minister zahawm tak hian min chhinchhiah sak se, an family te an khawngaih thlak tak meuh a, rem min ruatsak ka beisei a, ka ngen bawk a ni, chu chu Home-ah chuan duh tawk ila.

Tin, Co-operation ah tlem han sawi ila, niminah khan kan sawi nual tawk a, Co-operation hnuaih pawh hian Public Undertaking a awm nual a ni. Chutah chuan POL te, LPG te hi chu hlauh thiango anni a, mahse, minimum profit an earn tawk anih ka ring a, private-ah chuan nise POL te leh LPG te hi chuan an hlep hnem hle in ka hria a, kan minister zahawm tak te hian hei aia uluk zawka an enpui hi chuan hlep kan neih tam zawk kan beisei a, chutihlai in MIZOFED hnuai tho ah dawr kan kai a. Hei hi chuan a hlep ngailo niawm in ka hria a. Sawrkar hian sumdawn a tlin vak lova. A dik tak chuan demonstation lam hi Sawrkar tih tur a ni a. Amaherawhchu, Job generation te pawh hi sawrkar mawhphurhna a ni ve tho bawk a. Mahse, chu a hloh leh hlep-te enin a balance deuh hlek a ngaih hmel mange aw tih hi ka rilruah a awm deuh a. Ka'n sawi lang duh a ni.

Tin, kan sawi tawh hnu han thual leh ka duh a, Land Revenue hnuaih khan Land Revenue and Reform Demand No.6 naah khan kan sawinawn leh ang a, Serkhan-Bagha Road hi PWD, kan sorkar hun aia miten double lane, two lane- a siam tumna an nei tih hriain, kawngkam velah hian 2008 kum chawhnu lam atang khan an patta sup sup mai a. Chu chu kan Revenue Minister zahawm tak pawn a hriat avangin a titawp tawh a, a lawmawm khawp a. Amaherawhchu, engemaw zat hi an patta tawh a, two lane kawng chu lo kal tak tak sela, ramneitu dik takin compensation an dawn a tulin ka ring a. Ramneitu dik tak ni silo, ram pakhat chhungah patta engzat nge tunah hian awm tawh ang aw? Control deuh a nih loh chuan engzat nge la piang ang tih hi ngaihtuah tham tak a ni a. Vawiinah a tlai hma hian kan Revenue Minister zahawm tak hian a

ngaihtuahnaah a awm tho a, chu chu ka'n tuihnih leh duh a. Min lo ngaihtuah sak ngeiin ka ring bawk a, tih kha ka'n sawi duh a.

Tin, khati lam kha ka duhtawk ka ngah mai ang a. Khua a tlai hmain kan hotute, kan Minister zahawm tak takte khan kan harsatna ve hi min lo chhinchhiah sak in min lo ngaihtuah sak ang tih ka ring a. Pu Deputy Speaker, ka lawm e.

DEPUTY SPEAKER : Hun i hmang tha khawp mai, a lawmawm. Pu Lalthansanga i lo sawm ang.

Pu LALTHANSANGA (MPC) : Pu Deputy Speaker, ka lawm e. Hei wawiinniah Demand 10 na Home hi a hmasa berin han sawi ta ila. Hei kan hriat angin tun tum kan Budget hi 25% in a pung kan ti a, churang chuan Department tin hi pung turah pawh han ngai ila. Chumi rual chuan Punjab Deputy Chief Minister chuan grant-in-aid (Police modernization) ah hian 65 crore an pe a, a tlem tiin 100 crore a dil belh ti tein kan han hria a. Chutiang tak chuan State dang hian Global recession awm lai pawh hian India hi a pachhe lo a ni tih hi an hre em em mai a. Chutiang tak chuan an ngen ngawl a ni a. Hei, hmanni lawkah te Vairengteah pawh engemaw incident kan hria a, chutiangte pawh chu enge tih chuan, modernization atana an thlan tawh kha kan divert vang kha a ni a. Intiamkam nasa tak awm mahsela, an rilru ngai tho leh an dinna ngai tho ah an ding a ni, tih te kan han hria a.

Mihringte hi vaubeha nawrbeh avanga rilru hi danglam thei a nilo tih te hi a hriat a, churang chuan kan Jail te leh kan Police te pawh mihring nun siamthatna tur leh an nunkawng siamthatna tur atana pawimawh tak an ni tih kan Home Minister zahawm takin a sawifo thinah hian kalin, Vairengtea thil thleng chungchang an enfianna ang chia Police ti tak lo hmel deuh te kha suspend an ni ang, tih thawmte kan hria a. Khatiang angte kha awm tawh lovin, thil hi a nih dan ang takah te kalin; awm thei sela tih kha a tha hlein a hriat a. Tin, khuti lai hmunte pawh, a hmuniin a zolo a ti a, mahse kan Home Minister Statement ah khan Bigha 3.5 a ti a, a bak zawng khu chu ka rawn dil dawn che u, ka ti a. A hmuniin a zim deuh an tih avang khan a bak khu chu ram ka nei dawn te pawh ka ti hial a, churang chuan a hmuntan a dawl zova. Engpawhnisela, nakinah a dang 2nd phase emaw ah te tih leh dawn a nih chuan tih sak ngei sela, tih kha kan duh a.

Tin, ka bialah khian han lut leh ta ila. N. Vanlaiphai Police Station-a quarter khi 14 vel a awm a, a chhe tawh hle mai a, mihring chu awm lo sela a tlu deuh vek tawhin a rinawm a. Tin, Thana Approach Road phei khi chu mi pangngai deuh tan phei chuan kal hrehawm a ni a; a kal ate hi an pangngai lo nge ni a, an tlu hlum lo chu a la ni a. Kan Home Minister zahawm tak pawh hi rawn zin ve selang chuan a sanction nghal mai ka ring a. Chutiang khawp chuan

khiti lai pawh khi han thum that a ngai a ni. Tin, staff hi Police Station ve lem si, khiti lai phei chu border area tak tak kan ni a. Micro observer pawh kha hmun hnihah a awm a, inthlan lai phei kha chuan kei phei kha chu min veh bik emaw tih tur khawp khan, chuti khati, hel kan hmu, tih kha a tam em em mai a, tin, by-pass nan pawh an hmang a.

Khiti laiah khian border area, micro-observer pawh Saitualah leh Lungkawha dahna hmun chu chutiang ang taka infiltration lo luh tamna hmun a ni a, suahsualna khi a pung nasa em em a. Chuvang chuan Police Station a nihna angah hian tunah pawh constable pariat vel an awm a. Tichuan H.C. an ti a, hei hi Havildar Constable hi pahnih an awm a, pakhat hi an transfer lehngal a ni awm a. Order a awm tawh an ti a, pakhat kan nei dawn a nih hmel a, ASI hi pakhat a awm a, SI pakhat leh IV-Grade pakhat kan nei a ni.

Chutiang chuan kan pachhe em em mai a. Khiti lai khi round ngun a ngai hle mai a. Tin khaw hrang hrangah khian an mamawhin tunhma deuh phei kha chuan kea kal ngaihna khawkua/khawsawm vel hi an cover a. Chuvang chuan lirtheiah te pawh an pachhe hle mai a. Motor pakhat te chu an kawh ve a, bike te leh engemaw te hi chu han nei ve deuhin kawng hrang hrangah thumthat an ngai hlein ka hria a. Chu chu ka'n tilang tel duh a.

Tin, chubakah chuan District Council Demand 27 na kha chu kan member zahawm tak Pu P.P. Thawla sawi kha ring mai ila.

Rural Development ah hian han kal leh ta ila. Demand 38 naah hian, a lawmawm hle mai a, hnathawhna tur pawh kha a tam hlein a hriat a. Hei Zoram chu kan inngah a, kan inngahna tak meuh a ni a, chuvang chuan he department hi department ngaihpawimawh awm ber te zing ami niin ka hria a. Tunah hian dan thar hi an rawn siam leh ta a, hemi border area atanga 20 km bak hi BADP phei chuan a cover lo ang tih te an awm leh ta a. Chutiang anga 20 km a nih khi chuan ka bialah pawh khian Khawlailung leh Pilerh khi chu 20 km piah lampang a lo ni ta a. Tunah hian he dan thar guidelines thar berah hi chuan pawnah a lo awm leh ta a. Mahse on going scheme ah hi chuan eng engemaw hi chu an han hmu ve dawn rih a ni awm a. Khatiangten an huam loh takah khan engtinngeng niang tih te rilruah a lianin an mangang viau a. Khati laiah khan an mite pawh kan chhawmdawl zel dan tur te pawh min lo ngaihtuah a tha hlein ka ring a.

Tin, Mizo rilruah hian, kuate hi a pung a, mihringte hi pung chho zel turah kan in ngai deuh a. Chumiah chuan Hall han sak reng rengte pawh hi kan population base deuh hleka sak dan tur angte pawh hi guideline fel tak hi a awm a. Chutiang ang lo deuh chuan a aia lian deuh vek hian kan sa mai a, chutiang anga a aia lian deuh hleka kan sakna avang chuan harsatna Hall ah hian kan nei nasa em em mai a.

East Lungdarah te, Lungchhuanah, Khawlailungah, Sailulakahte sak laklawh lai si, mahse a fund in a daih tawh siloh, han tih leh dawna harsa hi tunah hian

hetiang deuh hi paruk lai kan han nei a. Chutiangte chu engtinngge min sak zawh tir theih ang? Khitiang ringawt a nih chuan tuna a awmdan angah khi chuan a chhe mai dawn a, a chung tur steel structure te khi a tuiek tan deuh chu a ni mai a. Chuvang chuan khitiang te pawh khi engtinngge Social Education atang tein emaw, MLCPR atangte pawha min han tih zawh sak hram emaw, nakinah chuan khimi tih a, hmundanga tih leh dawn chuan he a guidelines angte pawha kalte pawh hi kan tum ve tawh ang a. Chutiang ang tur chuan chiang deuh hlekin kan inhrilh ang a. A hmaa think big avang khanin kan lo tisual deuh a ni ang e, tunah chuan a nih dan tur ang deuh hlekte pawha han kal tumna laiah khan kan lo ngaihtuahna, kan think big a kha min tihlawhtlin sak hram turin ka han ngen duh deuh bawk che u a. Chu chu Demand No.38 naa ka'n sawi duh chu ni mai sela.

Demand No.6 na Land & Revenue ah hian – Revenue Department hi thubuai tamna ber hi a ni mai a. Hetiang tak maia thubuai tam a nihna laiah hian a changtu nih pawh hi a hreawm hlein ka ring a.

Hei, kan Minister hi Kohhran Upa a ni a, a dam ruih mai a, a lawmawmin ka hria a, a thlamuanawm a. Kan harsatna tawh zawng zawngah hian a department ah te pawh technical wing hi dah ta sela. Technical leh technical lo pawh an vai khan an thawk vek mai a. A changin In hmun buai leh Ram buai an teh a, chhiah an la bawk a, an inhampawlh nuaih mai a. A technical wing hi chu a hrang hian awm thei se chu, khamite khan an thawh tur bik kha a project a nih chuan thawk ngar ngar mai se.

NLUP ah te pawh central survey kan ti dawn a, kan han telh a ni a. Thingtlang zawng zawngah hian pass pek a, land holder nihna kha pek tur an ni chho ta a. Chutiang a nih si chuan vawinniah hian han thawk dawn sela, a thawktute hmehpawlh vek an nih avang khan thui tak hi an thawk thei dawn lo tih hi a lang reng mai a. Chuvang chuan a spread body anga a awm a, hna a thawh theih kha a pawimawh hle hian ka ring a. Chutiang turte chuan kan rilru ngaihtuah naah te khan awm sela. Village te, sub-division te leh district demarcation zawng zawngte tihfel a ngaih dawn avang hian a hna hi a hautak hle a ni.

Tunah hian technical ho hi 200 vel bawr niin ka hria a, kan zawhnaah chuan an awm a. A dang 100 vel emaw lak belha tih chu nise, hun reilo deuhah he project hi chu zawh a ni ang a. Tichuan, NLUP vawiinnia revise NLUP kan han tih turte pawh hi a tih theih hian a rinawmin a lang a. Chumi a nih loh chuan hmana lo hralh tawhte ta kha, khamite khan an inchuh leh ang a. Buaina namenlo hi a chhuak thei dawn ni tein a lang a. He project hi khatiang zawng khan kalpui theih nise tih kha ka'n sawi ve duh bawk a ni.

Tichuan, a dawt lehah chuan Demand No.37 na Co-operation hi ka'n lut ve leh duh deuh a. Hei hi a pawimawh hlein ka hria a. Tuna kan sorkar ropui tak hian manifesto ah te pawh hian co-operative development council siam a ni ang han tih lai te pawh hi kan rilru ngaihtuahnaah khanin tha kan lo ti ve hle

mai a. Chutiang chuan heng te pawh hi han tih tan nisela tih hi, hmalak tan te pawh nisela tih kha kan sawi duh a. Tin, he Co-operation union motor te kha wavi hnih vel lai hralh tih te kha a awm a. Hlawh nei thei lo tih te kha a awm bawk a, khati tak mai khan a pachhia a ni a.

Tin, MULCO te hi han sawi ta ila, anni hi federation semi-government ang nimahsela, heng ah te pawh hian han ngaihtuah chian chuan a benefactories te ho leh Sihphir ho khian an ranvulh zawng zawng pawh khi hralh an duh deuh vek tluk a ni a, hlawklo hi an inti em em mai a. Harsatna namen lo hi an tawh a ni a. Chutiangah te pawh chuan engtin nge ni ang a farmer te hlawk theihna turin hma kan lak pui theih ang tih hi kan sawrkar hian kan enpui a ngai hle in ka hria a, khangte kha kan sawi ve duh chu a ni a. Sawizel dawn chuan hun a ren awm hle mai a. Pu Deputy Speaker, ka lawm e.

DEPUTY SPEAKER : Pu Hmingdailova khan a hun a hmang zo lova. Tunah chuan dar 1:00 PM a ri tawh a, kan chawhma hun a tawp a, kan chawl anga dar 2:00 PM ah kan lut leh dawn nia.

2:00 PM

DEPUTY SPEAKER : Awle, kan discussion kan chhonzawm leh anga, chawhma lam khanin member pali in an sawi tawh a. Tunge han tan leh ang le? Pu T.T Zothansanga.

Pu T.T ZOTHANSANGA (INC) : Pu Deputy Speaker, ka lawm e. Hei, waviinah kan Demand No. 16 atang khan kan tan deuh mai anga. Midang ang lo takin work programme-ah khanin a rawn lang a, lawmawm ka ti khawp mai a. Kan work programme-a a rawn lan danah hianin Kolasib te, Mamit te, Lawngtlai te, Lunglei te, tin, 2nd MAP, IR Khawzawl tih ang te khatiang Quarter deuh hliir mai kha a rawn lang a. A tir ah chuan ava han fello ve mawle ka ti a, amaherawhchu, kan en kan en leh a. Mizoram hianin kum 2005 atang khanin police modernization hnuaiah hian sum tam tham tak kan lo dawng tawh a. Khatiang kha a kal lohna turah hian alo kal teuh emaw ni chu aw? Tunah hian Home Department atanga kan hotuten ruahmanna an rawn siamah hian bul kan han tan tha leh dawn a ni a, a bul atanga tan tha leh tur kan ang riauin ka hria. S.P Office atangin kan han tan deuh dan dan mai a, engatinge ni ka'n han ti deuh a ni.

Ka lo hriatthiam dan chuanin Police Modernization-ah hian a Housing lam chungchante hi priority an rawn pe in ka hria a. Tin, chumai bakah Thana tih puitlinna lam kawngah nasa takin hmalak tur a ni tihte khan kan lo hria a.

Equipments-ah te pawh chutiang chuan nasa takin hma lak tur ani e, tih ang deuh hleka guideline awm niin ka hria a. Amaherawhchu, wawiin niah S.P Office pawh kan District khawpuiah kan lo la neilo thluah mai a ni a. A pawh ka ti khawp mai a, hmathar pawh la hleitheh lovin tunah hian kan hun kalta te a kan hotute'na min lo enkawl na te han ti ila, han dem chu a hrehawm a; Kan mamawh miao si a, S.P atangin bul kan han tan leh det det mai dawn chu a ni a. A engemaw zawng chuan a lungchhiat thlak khawp mai a, ralthuam changkang tak tak kan nei anga, kan thenawm State te pawhin min rawn chho thlir laih laih tawh tura kan ngaih laiin keini chu hmalam kal hleitheh lovin S.P building-ah kan han tan leh dawn ani a. Helai hi ka rilruah chuan ka ngaimawh angreng khawp mai a, mawza man to kan han tihte leh a invuakna chi to tak tak a kan han supply ang chite khanin sum hi alo eiral palh emaw ni aw, tih ka rilruah alo awm a, chu chu tlemin kan sawi lawk duh a.

Tin, mahni bial lam chungchang han sawi hianin, Mizoram vei phalo te hi kan ang deuh hlek thin a. Amaherawhchu, mahni awmna lam hi kan hriat ber bial ani miao si a, chulaiyah chuan memberte pawhin min lo hriatthiam ka duh a. Kei chu Champhai lam, khawchhak lam atanga lokal kan ni a. Ka bial mai lo deuh te pawh han sawi ka duh a, hei, khawchhak tlangdung khi hel awmna prompt area ani ve tho a, HPC te ang em em hi chu nilo mahsela hel hian engtik lai pawhin min chiahpiah ve deuh reng thin a ni. Harsatna chi hrang hrang kan tawh thin a, hmanni a khawchhak bungraw man a to kan tihte pawh kha hel in kan ram chhung nilo Burma ram atanga chhiah an lo khawn thin vang te pawhin a lo awm ve bawh thin a ni a. Chumi avang chuan khilam khi a pawimawh ka ti a. Khawbungah emaw khi chuan dah a tha khawpin ka hria a. Tunah khian Dungtlangah khian check post a awm a, amaherawhchu, hman deuh tawh kum 2/3 kalta a sipai officer an kah hlum te pawh kha hel nena khatianga han invelna a kah hlum kha a ni tawh a. Khami Dungtlanga check post kan han tih khi a ngaia a kal dawn a nih pawhin, Vaphai emaw Farkawn velah emaw khian Police Station awm se a tha khawpin ka'n hria a. Hei, Farkawn te ang pheh khi chu PHC awmna a ni a, dmadawiin pawh khum sawm awmna a ni a, khilai hmun kilkhawrah khian mi in pawh a han khawih pawh a khawchhaka tlan chhoh zeuhna kham khi a tam lutuk a ni. Mizoramah hian kan hria a, pawh khawihna tam tak hi kan unau thenkhat te khawih ani kan han ti thin tak naa, pawh khawih ah hianin a tisualtute hrem loh a an chhuah hian sualna hi a pung thin a ni. Chuvang chuan sualna hi a taka a lan zung zung theih nan, khilai area zau takah khian kan Home Minister zahawm takin min lo hriatsak sela, Police Station hi kan mamawh khawpin ka hria a, chu chu ka'n thailang tel hram duh a.

Tin, chutih rualin Hnahlan lam khi pawimawh deuh mai a ni bawh a, Hnahlan piah lawk Khuangphah leh Vaikhawtlang ah khian Burma a han training Manipur a lut/kal helho khi an awm deuh reng a ni. Chumi avang chuan Hnahlanah pawh khian police hi engemaw tal a va station/dah dan hi awm se a tha in ka ring a. Police out-post emaw, Station emaw khatianga kawng zawng khan va in dah ta ila, khilai hel lakah khian mipuite chu kan ralmuang awm mang e, ka'n ti a. Chu chu ka ngaihtuahna ah an lut a. Tin, chutih rualin kan

Minister zahawm tak Pu Rina bial pawh han sawi tel ka'n duh a. Khawzawl bial khi a zau khawp mai a, Sialhawkah pawh khianin dah tha ka ti a. A District deuh hlekin kei chuan ka lo en a. Sialhawkah khianin out-post te hi chu dah phu khawpin ka hria a. Chu chu kan sawi tel duh a.

A bikin Champhaiah kan term hmasa khan NGO-ah te hruaitu kan nihna ang deuh hlekin kan Minister-te kan dawr thin a, anni chuanin 1974 chho vel atang khan Police lamah hianin sanction belh teh chiam hi kan nei thin lova, kan indaihlo khawp mai tiin thiam tak khan min chhang thla leh mai thin a. Amaherawhchu, tun dinhmunah hian IR te pawh kan han nei chho deuh diat diat ta a. Hetiang lai karah hianin engtinng e ni Company khat ang vel hi chu khilai kan District administration kan police S.P ten an hman mai theih tur ang khian Champhai hmunah te khi chuan min rawn dah sak thei sela chuan a hlu awm mang e te ka'n han ti a.

Tin, chutih rualin Champhai Police Station bula kan Quarter ho khi in hria in ka ring a, Champhai biakin chhak a hlui deuh khi. 1956/57 chho vela mistiri thiamin an sak ho kha a ni a. A rawih tawh khawp mai a, khi khi kan hotute pawhin an ngaipawimawh tih ka hria a. Amaherawhchu, sawi leh sawi hnu S.P office hrang hrang kan sak hmasak a ngai a. Kha kha kan sawi tel bawk a ni.

Tin, Demand No. 38-na, Rural Development kha a pawimawh khawp mai a. Khawchhak tlangdunga Burma hrul zai zaia awm keini chu kan ni a. BADP Programme atan khilai khi chu a area ber kan ni a. Nichinah kan member zahawm tak Pu P.P Thawla khanin a holam ang deuh hlek khan BADP pawisa khan an hman thin angin a rawn sawiin ka hre deuh hlek a. Keini bialah chuan kan hmangha khawp mai a, lawmawm ka ti a. June thla chho vela kan hna pakhat Bellei laih vel kha chu MUP leh MHIP kan han thawh tir a. An sa tha lutuk a, an fund-in a daih lova, tha-in an thawh tel tawp tawp mai a. Hmun thenkhatah phei chuanin MLA Fund atanga la chhunzawm tur te kan ti a ni.

Khatiang khawp khan khilai area-ah khi chuan BADP Fund hi kan ngaihlu a, pawimawh kan ti a. Development work tak tak thawh nan kan hman a. Tin, keimahni pawh thawk chhe lo turin kan invau nasa a ni. Keini tan khian a hlu ang reng khawp mai. BADP pawh hi a guideline-ah chuan khawchhak lama kan unautena India ram ropui tak hi ropui taka a rawn hmuh theihna tur leh an tan pawh chenve tlak leh itawm khawp a kan lan theihna tura ruahmanna ni telin ka hria a. Chulai karah chuan khilai area han develop khi a pawimawh khawpin kan hria a. Hei, a bik takin Trade & Commerce te pawhin hma kan han sawn chho zel a. Trade & Commerce hnuai a kan han tih turah pawh hian awhawm a kan awm hi a ngai a. Chulai karah chuan khilayah kan Minister zahawm tak Pu Rothuama bial te, North bialte, Tuipui bialte khang lai ho khi rilru a min rawn ngaihsak kha kan duh deuh a, kan rawn sawi tel hram a ni.

Tin, Demand No. 6-na ah khan Revenue chungchangah khanin kum 2005 a an term hmasa a kan Minister zahawm tak Pu Rinchhana khanin Champhai Revenue kha a rawn upgrade tawh a, tah chuan ASO-I awmna turin a rawn ti a,

mahse, a thu kha tun thlengin ala ngai reng mai a. ASO-II in min la awp a, khi pawh khi a full fledge min rawn dah theih dan kha Revenue lama kan hruaitute pawhin min rawn ngaihsak se a tha in ka hria a, chu chu kan sawi duh ani e. Ka lawm e.

DEPUTY SPEAKER : Tunge sawi leh tur. Pu K. Liantlinga.

Pu K. LIANTLINGA (INC) : Pu Deputy Speaker, ka lawm e. Hei, wawiin ah Demand te kan han sawi chho leh a ni a. Demand No. 16-na Home kha sawi tan hmasa ila. Capital leh Work Programme a an rawn sawi danah khan nuai 1395 vel hi Capital minor work leh major work ah khan a awm a, mahse, work programme ah hian nuai 622 nge ka hre chiah lova, tin, Demand kan han sawi hovin bial tan kan sawi thin a, kan in dil emaw tih mai tur hi a ni a. Chuvang chuan Work Programme ah hian fel thin sela MLA te pawh bial neitute in ni a, a hmian department hotute nen inrawn a, tihfel ni thin sela a tha viauin ka ring a.

Tin, heng Police Modernization Scheme kal chho turte pawh hi a landanah chuan, Government of India in a tum danah chuan permanent building neih te, tin, out-post ngialnghet neih te a ni a. Tin, upgradation of skill tih te, khang kha a tum a ni a. Amaherawhchu, kum 207 report-a kan han hmuh pheih kha chuan 56% kha non-priority items lei nan an hmang a ni, a ti a. Tin, housing ah chuan a fail tawp a ti a. 50% arms hi laktlak tawh loh, out-dated a ni, a ti a. Khatiang ang kha a nih chuan tan lak a ngaih hmel hle niin a lang a. Tin, chutianga tan lak a ngaih rual rualin ka'n sawi duh a chu – hei protocol leh thil dangte pawh hi an mawhphurhna leh engemaw chen nihna laite pawh a awmin ka hria a. India ram huap in order of precedence ah chuan No.4 ah Governor a ni a, No.7 ah hian Chief Minister a ni a. Chu chu No.12 ah hian Chief Justice leh Speaker of Legislative Assembly tih a ni a. Hetah hian ngun taka han ngaihtuahin State ah chuan, Governor pakhatna, Chief Minister pahnihna, Speaker hi pathumna a ni a, Cabinet Minister te hi palina an ni a.

Ni 21.1.2009 issue ah khan thil han sawi ve mai mai ka duh a, Home Department lamin security chungchanga, an categories naah hian 12 naah kan Speaker hi dah a ni a, PSO 4-ah, House-guard ah one, one, four (1-1-4) pek an ni a. Zuk insawiselna nilovin, member (MLA) leh House member vek, member 40 zinga kan hotu ber a ni a. Hetilaia No.12 a han dah hi chu a zialo deuhin ka hria a. No. 3 naah an dah thei lo a nih pawhin No. 4 naah chuan an dah thei lawm ni, tih te, tin, Cabinet Minister hmahte chuan a awm thei lawm ni, tih hi ka ngaihtuah a. Security measure pawh lo ni sela, engapawh lo ni sela, enfiah hi a tul hlein a lang a. Tin, han zinnaah pawh hian pilot pawh hi a nei lo a niin ka hria a, tunahte pawh. Assembly kan neih lai hian kan Speaker te hi chu a

hlahthawnawm a ni, Speaker neilo thut theite pawh kan nih avangin. Pilot nen full security kan pek hi a ngaiin ka hria a. Tunhmaa Assembly kan lo thlir khan an nei thinin ka hria. Tuna mi hi chu a mawl kal ve tawp miin kan hre deuh mai a. Home Department hian min lo en that sak kha a ngai hlein ka hria. Kan State ah hian Chief Justice High Court hi kan nei lova, kan neih chu Governor, Chief Minister leh Speaker hi an ni mai a. A chhan chu Democracy ah chuan rorelna hi 3 (pathum) a awm a, Executive te, Legislation leh Judiciary te, khangah khan a 'Top' an nihna angte pawh hi ngaih pawimawh ve nise, a thain ka hria a ni.

Tin, Pu Speaker, No.27 naah ka kal tawh mai ang a. District Councils hi chu Rs.136,25,89,000/- nikum ai chuan a sang fe a ni. Hei hi a hun taka pek thin nise, a thain ka hria. Autonomous District Councils hi hrek a ni fo mai a. Tunhma atang khanin kan Governor hmasa awm lai pheih kha chuan, an hrek nasa em em a ni. Saiha ka va kal pheih kha chuan press conference ah min zawt nghe nghe a ni. Keini chu kan sorkar chuan a nih ang angina kan rawn release nghal zel ang, kan ti a ni. Keini State te pawh hi min rawn release duh lo seng chuan fund hi kan harsa ve thei a ni. Chuvangin hei hi a dik takin kal sela a thain ka hria a. Nichina kan member zahawm tak Palak bialtu sawi kha a dikin ka hria a. District Councils Demand ah hi chuan khang kha ka'n sawi theih ni mai sela.

Tin, Rural Development chungchangah pawh capital ah hian nuai sangthum leh za sawmnga paruk vel a nei a. Chutih lain an Work Programme ah chuan nuai sangriat leh sawmnhih pariat vel an rawn tilang thung a. Grand-in-aid ah hian sangnga za sawmli paruk hi a lang ve leh thung a. Henga ka'n sawi duh chu, nichina zawhna leh chhanna kan sawiah khan job card chungchang thu te hi a ni. Hmannia District Level Vigilance Monitory Committee ah khan kan sawi chhuak tawh a. Job card 657 holder hi 36,090/- an awm a. Ti, job card chuang atanga pawisa kal dik lova kha nuai sawmruk pasarih leh sing sawmruk pasarih bawr awm angin hriat a ni a. Khatih lai khan ngun taka ngaihtuah a, thil a kal hi a thain ka hria a. Nichina sawi lan tawh tho a ni a, North Chaltlang chungchang thuah pawh hian a kal dik loh dan chu han sawi ila, Rs.8,40,480/- sanction a nih laiin a cut sakah chuan Rs.1,83,630/- a ni a, 28.84% a ni a. Tin, an pawhpenah hian Rs.62,709/- a ni, 7.46% a ni a. Tin, sum an hman bang an ti a, chu chu a awm tawh chuang lo. Hei hi an social audit-in an chhuichhuah a ni a. Rs.73,769/- a ni a, tah hian 8.77% a ni a. Khatiang ang dik lo kha chu tunah pawh hian kan Minister te pawhin chhuichhuaha a rang lama enfiah a ngaiin ka hria a.

Tin, LAD Minister pawh khan Local Administration lamah te pawh, henge hi chu action lak ngei ngei chi niin ka hria a. Rural Development chungchangah te pawh, tin, thil dang account hawnte kha chu sawi a ni tawh a. Tunah ti rum rum lo mahse, nakinah la kal zel thei turah ngai ila.

Tin, Revenue chungchangah hian sawi kan duh a chu Work Programme ah chuan nuai 256 a lang a, kan Cadastral Survey NLUP ah chuan nuai 10 an dah

a, Normal Cadastral Survey ah chuan nuai 30 an dah a. Helaiiah hian a pawimawh chu hmanna kan zawhna tawhah khan, Survey of India atanga lo kal kha crore 6 chuang an hmu tawh a. Tunah hian mumal taka in co-ordinate a, ram hi survey tak tak a nih loh chuan buaithlakna leh harsatna kan nei dawn a. Khang kha ruahmanna pawimawh tak mai pakhata ka hriat chu, tuna NLUP tih turah te hian River Rain Forest Reserve hi luipui dung a ni a, hmei Forest Reserve hi tih danglam dan ngaihtuah nise, a thain ka hria a. Tlangsang lamah Forest Reserve awm sela, a hnuai leh deuha Horticulture, Agriculture, khatianga kan inthlak loh chuan tlangram leh plain te hi kan inang lova, ruahmanna fel deuh hlek siamin, survey te pawh han nei thei sela, a thain kan hre hle a ni.

Tin, Revenue Department hi a tawp ang reng a, an sawi hmangin, kei chuan ka zuk hre em em lova. Amaherawhchu, ka'n rawt duh a chu land dispute khu, autonomous body-in awm sela, magisterial power te pek ni sela. Assistant Director-in a enkawl a, Director ten an duh duha an tih theih a ni. Power autonomous body a nih loh avangin harsatna a awm a, hengte hi a siamthat theih lawm ni, tih te ka'n sawi duh a.

Tin, Co-operation hi Pu Speaker, tawitein ka'n sawi leh ang a. Helaiiah hian capital section leh revenue section ah hian a theh lut tha ber niin ka hria, kan en hian. Co-operative Development chungchang thu hi kalpui a tha viauin ka hria. Tin, sorkar policy, New Land Used Policy implementation ah pawh kan hmang ang, tih te ngaihtuahna an siam a. Vehicle privatization ah pawh khan an motor zawng zawng hralh sak a ni. Chuvangin State level co-operative society hrang hrangte hian harsatna an tawh phah nasa hle a ni. Khang kha Pu Speaker, ka'n sawi theih ni mai teh se. Ka lawm e.

DEPUTY SPEAKER : Kan member zahawm takin a sawi ang khan “Hon’ble Speaker hi tun tum session hian pilot te pek a nilo” a ti a. Kan House zahawm taka kan hotupa ber a nih angina, tum danga an tih ang deuh va tih ve thin hi chu a tha ang a, tih kha kan thuneitute leh kan hotu lam khan lo chhinchhiah sela, a tha awm e.

Awle, tunge sawi leh ang le? Aw, Pu R. Lalrinawma i lo sawm ang.

Pu R. LALRINAWMA (INC) : Pu Deputy Speaker, ka lawm e. Hei Demand No.16 na Home pawh hian, nimin lamah te kan sawi tawh angin hmasawna tur tam tak Budget ah lawmawm tak tak a lo lang a. Hemi hnuai kan sawi duh chu, Fire & Emergency Service ah hian Plan ah pawh 250 a lo lang a. Kum hmasa lam kha kan han en chuan Non-plan ah chauh a awm a. Hetah Plan-a pawisa dah a lo ni ta te hi a lawmawm hle mai a.

Hei sorkar tharin tun thal lai khan fire sub-station (temporary station nge ni) hmun hrang hrangah an dah a. Vanduaithlak deuh maiin ka bial chhunga Zemabawkah kangmei a chhuak a, Chaltlang sub-station atangin rang tak maiin an lo thleng a; vanduaina nasa zawk thleng tur kha rang takin an thelh thei a ni a, a lawmawm em em mai a ni. Chu chu lawmthu ka'n sawi duh a. Tin, chumi rual chuan khatianga temporary mai nilo khan sawlam pangah sawnin helam atanga tlan te hi traffic jam nen a buaithlak thin avangin Thuampui velah sawn Ch. Chhunga Bus Terminal tih velah te sawn sub-station nghet ang tura te hi min dah sak thei se chu a lawmawm awm mang e, kan ti a. Chu chu Minister zahawm takin min lo chhinchhiah sak sela. Tin, Forensic Science lamah hian hmasawna a lo lang a, hengte hi a lawmawm hle mai a, ramin hma a sawn a, sualate pawh a lo sang ve zel a. Heng hi sualna chhuina kawngah leh dan bawhchhiate dan an bawhchhiat anga hrem an nih theihna tur atana tangkai em em mai a ni a.

A bik takin kan Home Minister zahawm tak hian a vei em em a, Forensic Science tihhmasawn hi tunah hmasawna tur a lo lang te hi a lawmawm em em a. Tunhma in Guwahati lamah te, Kolkata lamahte thawn thin a ni a. Khangah khan rei tak tak dan bawhchhetute pawh hrem hleih theih loh an nih phah a awm thin a ni. Tin, Pu Dy. Speaker, Jail ah hian District Headquarter ah te Court a awm a, Court awmnaah Jail a awm lo a. Tunah chuan District Headquarter, Mamit leh Serchhip ah te Jail sak a lo lang a. Tichuan District Headquarter ah chuan kan nei kim dawn niin a hriat a, a lawmawm em em a. Jail a awm loh chuan Aizawl an rawn pan a ngai a, kawng lakah security thilah te a risky em em a. Tin, sorkar tan senso te a nasa a, chutih rual chuan Prison Van hi a tul hle mai a. Hmanni lawkah pawh kan hria a, tang hruai nan Truck an hire a, khangte kha vengtu lam tan pawh tang thenkhatte han zuangthla ta sela, thil hlauhawm tak a ni. Chuvang chuan Prison Van te hi an mamawh hle mai a, an neih lai hi a hlui deuh tawhin a lang a ni.

Tin, Home Guard ah hian an hamthatna tur Budget ah a lo lang a. He sorkar hian a ngai pawimawh em em a. Home Guard te pawimawh zia a hria a, House ah te Resolution in opposition te rawn putluh mah nise, lungual takin an hamthatna tur kha kan lo passed pui tawh a ni a. Chung hlawhtlinna tur chuan Budget-a a lang hi a lawmawm em em a. Tichuan, hei hmasawna tur S.P. Office, Kolasib ah te, SDPO quarter Vairengteah nuai 16 laia sak tur te hi a lawmawm em em a. Tin, Home Department hnuai a han tarlan hram ka duh chu police te kut phuar ang maia awm thin, wawiinniah hnathawk theia an awm ta hi a lawmawm hlein ka hria a. Law & Order mumal lo, tunge Dan kengkawhtu tih pawh hriat mang loha hun hmasa lamah te kan lo kal tawh a. Pawl thenkhatten curfew te an puang a, an phelh leh a, sorkar ten lawmthu an sawi ringawt mai ang chite kha waviinah chuan a awm ta lova. Khang kha Law & Order pawh phur takin an kengkawh a, police te administration te ti thain khatianga kan Home Minister chak tak maiin an kal chhohpui hi a lawmawm hle a ni. Chutih rual chuan duh khawp lohna lam hei, zan lamah hian Bike chak tak taka tlan leh

light eng tak tak mai mi chhunkhalh thei han vuah ang chite hi strict zawk deuhin han maintain leh sela, tih chu duhthusam a ni.

Tichuan, Demand No.38 na Rural Development ah hian kan vei tlang a. Kan hriat lar tak mai, Rural Employment Guarantee Act hnuaia mipui inhlawhna, ni 100 inhlawhna kan tih mai hi, heng hi kum hmasa lamah khan 1900 lakhs a ni a, tunah 2000 lakhs a lo lang ta a. Hengte hi hmasawanna lawmawm tak a ni. UPA sorkar ngilnei takina he scheme hi a kalpui a ni a, tu te emaw ina an tih chhuah a nih loh zia hi mipuiin an rawn hre chho ta zel a. Tichuan khulam tih a nih avanga kalpui phur lo nge ni? term hmasa lamah khan a mumal lo hle a, Job card mumal loh zia te pawh kan sawi chamchi a ni a.

Tichuan sorkar tharin an kalpui chho a, kan hmuh phak veah ka bial chhungah te pheih chuan an hmang tangkai khawp a. Khing Sihphir te, Zemabawk, Zuanngtui tih te kawng tha tak tak mai khawchhung leh khawhnuai deuhah te an han lai a. Hengte hi a tangkai em em mai a. Kawng ringawt lo hian kan harsatna tui lampangte hi laihkuar a, ni 100 inhlawhna hmangin mipui hian lei te hi laihkuar ta se, he Rural Development Department-a scheme dang atang hian a cement works lamte hi min rawn tum sak thei seng chuan tuikhuah lianpui pui rain water harvest na tur hi khuate hian nei ta ila. Chutiang zawngte pawh chuan tih theih a nih chuan a lawmawm ngawtin ka ring a.

Tin, heng hi dik taka hman a tha khawp mai a. Sum tam tak lo kal a ni a, assets siam nan dik taka hman theih hi a duhawm hle a ni. Rural Development hnuaia han sawilan ka'n duh leh chu, a hmanga ka bial hi city area te a ni nual a. Chuti chung chung chuan kan eizawna leh kan khawsak phung hi chu rural a ni tlat mai a. Chuvang chuan city area in ni a, tia rural dawn tur ang thenkhatah te mi an dang thin a. A lehlamah city area in an dawn tur khawpui chhung hamthatna kha kan chang pha bawk silova, a khap lamah leh a phal loh lamah hian khawpui min huam tir a, a hamthatna turah hian min huam tir leh silova. Thingtlang hamthatna tur lamah khawpui in ni, min ti leh bawk si a, hei hi chu kan laklawh khawp mai a. Chuvang chuan a area hi city area nimahsela, a mipui cheng ate hi chu rural anga enkawl ngai kan ni tih hi min hriat sak kan duh bawk a ni.

Tin, Demand No.6 na Land Reforms ah hian kan Chief Minister Budget Speech ah khan priority sector ngaihpawimawh turah land reformation settlement te a lo langa, a lawmawm hle mai a. India rama tribal state zingah comprehensive land settlement leh land reform thlen hmasa ber nih hi kan tum a ni tih thu kha a rawn sawi a, a lawmawm hle mai a. Kan land holding system te pawh hi kan Minister zahawm takin a han la chho ang a, infra-structure lam te hi kan ti phuisui chho dawn a ti a, ram zau tak tak enkawl mang si loh te hi kan hmu a, hengte hi a diklo em em mai a, land holding system te pawh hi tha taka kan neih a ngai a ni. Vawiin niah court-a thubuai tam tak hi ram chungchang a ni a, awmhmun atanga pass issue mai mai te, pass a nihna tur anga dan ina a phut anga enkawl lova LSC neih mai mai chi ang te hi a tam em em

thin a, tunah chuan awm tawh lo se a duhawm hle a. Ka bial chung Zemabawkah sawn House Site Plan 1982 vel an lo siam a. House Site Plan kha Aizawl khawpui lam mi engemawzat an pe a, chutihlai chuan khawchhung tak tak a ni vak lova, plan-a kha, ramhnuai mai a nih avangin an ngaihsak vak lo a ni. 1982 daih a house pass kha kum hnih vel chungin an sak loh chuan pass kha thi tur a ni a. Kum 2003-ah LSC kha an lo issue leh ta a, chutihlai chuan 1982 hnu lamah chuan mi tam tak ram ruak ni a hriatah in alo awm tawh si a, chungchu vawiin niah nupui fanaute nen lo in bengbel a lo awm tawh kha hnawh chhuah kan tum ta a ni a. Pu Speaker, hengte hi kan Minister khan min lo hriatsak sela, an pass neih dan te pawh hi a diklo niin a hriat a, ka hun a tawp a. Ka lawm e.

DEPUTY SPEAKER : Pu Lalrobiaka

Pu LALROBIKA (INC) : Pu Deputy Speaker, ka lawm e. Hei, vawiin niah Demand hrang hrangte kan sawi chho leh a, a lawmawm hle in ka hria a. A hmasa berin Demand No. 16-na Home chungchangah khan han sawi hmasak ka duh ve a. Ni e, kan Demand lam te leh Budget te han en in thil chi hrang hrangah hmasawna nasa takin a lang a, hei hi lawmawm hle in ka hria a. Amaherawhchu, kan hmasawna te hi inkhairual sela tih te pawh hi kan sawi duh a. a bik takin Home hnuaia Police organization-ah te hian hmasawna tur kan ngah nhle in ka hria a, abik takin khang kum kalta ah te modernization programme a lo kal chhova, sum tam tak lo kal te kha a head quarter level-ah te, tin, a hotu level-ah te hian kan in thei sem mai mai ang tih te pawh kha a hlauhawm hle in ka hria a. Entirnan, ka bialah te khian kawng a chhe hle a, chutih rual chuan harsatna tam tak kan tawk a, tin, kan hriat angin hel awmna te a ni a, a bikin khung Phaileng tih te, Marpara han tih te, Khung lamah te phei chuan mamawh kan ngah em em a ni. Kan mamawh hi kan neih ai hian kan neih loh hi a tam zawk emaw tih tur a ni a. A bik takin vehicle chungchangah te hian harsatna an tawk nasa em em a, an han kal dawn a, an innem nung chawp a, hei, unstarred questionah khan Pu Thangtea zawhnaah khan 2003-2008 thlenga vehicle lei te han en ila, a tam hle a ni. Chutihlai chuan a mamawhna zawkah hian kan pe lo nite pawhin ka hria a. A mamawh tak takna ah hian, chet a tul pawh a chet vat theihna tur atana kan mi leh sate thuam that hi ka tih tur niin a lang a ni. Chumi anih avang chuan heng lirthei chungchangah te leh ralthuam chungchangah te pawh hian felfai zawk leh tha zawk a kan thuam that a ngai hle in ka hria a. Chumi piah lamah chuan an quarter hrang hrang ah te hian kan kal kan kal a, kan bialte a lo nih ve takah chuan a zahthlak ang reng hle in ka hre thin a, amaherawhchu, hei change kan ti a, sawrkar a inthlak a, Minister chak tak leh tha takin khalai kha a ngaihtuah chho zel niin ka hria a, a lawmawm hle in ka hria a ni.

Tin, keini bial hi kan sawi angin kan harsa hle a, a bik takin Kanghmun thangdung kan tih khaw 20 chuangah hian out-post pawh kan nei lova, a buaithlak khawp mai. Hmanni khan kan sawilang mai mai duh a, Hreichukah khuan an lui Aizawl tlangvalin an lo hraisak a, tichuan, an rawn report a, amaherawhchu, ka'n lo ngaihsak lutuk lo deuh a, ka hman loh deuh avangin, chuvangin Reiek kha an lo phone a, an lo man tir a, chuan Reiek hovin Kulikawn Police Station-ah an rawn phone a, an nin kan area ani lova, in area lamah ti rawh u an lo ti ni tur a ni, anihna takah chuan Mamit S.P hnuai anni a. Tin, an area khan West Phaileng atanga rawn kal tur a ni. Chutiangte chu a ni a, Lui pahnih kan a rawn kal a ngai a ni. Constituency pakhat kal kan in. Hetiangah hian engtingge kan harsatna hi kan sut kian theih ang tiin kan Home Minister-ah pawh ngenna te pawh kan thlen tawh a, tunah hian a bik takin Kanghmunah hian ruahmannate a awm niin ka hria a, a lawmawm ka ti a, chak taka hma min laksak tur pawhin ka'n ngen nghal a ni.

Tin, Demand No. 38-na ah khan han kal leh ila. Hei, bial hrang hrang a bikin keini bialte kan vannei hle in ka hria a, Border area ho bika hi chu Border Area Development Programme te kan nei a, heng atang hian nasa takin mi phaklo tur kha kan indawm kang ve a ni a. Amaherawhchu, heng kawngah te pawh hian sawrkarin ruahmanna tha zawk kan neih theihna turin kan Scheme chi hrang hrangte hi hmun khata a luan theihna turin ngaihtuahna kan neih ngaiin ka hria a, a bik takin NREGS atangte pawhin IWDP kan han tih te pawh tam tak kan sumpai Central Sponsor Scheme lo kal ang chi te pawh hi luangral tam tak a awm niin a hriat a, thahnem ngai taka lo utilized tu awm mahsela kan in an bawh loh avangin hengah te pawh hian sawrkarin kan duh dan leh he sum tam tak Central atanga lo kal hi hman nise chuan, tun ai hian hma kan sawn in khaw tam tak hian assets ropui tak tak pawh kan neih phah theih zawk ka ring a. Tin, hei House-ah hian min hriatpui turin ka'n duh leh pakhat a awm a, a bik takin khawthlang Mamit District hi Backward Region Grant Fund (BRGF) chungchangah hmu tura inngai niin Saiha District te nen compared kan ni a, amaherawhchu, a lo kal a lo kal a, BRGF hi hmu lovin District dangte'n hmu in, a compare ber Mamit District khan kan hmu leh ta lo hlauh mai a. Amaherawhchu, kan sawrkar hian he BRGF chungchangah te pawh hian a rang thei ang berin min ngaihtuah sak a, hma min lak sak tur te pawhin ka'n ngen nghal duh bawh a ni. Tiang chuanin hmasawwna tam tak alang a, kan hmasawwna tur tam takah hian a nihna tur taka kan hman theihna tura hma la tute, a bikin helaia roreltute hian kan han sawi a. A tak takah chuan kan sawrkar hnathawktu an ni a. Hengte pawh hi an kutah a awm a ni tih hria a, kan zavaia kan tan tlan a ngaiin ka hria a ni.

Tichuan, Demand No. 6-na ah khan han kal leh dawn ila; Land Revenue chungchangah khan ram hi a pawimawh hle a, a enkawltu te hi kan pawimawh lehzual a ni a. Ram inhralh chungchangah te a Department mawhphurhna hi a sang hle a. Tuna kan pawisa neih ang kan en hian tlem chuan a beitham deuh angem aw? Survey chungchangah te leh thil hrang hrang an mamawh te kan puhruk zo angem aw? Tih te a langa, mahse, hei hi a tha tawh tur chuan alang a.

Revenue chungchangah hian ka hma ami sawi ang khan ram buaite a tam a, tute emaw duhsak bik awm lovin anihna taka seng turin record tha tak te an neih a ngai a ni. Tun dinhmunah hi chuan ram buai kan tih tam tak pawh hi Department siam chawp a ni. Dawhkanah te kan han thai pawp pawp chi awm in a lang thei a, a lo kikawi deuh a, kha kha kan han inchuh leh a, tiang khan a hma a thenawm tha tak nite pawh kha, chemsen nen kan han in um ta thin a, chutiang te chu kan dinhmun mek a ni a, vawiin niah hian fimkhur zawkin, tin, sawrkar pawhin an duty te tha zawk a enfiah a kalpui hi kan tih tur ani ang tih hi ka ring a. Chutiangah chuan a Minister pawh nasa zawk a tan la turin ka'n ngen duh bawk a ni.

Tin, Demand No. 38 Rural Development ah luh zawk ka duh a. Keini bial hi border a awm kan ni a, chumi anih avang chuan tunah hian border fencing te a awm mek a. Chumi ah chuan mi tamtak thingtlang mi kan Chakma unaute, tin, Mizo ngei pawh min effect a ni. Hemi chungchangah hian sawi tur tam tak a awm a, khaw thenkhat chu an khawlai tak han tan tlanga nasa taka an eizawna te pawh hi tih chhiat in a awm a ni, chungte chu Resettlement Plan thui tak neih ani tawh a, mahse tun thlengin kum nga dawn a kal hnu hian an khawtharah pawh kan la kai tir theilo a ni a. Heng chungchang hi kan hotute, Rural Development hotuten min lo ngaihtuah a min ngaihven sak turin kan ngen nghal ani e. Ka lawm e.

S P E A K E R : Tunah chuan Pu K.Lalrinthanga ilo sawm ang.

Pu K. LALRINTHANGA (INC) : Pu Speaker, ka lawm e. Vawiinni a Demand kan sawi tur hi a bik takin Minor Work leh Major Work lam atang hian hlawkna engeng ngeni, tangkai pui tur kan nei ve nge nei ve lo tih ka en ve a. Chung atang chuan han sawi ve ka duh a. Kan member pui sawi hmasa te khan Home Department ah khan hna thawhna tur a in vuah thlap a tih kha a han sawi a. Chu chu major work lampang ah khan hna kha a invuah thlap ani. Hmun hrang hrangah headquarter atana insakna tur tih te eng eng emaw Vairengte ah pawh SDPO insakna tur kha nuai 16 kha inziak ve thlap a. Lawmawm ka ti a, amaherawhchu Minor Work lampang ah khanin ka han en a Head 2055 te 2056 major head 2070 te 2235 ah te khan Work Programme ah hian hmuh tur pakhat mah a awmlo ani. Chu chu ka sawi hmasa duh a nakinah ka rawn sawi nawn leh ang a. Tin, Rural Development ah pawh khan Minor work leh Major work kha en leh ta ila. Minor work ah khanin cheng nuai 25 plan ah a awm a, non-planah khan nuai 3130.44 plan ah a awm a, non-plan ah khan 1259.60 kha a awm a. Khangho kha han en chuan Work Programme a rawn lang a chu BADP Major Head 4575 ah chauh khan a awm a, a dang kan hnathawhna tura kha a lang lo ani.

Tin, Land Revenue ah khan Head of Account no.27 na ang khan a rawn in ziak a Minor Work kha, hnathawhna tur hmun tur kha a rawn ziak lang a.

Cooperationah khan in Major Head 2425 hnuai Head of Account 27 naah khan hnathawhna tur kha a rawn ziak fel thlap bawk ani. Chutiangu hemi Work Programme awmdan a hi ani a. Department thenkhatah chuan a rawn ziak fel thlap mai a, thenkhat ah chuanin a then a fel a, a then ziah fel lohin a awm a, khawilaiah nge hna kan thawh dawn tih hriat kha a har ta viau a. Engtingge helai hi kan tangkaipui ve dawn nge dawn lo ti laia kha kan hre hlei thei ta lova, chuang chuan helai hi kan Minister ten anmahni a rawn ziah anih ka ring chiah lova, department lampangin a an rawn buatsaih rawn lang ta mai hi anih ka ring a, helaiah hianin tan kan lak deuh hlek a tulin ka hria a.

Tin, chutihruah chuan Home Department kha han sawi chho veleh ila. Tunlai chu Serlui bial chhunga Vairangte lam mipuiten beng an chhit thupna hmun ani bawk a, khalaiah khanin kan Home Minister pawn beng min lo chhitsak nasa deuh hlek se thain ka hria a. A rawn kal tum khan SDPO post nghet kan siamsak ang che u, min ti a, lawmawm ka ti tak zet a ni. Khulai khu Police hmun pawimawh, engngeni buaina leh harsatna police-in an chinfel tur tam tak a awmna hmun a ni a, vawi tam tak SDPO hmun post nghet an dil tawh a, tun sawrkar tharah hian post nghet min siam sak dawn a. Tin, "IR platoon hmun nghet te pawh kan dah ang" ati a, chutiangu chuan ruahmanna min siam sak a, lawmawm ka ti a, chutihruah chuan ka han sawi duh chu Minor Work-ah khan pawisa kha a awm nual a, SDPO insakna tur kha nuai 16 chauh Serlui bialah khan a awm a, kan hriat tur chu kan Home Minister pawn chiang takin a hria a. Phaisen-ah pawh vaihote nen Irrigation Development chungchanga harsatna a awm avangin police out-post pawh min siam sak a, helam Saiphai lampangah khuan harsatna a awm ve leh bawk a ni, chutiangu chuan Cachar atanga smuggling rawn kal chhohna te leh thing ru a an kaltlangna khu a ni a, a pawimawh hle a, chuangin khulaite pawh khu min ngaihtuah sak sela. Minor Work hna thawhna tur awm reng reng lo ang a lang, a pawisa hmanna tur hriatchian loh te atangte hianin police hmun turte hi min han siam sak leh ta selangin a tha in ka hria a. Vairengte vel a kan mi lungawilo te pawh khu tlem chuan min han ngaihtuah sak sela tha in ka hria a, ka han tarlang duh a ni.

Tin, Rural Development-ah te hian hnathawhna tur hi DADP chauh a rawn lang a, a dang hi chu a Head-ah hian a chiang vak lova, kan chhui thei vak lo a ni a. Major Head hnuai 2575 te, 4515 leh 4575-ah te hian a awm niawmin alang deuh hlek a, mahse a chiang vaklo a ni. Serlui biala khawchak lampang Thingthelh te, Saipum te, Chawnpui te, Saiphai te khung vel khu dinhmun thalo sawrkarin a development a la pek mumal loh lai a ni a. An eizawna pawh khu a har hle a. Nikum te pawh khan sazu in an buh te pawh kha a seh zawh sak mai hlawm a ni a. Inhlawhna turte an nei mumal lova. NREGA atanga inhlawhna a awm loh chuanin inhlawhna tur an neilo a ni mai a, pawisa lakna tur an neilo a ni mai a. Chutiangu chu a ni a. Khulampang ah khuanin heng sum leh paite hi dah luh deuh hlek dan awm ve ta se, a lawmawm awm mange ka ti a.

Tin, chutihruah thil lawmawm deuh mai ka han tarlan duh chu Kolasib District-ah khuanin nikum lampangah khan NREGA a inhlawhna kha ni 26 chauh an thawk a ni. Nimahsela, kan Budget kan en hianin NREGA tana state

contribution tura ruahmanna kha, a zat kha ka'n hmu mai ta lova, khati zat kha a ni a. Tunah hianin ni 50 vel lai niin ka hria, an inhlawh tawh a. Kumin chhungin helaia kan Budget-a langah kha chuan ni 100 chhung inhlawh thei tur angin ruahmanna kha alo awm ta a, lawmawm ka ti tak zet a. Chu chu kan Minister te chungah lawmthu ka han sawi leh bawk a ni.

Tin, Demand No. 6-na ah khan ka han sawi duh a chu kan Minister hnenah pawh ka sawi tawh a. Phaisen kalkawng thlanglam pangah khuan lui a awm a. A piahlamah chuan leilet a awm a. Chung leilet neiho chuan tunhma chuan Phaisen kalkawng leh lui inkar ram kha an hauh ngai lova. Nimahsela, motor kawng a kal ta a. Motor kawng a han kal tak hnuah khanin khami kalkawng leh lui inkar kha an hauh ta tlat mai a. Phaisen mipuite tan harsatna chi hrang hrang a siam a, inhmun inpek tur te an nei lova, a buaithlak hle a ni.

Tin, chutihrual chuan hei NLUP kan ti dawn an ti a. Khung Saihapui tih leh Thinglian ho khuan ram pakhatmah an nei tawh lova. Thinglian phei chuanin kumin chhungin Cachar ram lo atan an vat a ni. Lo neih tur an nei tawh lo, Forest Department hovin an chhuhsak fai vek tawh a. NLUP ruahmanna tur atan leh an ni tan harsatna a awm dawnin ka hria a. Hei hi sawrkar in min hriatpui sela, Minister pawhin. NLUP tih theihna tur atan ah ruahmanna min han siam sak se. Ka lawm hle ang, Pu Speaker, ka lawm e.

DEPUTY SPEAKER : Tunge sawi leh tur aw.... Col. Z.S Zuala

Lt. Col. Z.S ZUALA (INC) : Pu Deputy Speaker, ka lawm e. Khawvel ram hausaber USA ten an Executive hlawhte 90 % a cut an sawi laiin, helai Mizoramah kan sawrkar hnathawk hlawhte kan lo pun thei a. Kan hotute an fakawm hle in ka hria a. A hmasaber in, hei, a sawrkar lai deuh, Police leh Home Department, Demand No. 16-na kha han sawi ve zawk ka duh a, hemi hnuah hian in Fire Service a awm a, Aizawl chhimlamah sawn Fire Station kan neilo a. Tun thal khanin kangmei wawi nga kan tawk a. Kangthelh motor chu alo thleng ngei mai a, mahse, a awmna a hla deuh hlek a, a kangfai hman deuh vek a. Tin, hmunkhatah chuan ram kang a ni a. Chungte pawh chu min thelh sak hman vak lova, mahse, inkang erawh chu an lo thelh hman zel a.

A conclusion-ah chuanin an tel vek ti ila a dik ang a, chung chu kan Home Minister zahawm tak pawh hi kan lo sawipui tawh a, kan lo request tawh a. Sawmi Ngaizel phei leh Saikhamakawn velah sawn Fire Station awmna tur ramchang te pawh a awm a. Chung chu min enpui thei sela tih pawh hi han sawi ka duh a. Tin, Budget Allotment ah te pawh hianin motor leina tur ni awmtak te pawh nuai 68 plan ah leh non-plan ah te pawh a awm a. Heng

atangte hian sawtilai a awmtur motor-te pawh min sih chhuah theih te pawh a rinawm viauin ka hria a, chu chu min lo note sak se ka lawm khawp ang.

Tin, hemi Home hnuaiiah bawh hianin, Sainik Welfare Department hi a awm a, he Department hi Department upa deuh mai a ni a, mahse, tun thleng hian rented house-ah office an la run a, hengte pawh hi Land & Revenue Minister zahawm tak pawh hian min lo hriatpui sela, a hmunte pawh min lo zawnpui se tih hi ka sawi duh a. Tin Rajya Sainik Board Meeting hi kumtin kan nei a. Governor hi Chairman a ni a. Chumi hnuaiiah chuan Vice Chairman-ah Chief Minister a ni a. Chutah Home Minister te leh kan Chief Secretary te leh DGP te ho zawng zawng committee-na hnuaiiah hian Zila Sainik Board (ZSB) hi Kolasib-ah leh Champhai District-ah dah tur tih a ni a. Hei hi Central lam atang pawhin min pawmpui tawh a. Hengah te hianin District Sainik Board hi din thuai ni turin ka han request duh bawh a. Heng hi Home Minister zahawm tak hian min lo note sak se a lawmawm hle ang.

Tin, Sainik Welfare Department hnuaiiah hian sipai bang leh an chhungte welfare hi an enkawl a. Mizoramah hian sipai bang leh an chhungte kaihhnawih hi 2 % of population vel hi a ni.

II World War Veteran Financial Assistant kha tunhma in 500 in kan pe thin a. Tunah hian 1000 a pun Sainik Board khan a phal tawh a. Hei hi kan sawrkar in min tih puitlin sak se.

Tin, Land Revenue & Reform Demand No. 6-ah hian thil pakhat han sawi ka duh leh chu chu nichina kan han sawi tawh bawh Sainik Welfare Department Office tur hmun hi min lo sih chhuah ve turin ka han dil duh a. Tin, chu lo leh chu LSC kan chan sawm dawn a, a requirement hi a tam viau mai a. Hman deuh khanin ka LSC kha hmun thum vela then ka duh a, amaherawhchu, certificate pakhat kha a lo awm lo hlauh mai a. Khami atan khan clearance certificate lak a ngai ta a ni. Tahkhanin, ka han tlan tauh tauh a sawmthum vel kan sign tir a, mahse, vanneihthlak takin kha certificate ka tih bo kha ka hmu leh hlauh mai a. Hemi chungchangah hian ka'n sawi duh chu, tunlai khawvelah computer kan hmang lar hle a. Entirnan; SBI chuan an Branch tin te kha computer atang khan an in zawt kual vek thei tih chu kan hria a. Tin, Apex Bank emaw Rural Bank emaw te kha Core Banking an nei niin an sawi tawh a. Hengte hi a awlsam zawnga tih dan a awm lawm ni? Chu chu kan Minister zahawm tak hnenah ka'n thlen nisela.

Kan Department upa tak leh lian tak hian hetiang mi harsatna sut kian dan hi min lo zawnpui se tih hi ka'n sawi duh a. Tin, Rural Development lamah hian han sawi duh ka neih chu NREGA ah hian nichina sawi tawh ang khan Aizawl 'S'-II bialte hi, town area in ni e an ti a. Amaherawhchu, town area ang zawnga thil kan tih dawn khan Block hnuaiiah in awm alawm tih ang zawng a lo tih leh te kha a awm a.

Kan bial chhungah sawn Salem te leh Mission veng thenkhat te leh I.T.I te hi Rural Area ang chiahin kan awm a. Amaherawhchu, NREGA Scheme kha min cut ta a ni. Chumi min cut aiawh engemaw tal Employment Scheme te min siam thei lawm ni? a hma a kan nihna ang kha kan la ni tho a ni. Chuvangin kan Rural Development Minister zahawm tak hian engemaw kawng tal min lo zawn sak se. Tunah chuan Tlangnuam chiah saw hemi NREGA hian a huam a ni.

Chulovah Rural Housing anti a, khatah khan kan tel tawh bawk silova, khami aiawh engemaw a substitute min zawnpui kan ngai a. Thingtlanga mirethei tak tak an awm ang tho in thenkhat lai chu Slum Area angin kan la awm a, henge te hi min lo ngaih pawimawh sak a, kan lo in develop ve theih deuhna tur min lo ngaihtuahpui se tih hi kan Rural Development Minister zahawm tak kha a hriatah he House kaltlang hian kan hriattir duh a ni e. Pu Deputy Speaker, ka lawm e.

Pu JOHN SIAMKUNGA (INC) : Pu Dy. Speaker, ka lawm e. Kan Member zahawm tak tak ten an rawn sawi deuh vek tawh maiin ka hria a. Amaherawhchu, tlem te sawilan ve duh ka nei a. Ka han tanna tur chu Land Revenue Reforms Department Demand No. 6 atang hian. He department hi Land Reforms-ah khan 480 lakhs a lan avang hian heti lamah hian nasa takin ke an pen dawn niin ka ring a. Chumi atan chuan Mizoram Land Revenue Bill, 2008 kha tunah hian an enchho mek niin ka hria a. Chumiah chuan Revenue administration lampang hi tihchhoh an tum hle niin a lang a, an Budget atang hi chuan. Revenue thawkchhuak tura kan ngaih laiin chhiah awl tam lutuk leh building chhiah lamah pawh khawn dan mumal lo lutuk hian an sum laklul tur ang hi an lalut thei lo niin a lang a. Helaiyah hian kuminah hian kan Minister zahawm tak hian hma la in theihtawpa tihchak a tum niin a lang a, kan Budget-a thil lang hi a lawmawm hlein ka hria a. Tin, a department hi re-structure a tumna hi, hemi ah hian a lang bawkin ka hria a, a lawmawm khawp mai. A department han re-structure a, han tihchak a tumna hi thawktu an indaih lo em em a, hmun tam tak khaw lian ve si ah te pawh hnathawktu indah hlei thei lovin an awm. Hemi a nih avang hian harsatna tam tak an tawk a.

Tin, Regulation of Land Holding and Tenancy-ah hian 12 lakhs an dah a, Land Holding chungchangah hian, kan ramah hian mahni duh zat zat ram valhte, hmun tam taka ram neihte, ram chanchin han sawi apianga bengtunte kan tam a ni. Mahni enkawl zawh loh, kenkawh zawh loh ram nei kan tam a ni. Heti lamah hian kan Sorkar chak tak leh kan Minister zahawm tak hian nasa taka hmalak a tum te hi a lawmawm ka ti a. Hetiang renga kan kal chhoh chuan ram nei ve lo, mizo hi an tam dawn a ni. Neih chintawk, duham chin tawk nei lo, khatiang ina ram an valh vak vak hi thil tha lo tak niin a lang a.

Tin, maintenance of Land records-ah hian nuai 212 lai dah a ni a, helai hi thil pawimawh tak a ni. Land record maintain that loh avanga thil buai a tam

khawp mai. Vawiina computerize veka thil an tih chuan thil over-lap tak takte kha chianguang zawkin tihfel theih a nih a rinawm a ni.

Tin, Co-operation lamah hianin tlem han sawi duh ka nei a. Plan-ah hian cheng nuai 700 lai an neiin a lang a, hetih lai hian investment lamin an kal vak lovin ka hria a, Mizoramah hian Cooperative movement hi a awm ve tih chauh a ni a, nasa lutukin ka hre lova. Amaherawhchu, helaia an Works Programme han en hian tanpuina thehchhuah lampang hlir a lang a, invest-na lampang a lang lova. An invest-na tur pahnih lo langah hian Apex Bank-ah leh Zo Fishfed-ah hian a ni a. Chuti chung chuan an tanpuina tur erawh kha chu a la awm tho si a ni. Chuvangin, Cooperative Society kan ngah ta viau nge ni, ti lam zawnga tanpuina lam zawng hlira a kal hi tih kha ka rilru ah a awm deuh a.

Tin, Home Department hi Forensic Science lampangah hian tan an la niin a lang a, hetah hian nuai 15 lai plan-ah an dah a ni. Hei hianin hnuchhui lama hmalakna thui tak kha a rawn ti phuisui dawn a. Forensic Science lama kan than loh chuan tunlaiin sualna a sang tawh a, hnuchhui thiam Forensic Science lampang mi hi an chet loh phei chuan thil tam tak hi chhuichhuah theih loh kan nei tawh a ni. Chuvangin, helama hma an la tur hi a lawmawm a.

Tin, Fire & Emergency Service lamah hian Plan nuai 250 lai an nei a, kan hotu zahawm tak tak ten an rawn sawi tawh a. Aizawlah hian han inzar pharh deuh sela, nichina an rawn sawi bakah veng tlafual deuh College Veng angah te hian Sub-Station hi Fire Department hian han nei thei se, rikrum thilah pawh awlsam te in a tha zawk awmin a lang a. Tin, 'ka thleng hman lo' tih avanga rohlu tak tak kangral thin hi a tlem pahin a rinawm bawka a ni.

Tin, Jail chungchangah hianin hmalak an tum thain ka hria a, Plan hnuai ah hian nuai 280 lai an dah a, hei hianin Jail la awm lohna hmun bakah Jail awm laite pawh hi tihphuisui hna thui tak chu an thawk thei turah ka ngai a.

Tin, Police ho zingah hian plan hnuai nuai 450 lai a awm bawka a. Tin, kan hotu zahawm tak takte rawn sawi pakhat sawibelh ka duh chu, Out Post kha a ni a. Out-Post hi kan hotuten Border lampang an han sawi khan ka rilruah lut a awm a. Border hnaih lampang erawh hi chu a Crime rate-a tih theih loh a awm a ni. A Crime rate-a kan teh, Zoram hmun laili te nena kan teh chuan thil tih theih loh a awm a ni. Foreigners ten sual an rawn ti a, an hawn chho leh mai a, an hawn thlak leh mai avangin pawh tak tak thleng thei kha a awm a ni. Chumi a nih avang chuan a Crime rate ni lovin, a pawimawh dan azir zawkin helai hi chu consider thei nise a lawmawm ngawtin ka ring.

Tin, Rural Development-ah hian Integrated Wasteland Development Programme-ah hian nuai 327 lai Rural Development hian an nei a, hmanna lampang chu ka sawi vak lo ang a, kan hotute sawi tam ber NREGS-ah hian cheng nuai 2000 a rawn lang a, Central Budget kumin ami kan thlir chuan 144%

in a increase a ni. Chumi awmzia chu, tunah khuan cheng crore 39100 a awm a ni. Khatiang khawp khan kan hotuten an zawngchhang a, Central lama kan hotuten, helai ah pawh hian a zawngchhang thlak hlein a hriat a, asset khaw tin hian an siamtha viau hlawm zel a ni a.

Tin, IAY-ah hian nuai 150 a rawn lang a, hei hian In 3500 atanga 4000 vel sak theihna ni awm a ni a, a dan pangngai angah kha chuan. Amaherawhchu, a sum hi tlem chuan a bei tham deuh chuan a lang a, In thar han sa tur em a singthum vel bawr ang kha chu a nep deuh mange aw, tih kha ka rilruah a awm a. Tin, helamah hian Central khu an la tui khawp mai a, kumina an Budget-a a lan dan khan 63% in IAY hi a increased a ni.

Tin, BADP chungchangah khan nuai 2481 a lo lang a, a pawimawh khawp a, asset kan siam ve na te a ni a. Tin, Department dangina an rawn khawih thlen phak bak khua leh ramina a mamawh si te siamna a ni, kha kha a pawimawh khawp mai.

Tin, District Council-ah hian kumina Plan punna hi 183.91 lakhs a ni a. Non-Plan-ah hian nuai 2783 in a pung bawk a, hei hian Sorkar in a District Councils-te hmakhua ngai a, an thanna tura an duhsakna niin ka hria. Pu Deputy Speaker, ka lawm e.

DEPUTY SPEAKER : Tunge sawi leh tur kan awm em ? Aw,
Pu C. Ramhluna

Pu C. RAMHLUNA (MNF) : Pu Deputy Speaker, ka lawm e. Bell i hmet sam riain ka hre mai a, engpawh nise, hei ka bul ami hi a awm lova, a ni ai te hi chu a lak theih mai emaw ni chu le (Dy. Speaker : Chulai chu kan sawi dawn chuan a rei lutuk ang) Pu Deputy Speaker, ka sawi hmasak ber duh chu Demand No. 16 kha a ni a, a lawmawm a, hei Plan Budget-ah pawh a sang tha khawp mai a, ka lawmpui hle a. Helaiah hian thil pahnih khat ka'n point out duh chu, Work Schedule-ah khan Construction of S.P. Quarter at Aizawl tih kha a ni a, khatah khan 200 lakhs an dah tawp mai a, hei hi a sang veng vawng hle mai a, engnge ni super constructure kan sa dawn em ni ? S.P. Quarter tur bik hi DGP quarter tur chu nise chuan a la hriatthiam theih deuh awm pawhin ka hria a, mahse, S.P. quarter atan em a nuai 200 han dah hi a sang lua deuh em ? tih kha ka point out duh a ni.

Tin, pahnihnaah chuan, han kal zung zung ta ila, Border Fencing chungchang thua hian, Pu Deputy Speaker, hei khawthlang lamah hian Border Fencing hi tih mek a ni a. CADC, a bik takin han sawi ta ang ila, helaiah hian compensation dawng lo an ram laksak si, an in leh lote hmun danga sawn sak

engngemaw zat an la awm a, chung hote chu tukin zingah khan Governor pawh hmu turin an kal a, chungte chu kan Home Minister zahawm tak hianin min lo ngaih pawimawh sak thei em aw ? khang hote kha engtin emaw tih leh dan te a awm thei em ? tihte ka ngaihtuah a. Tin, Border Fencing hi khawthlang lamah hian kan ti a, khawchhak lamah pawh hian kan Border hi a prone em em a, hengte pawh hi nakin zelah kan ngaihtuah dan kawngte a awm thei angem ? Khawchhak lampang Border-te pawh nakin zelah chuan security purpose atan a la pawimawh anga tihte ngaihtuahna kha a awm a, ka sawi tel duh a.

Tin, Pu Deputy Speaker, ka bial chhungah bik sawn Bungtlang khuaah sawn Police Station kan nei ve a, chu chu an la thuam tha lo hle mai a, building chu kan nei ve nameuh mai a, mahse, bial a zau si a, han kal zung zungte a harsa si a. Chuvang chuan, a movement tlema tichak thei tur atan motor-te pek ve theih nise chuan an van zangkhai phah awm em tih kha ka rilruah a awm a. An mahni pheih chuan an entitle lo maithei a, mahse, special consideration-a ngaihtuah theih a ni em ? tihte kha ka ngaihtuah a. Tin, chu bakah chuan, khulai khu a zau ve angreng a, SDPO kan tihte hi dah ve theih chu ni selang chuan kan awlsam phah ang a tih ngaihtuahnaah a awm a.

Tichuan, District Council-ah khan han kal ta ilangin. Kuminah District Council ho hi duhsakna sang tak mai kan dawn a, kan lawm khawp mai. Kum dang ai zawng zawngin kan Plan Budget a sang a, kan chhut thuk thuk danin 40% ai deuhthawin nikum ai khan a sangin ka hria a, kan lawm khawp mai a. District Council aiawhin hei keini pahnih hi khalampang deuh kha kan ni a, dang ho kha chu Ruling Party-te an ni a, sawi ngai ah pawh an ngai lo maithei a, an ai kan han awh a nih chu. Ka lawm e, tih kha ka sawi duh a, nimahsela, ka'n ngaihtuah a, an tih awm reng ti pawh an lo ni ve tho mai a, tih kha ka ngaihtuah a ni.

Kum 1993 velah khan District Council ho hi enhancement of power pek an ni a. Tah chuan, Department 15 lai kha pek belh an ni a, Education-ah te, Forest-ah te hmun hrang hrangah khan pekbelh an ni a, nimahsela, i dinglam ami te sorkar tho kha ani a. Khalaiah khan an power enhanced rualah khan proportionate amount of money kha allocate an ni tlat lo ani. Chuvang chuan harsatna nasa tak khalaiah khan an tawk a. Kha kha a kalchho zel ta a. Kumina hetiang min han duhsak leh ta hi lehlamah chuan tih awm tak ti inni ve a ni tih kha kan sawi duh a. Ka lawmthu sawi rualin chu chu kan sawi tel duh anih chu.

Tin, chubakah chuan Pu Deputy Speaker, appointment chungchang thuah hian thil pakhat sawi duh ka nei a. Kum 1973 January thla khan Chief Secretary, Mizoram chumi chu i ding lampanga mite sawrkar lai tho hi a ni a. Chumiah chuan kan District Council Area chhungah District Offices hrang hrangah hian a thawktute Non-Gazetted Staff ho hi District Council chhung ami kha anni tur ani tih hi alo awm kiau mai a ni. Khami a kha kan sawrkar lokal zel hian engemaw chen kha theihngilhin a neglect ani maithei a. Tuna, kan sawrkar thar hian hei hi revise leh theih a ni angem? Hei hi an hunlai tho, Congress Party sawrkar lai

tho kha anih avangin he policy hi an policy lokal chho zel kha a ni a. Chuvang chuan Mara-ah te, Lai-ah te, Chakma council-a District level, District council office chauh nilovin District area chhunga district office hrang hrangah khan hemi appointment chungchang thu ah hian keimahni mi leh sa te kha duhsak theih kan ni angem tih kha ka han sawi tel duh bawk anih chu.

Tin, adang leh ah chuan hei pawisa min pek tam rual rualin financial responsibility hi a sang a ni tih kan hre theuh a. Chuvang chuan District Council ten pawisa felfai deuh zawka an hman an enkawl theihna tur atan FAO tihte emaw Deputy Director Finance & Account tih te emaw hi financial matters a District Council hote advice tur hian dah theih nisela ava tha ve, chutichuan an pawisa kan lo pek thin hian awmzia a nei ang tih kha a rinawm a. Chu chu kan sawi tel duh bawk anih chu. Tin, adang leh ah chuan Rural Development-ah lokal leh ta ila, sawi zung zung a ngai si a, Pu Deputy Speaker, kan sawi thuak thuak ang a. Hei, NREGA tih te tukin zing lamah khan kan sawi nual a. Hemi chhugchang thua hian ka'n sawi duh pakhat chu NREGA a kan hnathawh tur hi duan lawk a awm mang tlat lova, zawn chawp te a ngai a ni a. Chuvang chuan an hna hi a mumal thei lova, NREGA ah hian felfai takin Block level atangin emaw P.D. atangin emaw D.C. level atang emaw hian an hnathawh tur hi felfai takin duang thin ta ang se a va tha awm e, tih ka sawi duh a.

Tin, chubakah an record te hi felfai takin vawng ta ang sela, hmannaia meeting kan neihnaah chuan hei Lawngtlai BDO hnuaiah chuan kawngte hi 176.6 km kha NREGA atanga laih kha a niin record a ni a. Hei hi khawilaiah nge an laih tih chu an sawi thei naa, mahselangin duh angin a Chiangkuang lo khawp mai, hei hi min lo hriatpui atan a thain ka hria a ni. Tin, a bakah chuan work component te pawh hi anmahni V/C ten an thawh tur awm tak kha a ni a. Mahse, hmun hrang hrang atangin work component-a thawktu tur hi pek zeuh zeuh an ni a. Hei hi lo thawh tir rawh tih te hi a awm zeuh zeuh thin a, henge hi awm tawh lo se ava duhawm awm ve tih ka'n sawi duh a nih chu. Pu Speaker, BADP chungchang thua pawh hian hei ramchhung amite hi develop kan tum a ni a, ram develop bakah mipui develop kha BADP hian a tum a ni a. Chumiah chuan a hnathawktu turte pawh hi anmahni mi leh sa ni thei se a lawmawm viau a, kan duh rualin, hmun hrang hrang atangin hnathawktute hi appoint an ni a. Hmanni kan ena unstarred question ah khan a thawktu zingah pawh hian District Council-a hotu lian deuh deuhthe kha an lo tel ve reng mai a, an hming kha kan Minister zahawm tak hi han hriattir ve pawh ka chak viau a, tun hi ka hriattirna ni sela a thain ka hria a, henge hi chu ti ve lo sela. Tin, politics lam inhnawhihte a nih avangin hetiang hi a thiang ve lo a ni. In hmingte pawh hi vawinah hian in nei reng a, kan nei reng a ni tih kha lo hria ula. Chu chu a thianpa duh tak khanin a work order te pawh kha a laksak lehngal a, Director office atang khan. Chungte pawh chu ka va en a, kan check chhuak a lo ni reng a. Khatiang angte kha Pu Deputy Speaker, thil tha lo a ni a, inhriat sak atan a thain ka hria a. BRGF ah kan Minister zahawm takin Planning & Implementation Committee a siam a. Chungte pawh chuan Lawngtlai District ah chuan Opposition Party MLA mah ni ila, MLA a hminga kan nih ve avangin min

telh ve a, ka lawm khawp mai a. Planning te kan han ti a, a lawmawm khawp a, a implementation lamah pawh hian min telh ve thei se a tha hlein ka ring a. Chungte pawh chu kan sawi tel duh a ni.

Le, Pu Deputy Speaker, hun a tawi si a, sawi tur ka ngah viau naa, ka lawm e. Chung chu ni mai rawh se.

DEPUTY SPEAKER : Pu Nirupam Chakma.

Pu NIRUPAM CHAKMA (INC) : Pu Speaker, ahmasa berin hei R.D. Department leh DCA awm Department changtu Pu Lalzirliana Department hi ka sawi duh chu a ni a. A hmasa bera ka sawi duh chu District Council Area din dawn chuan extra Vehicle pakhat keng ila, pangparte tam tak phurh a ngai dawn a. Hetia District Council te min duh sak a, pawisa te min tihpun sak hi, sawta i dinglam a mi, i vei lama mi member thenkhat te chu an thut nate pawh thlak dan kha ngaihtuah sela a tha ang. Kan thutna tur chu hre turah ngai ila, chu chu Pu Dy. Speaker, kan hotu tam takte sawi ang khan District Council Budget hi a let thumin an tihpun sak a ni a. Amaherawhchu, thil pakhat ka sawi duh chu increase ringawt kan ngaihtuaha thil awmzia chu salary component hi a tam lutuk a ni. Helai ang deuh khan chutah chuan a tam lehzuwal a. Nichina kan Minister zahawm tak tak te sawi ang khan 1994 – 95 kum atangin power enhance hnu khan Department engemaw zat 18 Department deuhthaw pek belh hnuah khan post pawisa nei emaw nei lo emaw post eng emawzat an fill up tawh a. Chuta tan chuan a bik takin Plan Sector-ah pawh sorkar hnathawkte Education lamah te tam tak zirtirtu lak a ngai a. Middle School te kan pe a, chuvangin an salary component te a sang lutuk a ni a.

Tuna 13th Finance Commission ten an memorandum an thehlut a, hei Mizoram sorkarin sorkar memorandum ah pawh thun sak a nei a, chu chu Plan sa te hi Non-Plan a convert theih chuan Plan money kha chu a ruak ang a, development-ah tam tak a kal thei tur chu a ni. Chutiang chuan tuna kan pawisa pek belh te pawh kum 10 chhung chuan tam tak a nia, kan hma sorkar te khan power an pe lova, engmah enhance an ti lova, pawisa an tihpun sak silova. During last 10 years District Council pun dan te chu 2%, 3% tih a ni. Chuvangin an Budget kalphung pawh a kal sual tawh a. Development aiin salary component a tam tawh zawk a ni. Mahse, tunah chuan a dik zawngin a kal theih dawn a. Hei Development Scheme te pawh engemawzat a lang tawh a, Work Schedule-ah te pawh a lawmawm viau a. Tin, Rural Development chungchanga BRGS ka sawi duh a, Backward Region fund hi Mizorama Lawngtlai District, Saiha District chiah an thlang a, District dangte pawh kan sorkarin Central Sorkarah nawr sela, backward tak tak an ni a. Mamit District te pawh. Tin, Lunglei District-ah pawh Chakma awmte chu backward an ni a. Tin, hetah Mara area te backward an ni.

Chumi District atan pawh memorandum tha deuh siamin scheme fund hi hmuh theih dan lo ngaihtuah sela. Minister chak takin.

Tin, BADC chungchangah khan thil pakhat chu ka sawi ang, he thil chu hmanah pawh ka sawi tawh. Pu Dy. Speaker, kan bialah 2007-08 ah R.C.C. bridge siam tur pakhat a ni awm a, nuai 4 man. Aizawl atangin contractor pakhat a kal a, singkhatin Sub-Contract a pe a, Sub-Contractor-in sub-contract a pe leh a, a tawpah chuan sanghnihin..... bridge chu an siam a ni. Rural Development Department chu tun an kalpui danah chuan Minister hian tan an lak a tha ang. Tun hma ngaihtuah chuan letling zawngin a kal a ngai, chuti chuan a dik ang. Tunhma kaldan chu 90 degree a pum nilo zawngin an kal si a, kan bialah Ngarum Ras Madal BADC atangin kalkawng an lai a, 50 lakhs an hmang tawh a ni. Km 1 pawh Jeep a kal thei lo, chutiangan Ngarum to Undorang North spends more than 50 lakhs, he House-ah pawh vawi engemaw zat ka sawi tawh, enquiry min din sak rawh u, ka ti. Mahse, chuti chungin R.D. Department zawhna pakhat Starred Question 28 na Pu K.Liantlinga zawhna, Rural Development case ACB in investigation a zawh tawh khan, prosecution sanction hmuh tawh a ni em? a chhan chu prosecution sanction hi hmuh tawh a ni anih chuan, engchen nge kalpui anih tawh? Charge - sheet No. 2 at 15.5.2009 under section 13(2) Prevention of Corruption Act 409/34 IPC chu Special Judge, Prevention of Corruption Act hnenah theihluh a ni. MNF Sorkar lai chuan pakhatmah chargesheet a awm lo. Pu Dy. Speaker, kum 10 (sawm) chhungin achievement a bu election hmian a tichhuak a, Department hrang hrang achievement tarlan te zingah a lang lo chu Anti - Corruption chiah a ni. Lo en rawh u, Department tenau tlem tlem te chu a lang ve tho. Mahse, Anti-Corruption pakhat mah a lang lo. An duh loh ber chu Anti-Corruption a ni. Chuvangin tun tumah chuan kan sorkar hi khatiang ang khan kal lo sela. Hei tunah kan kal dawn chauh a ni a, nakum lamah Budget Session leh Session dang te pawh kan nei ang a, Minister te hnathawh dan pawh kan en zel ang, an that chuan kan fak ang a, an that loh chuan he House ah pawh hian kan hau mai dawn a ni.

Pu Dy. Speaker, hei Home Department chungchang ah tawite ka sawi duh chu, Law & Order chungchang a ni a. Law & Order chungchang hi an sawi vak lova, kan lungawi tlang a niin ka hria a, sawi tur kan nei vak hlawm lova, a lawmawm a ni. Law & Order maintenance chungchang ah kan Home Minister ang hian sorkar hmasa kha chu kal sela chuan problem tam tak a chhuak lovang. Chuvangin, Law & Order hi a pawimawh a, peace kan duh si a, Law & Order hi khauh takin keng sela tih kha ka sawi duh a. Police ho chungchang ah te tan lak a ngai a. Tin, Police awmnaah khan School awm ve se tih hi ka ngai pawimawh a ni. Army awmnaah pawh School a awm zel tho va, kan MAP te leh I.R. Battalion awm naah chuan School hi awm sela, Primary School te, Middle School te awm sela. Tin, Home Guard te hlawh chungchang ah kan thian ten an sawi tawh a, tihpun sak dan ngaihtuah a thain ka hria. Chawngte P.S. chungchang ah khan a tharin sak a ngai. Chu ringawt chu ka sawi duh a ni. Minister zahawm takin a siam sak tawh a, kalkawng an nei lova, MLA fund atangin Truck road kan laih sak tawh a fund pawh kan la pe thei lo. Recruitment chungchang ah District tinah

khan recruitment siam sak ila sawtah minority te pawh Police ah a tam thei ang ber lak theih dan awm se a tha ngawt ang.

Pu Speaker, hei Department dang te chu Revenue te Co-o-peration te chu ka Department enkawl a nia tunhma chuan ka duhsak viau a ni tih ka sawi duh a, hun a awm tawh lova.

DEPUTY SPEAKER : A ngaihnaawm viau aniang sana ka lo en theihngihl tep a ni. Pu K. Lianzuala.

Pu K. LIANZUALA (INC) : Pu Dy. Speaker, ka lawm e. A hmasaa ka sawi duh chu Sorkar tharah Home Minister thar hnuai ah kan Police Department ten administration fel takin a nih dan turin an kal ta hi kan Minister zahawm tak hnenah lawmthu ka sawi hmasa duh a.

Tichuan Demand No. 16 na ah hian luh nghal ka duh a. Pu Dy. Speaker, hei 1998 khan Serchhip District Jail khi kan sorkar hmasak lai khan bultan a lo ni tawh a. Tichuan, 1999 ah khan Assam Type In nuai 3 in an sa a. Chu chu a chhe zo leh vek tawh a. Tichuan tunah khian a main building te peih a ni tawh a Fencing te zawh vek a ni tawh a. Work programme a a lo lan dan hian nuai 69 lai dah a ni tawh a, tuna a hmuna hmutu ten an sawi dan chuan fel deuh hlek a ni tawh a. Heti zat pawisa hman lehna tur tih a awm em aw? tih kha ka ngaihtuahna ah a awm a. Tichuan, Serchhip hi District thar a ni a, Jail kan mamawh hle mai a, District Headquarters a nih angin khilai khi pawimawh fe a ni ve a. Tin, thil tak tak han ti turin Aizawl lam pan a ngai reng a. Hengte hi rang deuhin kan Home Minister hian hawn theih mai ni te pawhin a lang tawh a. Hma min lak sak thuai se tih ka sawi duh a. Serchhip District Jail Chhiahtlang a awm a ni a, a hmun chu.

Tin, Rural Development lamah khan han kal ta ila. Demand 38-naah khan. Pu Deputy Speaker, kan House Leader zahawm tak hova kan sorkar lai khan 14, August 1998 ah Lungpho khi R.D. Block ah puan a lo ni tawh a. Tichuan, vanduaithlak takin sorkar a lo inthlak a. Kum 10 chhung teh meuh mai ngaihtahin a awm a. Tun hun hi a ni lawm ni kan ti a ni. Chu chu kan Minister zahawm tak leh kan sorkar pawn min hriat sak se kan duh a. Lungpho hmunah phei chuan kum 10 zet ngaihtaha awm tawh hi tunah a bul min tan sak leh sela tih hi Tlumtea thlir taka kan lo thlir a nih avangin kan Minister zahawm takin hei hi min chhinchhiah sak ngei se tih hi kan duh dan a ni a.

Tin, Sainik School a taka chang chho tur a lo ni ta hi, hei Home Department hnuai a ni a, lawmawm ka ti a. Kan Home Minister leh kan House Leader te chungah lawmthu ka sawi duh bawka. Tichuan, kan khawpui hi kan hriat

angin a tawt sawt hle a, traffic te a jam nileng thei ti tih a ni tawh a. Hei tunlai Session kan han kal vel pawh MLA te hmun hran hran atanga helai hmun pan khawm kan ni a. Kan traffic Police te hi Pu Dy. Speaker tih chak an ngaiin ka hria. Hei hi kan Minister zahawm tak hian min lo chhinchhiah sak sela. Hma lak thuai chi niin ka hria.

Hei kan Session pawimawh Christmas Session a lo ni dawn a. Mihring leh motor a pung chho chak si a. Kan traffic Police te an fakawm khawp mai. An thawkrim em em mai a. Mahse, an indaih lo niin ka hria. Hei hi engtingge ni tih chak a thum that dan a awm em ? thil pawimawh niin ka hria a, han sawilan ka'n duh a ni.

Tichuan Rural Development ah khan han lut leh ta ila, kan bial khi hun rei tak land lock-in kan awm a ni ber mai a, a chhak tlang dung lam pang khi ka hriatsual loh chuan Congress Sorkar hmasa 1994- laia hmalak niin ka hria a. Chhiahtlang, Sialhau, Lungpho road khi R.D. road a ni reng mai a, vawi tam tak kan sawi thin a, term hmasa te pawh helaiah kan han zawt thin a. PWD in hma a la thei si lova, Serchhip District hi kan Headquarter a ni si a. Chhunzana kan pan a ni si a, ruahtui a lo tlak hian kawng a ping a ni zel mai a ni. Chu chu a maintain-na tur hi Rural Development atang hian a special deuh atang hian fund min pe thei dawn lawm ni? Pu Dy. Sjspeaker, chu chu he House kaltlang hian sorkar leh Department leh R.D. Minister ka ngenna a ni, chu chu min hriatsak ngei turin ka duh a.

Tin, palina Outpost hi member zahawmtak ten an bial lamah an sawi a. Tin, kan sawi duh chu, helaia member zahawm tak 40 kalkhawm ten mahni bialchhung kan sawi lo thei lova, hei hi bial Demand kan sawi hian member 40 in kan sawi chu ram Demand anih avangin Minister te pawhin min hriatthiam ka ngen a ni.

Tunah khian Champhai tlangdung khi ralthuam tawlhruk nan te, drugs kalkawng a ni, kan ti a, mahse, sorkar a in bunfel tak avangin check gate te Khawbung lam atangin Tuipui rawn kanin Tuizau an rawn kan thla thin a. Tichuan Chhingchhip tlangdung hi an rawn kalhlakna a ni thin a ni. Chuvang chuan khilalah khian Police Outpost hi tih makmawh a niin ka hria a. Tunah chuan kawng a lo tlang dawn baw a. Lungphoah khian Police Outpost hi min dah sak thei em? tih hi Minister zahawm tak ka ngenna a ni.

Demand No. 37 na Co-operation ah hian han lut ve leh lawk ila. Co-operation hi ram hmasawna atan thil pawimawh a ni a. Serchhip District-ah khian Office te pawh a han awm ve tawh a, keini bial chu member zahawm tak tak ten inhriat angin Society tamna bial, kut hnathawktu tamna bial kan nih avangin kan pawimawh hle a ni. Tahchuan, Chhiahtlangah khian V.C ten kum 1997 khan Co-operative te kawngkamah hmun tha deuh mai a thlawnin an pe a. Chu chu Chhiahtlang khi District Town area kan ti a. Tunah khian Serchhip District tur nge chu ka hre chiah lova, a hmun an zawng mek a, kan Minister hian min lo hriat sak atan hmun zawn ngai lovin, a hmun awmsaah khian min sak sak thei mai lawm ni? sum sen ngai lovin. A building min sak sak mai thei lawm ni tih kan ngen duh a. Pu

Dy. Speaker, sawi tur tam tak an la awm a, hun ka heh lovang. Tuna ka sawi te kha kan Minister zahawm tak ten min lo hriat sak a, bial chung chang a nilova, ram hmasawna thil anih avangin min lo chhinchhiah sak a, hma min lo lak sak turin kan Minister zahawm tak te ka ngen duh a, ka lawm e.

*Speech not corrected.

DEPUTY SPEAKER : Tunge sawi leh tur te, sawi tur in awm loh chuan Minister kha kan ko mai dawn nia. Pu Lalduhawma. Ani hi Group Leader a ni a, Minit sawmpanga hun a nei a ni.

Pu LALDUHAWMA (ZNP) : Pu Dy. Speaker, Demand No. 6 Revenue ah hian kan cheng deuh ang a. Nimin lamah khan Hortoki bula ONGC ina Drilling site an siamna hmuna Componsate lak tawh, tunge anih hriat loh Lalthakiman nuaih sawm palthum lai a lak thu kha, Tuirial MLA zahawm tak hnen atangin kan ngaithla a, ropui kan ti a, khatiang thil kha. Amaherawhchu, helaiah hian Lalthakima dang hi an lo tam em em mai a. Tuna kan sawi tur chu Drilling site nilovin, a approach road km. 25 vela hla Hortoki leh Meidum inkar a ni thung a. Hei hi Block 4-ah A, B, C, D ah then a ni a. Ram neitu engzat nge awm? Componsate engzat nge ngai dawn tih hre turin ONGC hian anmah niin Preliminary Survey hi an lo nei daih tawh a ni, a ruk deuhhlekin. Chumi hnuah chuan Revenue Surveyor D.C. Kolasib hnuai ami te nen block mal te te kha surveyed a ni ta a. ONGC surveyor te hian an zui ve zel a, an ti tlang a ni. An survey report chu a han lut ta a. Chu survey report hmasa ber, assessment hmasa berah chuan, ka hriat dan hi a dik chuan, LSC nei 34 an awm a, chung zingah chuan paruk chu a tih chhiat phak loha awm t e an nih avangin a hmu tur dik tak LSC holder chu 28 an ni. Periodical Patta leh V/C pass nei engemaw zat nen. Chung zawng chu Joint-a an survey-naa he laia ram neitute chu an ni a. Amaherawhchu, mi huamhauh thenkhatte avangin ram pakhat kha LSC4/5 ah an then a, te takte tein, tehsak nise a ram area-in a daih hauh loh tur te an ni. Tin, corruption pawh a lut lian hle a ni ang, thenkhat ti ti ka dawn danin, “Kan ram kan patta tir ve dawn a, a chanve a teh tuten an hauh zel si a, a phalin an ti a, a phal ve lovin kan ti ve duh lo a ni” an ti a ni. Tichuan, Hortoki khua mai ni lovin Kolasib khua leh a aia hlate pawh anrawn inrawlh ta a. Tin, LSC pek thuahte an awm thluah bawka. Tichuan LSC 28 kha 40 an a lo chho ta a. Tin, Xerox pass a tam ta em em mai a. Compensate dawng tur list chu 305 an lo tling ta a ni. Tin, a tir a, ONGC tena an survey hian ram neitu dik tak te an hre em em a, an record vek a, an ni list-ah chuan, an record danah chuan chhungkua 157 chiah hi a dawng tur dik tak an ni. Chutihlai chuan 305 ah an lo chho ta a. A rate an apply-a hi Govt. approve rate aia a san bawka si avangin heng thil pahnih avang hian ONGC te chuanin compensate pek hi an hreh ngawih ngawih ta a ni. Pu Speaker, hnamdang lakah Kristian State hi kan mualpho khawp a, a zahthlak khawpin ka hria. Hetiang hi chuan chanchintha hril te pawh a har duh awm hlein ka hria. Min hmu nep khawp ang. Khatiang a nih avang khan Govt. approved

Compensation rate 1991 based in a rate hi an rawn chhut tha leh ta a, a claimant te pawh hi tlem chuan an han tla thla a 277 ah an tla thla a, tunhnai te khan 3 an rawn drop leh a, 274 chu a la nita fan ni awm tak a ni. ONGC in an pe duh bawk si lova, chutih lai chuan compensate dawn an chak tawh si a. A ram neitu dik tak te khan association an din ta a, 'Real Land Owners Association' intiin, a neitu dik tak t en an dawn ngeina turin Minister thlengin an hmu ta a. Ni 23 September thla hmasa kha a ni. Bialtu MLA pawhin hriatthiam puiin thuneitute hnenah, "ONGC in an pawm ho hi an ti dik a ni, ram neilo tam tak an inzep a ni. ONGC hian ram neitu dik tak te hi an hre vek. Chuvangin assessment hi tih that leh ni rawh se", tiin lehkha a lo ziah sak a, a lawmawm khawp mai. Minister pawh an hmu a, Minister pawh hian an dilna body ah note lo siam sakin, "Helai hi a pawimawh si a. ONGC ho in an nawr tawh bawk si a, mahse an assessment hi adik lo nasa a, engtia kalpui tur nge ni ang," tiin Revenue Director hnenah a endorse sak a, a dik lo tih hi Minister zahawm tak pawhin a pawmpui a ni. Amaherawhchu, Revenue Director hian helai assessment velah keini inrawlh na chi a nilova, kan tel ve lo tiin a ni chuan hma a lak theih loh thu a lo hrih a, a dik pawh a dik a ni. Tichuan kan Minister zahawm tak leh bialtu MLA te inrawlh na a zarah Kolasib D.C. chuan re-assesst leh turin order a tichhuak ta a ni.

Chutia an tih takah chuan dawn loh hlau kha an in tel muk ta sauh a, heta a meizang hlap tu chu Congress hruaitute leh Congress V/C te an ni a ni. Hortoki hi Congress V/C sorkarna a ni a, MNF V/C member pakhat a awm ve a. Kolasib lam atangte in inrawlh awm lo pui pui te pawh an inrawlh ta a, tute nge an nih tih chu Pu Dy. Speaker, ka sawi kher lo mai ang e, an tan a mualpho thlak lutuk ang. Tichuan, V/C te hian Community Hall ah Joint meeting an ko a, V/C te leh a claimant ten Joint meeting an nei ta a ni. chutah chuan dawn ve duh si, ram nei si lo ho khan an tih thaih ta a, "An assesst nawn leh vaih chuan tuna nuai dawng tur hian sing in dawng ang, a tlahniam dawn a ni" tiin invauna nen an bei ta chiam mai a, chutah chuan Kawnpui Block – I, Congress Vice President phei chuan (a hming ka sawi lovang) "Kan MLA hi a lehkha ka withdraw tir leh dawn a, ka thei lo a nih chuan ban pawh ka huam," a ti a ni. Chuvang chu nge ni MLA zahawm tak pawhin lehkha dang a ziah sak leh ta mai a, ni 8.10.2009 ni khan SDO (Sadar) ASO-II charge la mek hnenah D.C. chu hetihlai hian a zin bo a ni. Chumi hnenah chuan "Hei a tam zawk duhdan a ni si a, assessment la nawn leh lo hian tih mai nise," tih lampang hawiin a lo ziah sak leh ta si a. Tichuan Addl. D.C. chuan assessment titha leh tura order lo siamtawh chu a withdraw leh ta a, a cancel leh ta a ni. Pilata khan "Kross ah khengbet rawh," ti a an au zam ang mai khan, Isua aiah kan hotuten Barnaba an thlang ta mai em ni le? Tichuan, tunah hian tihngaihna hre lovin an inhawrkhawm reng a, ONGC in an pe duh bawk si lo, assessment that leh awm bawk si lo, chumi lai karah chuan tunah khuan an awm a ni. Lalthakima tam tak an awm a, Lalthakima pakhat chauh he House ah hian sawitur a ni lo ang. Kan sawi a nih vek vek chuan engkim hi a nihna helai House ah hian kan puang tur a nih ka ring. "Second Tuirial a thlen leh a hlauhawm" an ti a. Pu Deputy Speaker, a thlen leh a hlauhawm a ni lo, a thleng mek, a thleng mek reng Serkhan – Bagha road ah pawh a thleng mek a, Tipaimukah pawh Tuiruang khuah a nih dawn avangin Vaitin te, New Vervek

area, Luakchhuah area, khinglai bawr velah te khian engemaw atang tawh khan mihausa tam takin ram an zawng leh tawh a. Sorkar hmasa atangin, “Tang rawh u, order chhuah rawh u, kan buai leh dawn” ka ti fo a, ka au ka au anih kha. Hetiang hian kan ramah thil kan tih dawn apiang hian a thleng zel mai hi a pawl ka ti em em mai a. Vawinah hian kan House Leader a awm lo hi pawl ka ti tak zet zet a. He thilah hian kan House Leader inrawlh turin ka ngen a ni. Parliamentary Secretary te an awm a, anmahni kaltlangin kan House Leader hi he thilah hian rawn inrawlh se thil a fel leh mai theih ka beisei a. Chuti anih loh chuan kan nungchang hi a zahthlak lutuk dawn. A diklo zawkten thil tih dik tum tute an au zam thei zel a nih a, ngamlo chho zel a nih dawn chuan engmah hi kan phoro ka ring lo.

A dawt lehah chuan Pu Dy. Speaker, Zampui tlangdung Tripura ah khuan Phuldungsei khua a awm a, Mizote chenna a ni. Khu khu kum 1912 atangin an awm a, tunah In 165 vel an la awm a. Kum 2003 February ah khan Tripura Serkhan chuan survey report a siam a, he khua leh a chhehvel km 20 vel hi Mizoram chhung ami a ni tih hi an pawm a ni. Amaherawhchu, Mizoramin Ta neih nachang kan hre lo, kum 2004 ah Revenue-a kan officer lian tak pakhat chu chhungte kanin helam hmunah hian a zuk kal ve a, min rawn chuh thuai thuai teh u, tih an lo hrilh a. Amaherawhchu, anni chu politician an ni ve lova, 2006 ah Tripura Group YMA conference he khuaah hian nghah a ni a. Chutah chuan Pu R. Khawpuithanga, MLA, Adviser to Chief Minister chu khuallian a zuk ni a, a hnenah pawh “Rawn che vat rawh u, Ration Card nen engkim min rawn pe ve ula, a hun lai tak hian”, tih an lo hrilh a. Mahse, engmah kan tih loh avangin 2007 ah Tripura ‘N’ District S.P. hovin Revenue Officer ten survey an rawn ti leh ta a. Thaidawr tlang kan tih thin, anni chuan Behliang chhip an ti a, chu chu Tripura rama tlangsang berah puangin chei an tum ta a. Mandir sak an tum ta a, chumi hmuna YMA ten Kross an lo phun pawh chu an tihchhiat sak ta a ni. October, 2008 ah phei kha chuan Mizoram sorkar hnuaiia check gate kan lo neih ve, kan ram china check gate kan lo neih ve chu Tripura sorkar thupekin kan police te nengin 3rd Bn. MAP, New Kawnpui amite ngeiin an thiat ta a ni. Mi State police thupek awrhin kan police ten kan check gate an thiat ringawt mai a ni. Tichuan, Tripura hote chuan check gate leh outpost kan ram chhungah an rawn dah ta a, vawinni thleng hian. He an check gate paltlang tur hian Rs. 100/- chawi a ngai a, sumdawng motor tan chuan Rs. 500-1000/- chawi a ngai a, zan dar 7 hnuah phei chuan kaltlang theih a ni lo a ni. Kumin February thla khan kan Home Minister zahawm tak Pu Zira leh Parliamentary Secretary Pu Rinawma te hi hemi hmunah hian an zuk kal niin ka hria a, an hnenah pawh hian thil awmzia leh an harsatna zawng zawng an thlen tawh niin thu ka dawng a ni.

Kan ram hi kan hlauh hret hret reng a, Cachar lama kan hlauh nasat tawh zia kan hai lova. Zampui tlangdungah kan hlauh leh mek a, Mizo khua ni thin tam tak a ram tawh a, a khuaa la awmte pawh an tlem tial tial a, an tiduhdah a, an ngaihsak lova.

9th March, 2006 ah khan he House ngei hian, “Mizoram leh a chheh vel State te nena ramri chingfel tur hian boundary commission din ni rawh se”, tih

kha kan pass a nih kha maw le, a rei t a hle mai, memorandum kan theh lut tawh em? Engtin nge kan bawhzui? Cachar nena kan inkar chu a harsa leh zual deuh a nih pawhin kan ram anga kan ngaih thin leh kan thenawmte pawhin an ngaih thin na na na kan ngaihthah avanga an lo neih chhoh tak te hi a awm zel lohna turin helai area-a mipuite au au hi chhang turin kan sorkar hian hma la nghal se, ka duh tak zet a ni.

Demand No.16 na Home ah Police promotion chungchang hi (Dy. Speaker.. Kan hun hi a laklawh deuh a, thusawite pawh a bengvar thlak bawk a, hun ka pek belh ang che, dar 4 thleng i sawi dawn nia) Police promotion hi a diklo nasa thin lutuk a, kan police te moral kan ti chhe zo tawh. Hei hi kan tih dik leh a ngaiin ka hria a, thil sawi nuamlo tak chu, hun kaltaah khan VIP te belbul deuh leh an PSO te chuan arsi hi an kai nawlh nawlh mai a ni, DPC kaltlang ngatin. Minister PSO arsi kai tawh court ah an khin avanga arsi tla leh engemaw zat ka hria. Hetiang mai maia ram hruaitute zawkin kan police force ho hi duhsak zawngte chawikan nana kan hmang a nih chuan in kidnap case emaw, engemaw pawh lo thleng se an chak ngai lovang, phurna force ah hian a awm loh reng reng chuan a chak theih ngai loh. Chuvangin political intervention lo awm tawh thin zawng zawng lakah hian fihlim turin kan Home Minister zahawm tak hian theihtawp chhuah sengin, theihtawpin kan pui ang tih hi ka sawi duh a. Dikna duh leh thil tha duh ni pawha ka ngaih a ni a. Chuvangin heng ang thil hi he hun tharah hian a thleng leh ang tih hi ka hlau a. A thlen leh chuan kan inmelh muk leh nasa mai dawn si a, a nuam dawn silova, thil a thlen hma hian i fimkhur tlang ang u, heng lakah hian tih hi ka'n sawi lawk duh a.

Tin, he House in resolution kan pass tawh House Guard chungchang kha kamkhat lek ka'n sawi ang a. Kan sorkarin Home Guard te dinhmun chawisanna turin measures eng eng emaw a la mek tih ka hria a, a lawmawm a. A hunah chu chu lo chhuak turah ngai ila. Point pakhat ka'n sawi duh chu tunhma khan skilled-II hlawh ang hi hlawh rawh se, tih a ni. skilled-II hlawh ang hlawh rawh se, tih a nih avang khan Home Guard te hi skilled-II an ni tihna a ni lo. Equivalent te skilled-II hlawh tihna chauh a ni a. Tunah sorkar hnathawk hlawh a lo pung a, MR hlawh pawh a lo pung a, kan Home Guard te kan enkawl thatna turah hian skilled-I ang dinhmunah hian step khatin kan kai tir thei ve lawm ni? Skilled-I an ni dawn ta e, tihna a ni lova, skilled-I equivalent tihna a nih chu. Kha kha confuse lo ila, chumi point tea chu rawn bawhzui atan ka'n sawinawn leh duh a.

Tin, bial in sawi deuh theuh a, Pu Deputy Speaker, Sairanga Police Station khu ka'n sawi ve zawk ang a. Khulaiah khuan accident a tam lutuk a, tui tla te, a chang chuan khaw ruk, khaw sarih te kan pungkhawm thin a ni. Aizawl lam mi an nih pheih chuan chulai vengte nen buhfaite hi quintal tam tak kan ei zo thin a ni. Khatiang hunah khan kan police te khu an tlem lutuk a ni. Tin, Picnic Spot tam tak a awm a, rui in hawsan tih ang reng, ruang chhar tih ang reng a tam a ni, khulai khu. Chuvangin hmun dang aiin Sairang Police Station hi man-

power ah min duhsak deuh hlek sela. A building leh quarter zawng zawng chhiat ziate khu, heng hi chu sawi ngailo ah ngai ta ila a thain ka hria.

Tin, Chhatisgarh-a kal thite kha an chhungte sorkar hna an theihna awm awmah dah nise, sorkarin a lo tih tawh zingah khan la nghak fan fan an awm a ni, tih hi ka han sawi duh baw a.

Tin, Demand No.38 naah hian ka'n kai lawk ang a. BADP awm lohna constituency hi tunhma kha chuan kan Minister ten kan duat deuh bik ang che u, min ti thin a ni. BADP ah chuan hall sakna, field laihna engkim kan dawn bak dawn an nei a. Khami area a awmlo te chu kan hul bik a, kan ro bik a ni. Chuvang chuan hemi ramri hrul nilo, constituency neitute hi kan lo tih thin dan ang deuh khan tun sorkar tharah hian min duhsak zui ve leh turin kan ngen baw a. Tin, RD hi Pu Speaker, hun min pekbelh teuh a, ka lawm khawp mai, ka bawhchhe lo ang e.

DEPUTY SPEAKER : Awle, hei kan hun atawp a, dar 4:00 a ni a, amaherawhchu, tun Demand hi wawiina zawh ngei a that a rinawm a. Wawiina kan business a ni a. dar 4:00 kan pel anga, hei hi kan zo hram mai dawn em ni? enge member te in ngaidan ? kan remtih chuan kan chawl lawk ang a, tichuan kan lut leh ang a. Pu K.S a te ho pawn an la sawi duh a, aw anih leh kan hun kan pawtsei anga. Tunah hian dar 4:00 a ni a, kan chawl ang a, dar 4:30 ah kan lut leh dawn nia.

4:30 P.M.

Pu H. ZOTHANGLIANA, PARLIAMENTARY SECRETARY. : Pu Speaker, ka lawm e, tawite chauh hun hman ka tum anga, Demand No. 16 na chhungah khan, thil pahnih khat han tarlan ve ka duh a, kan Home Minister zahawm tak mai Pu R.Lalzirliana hmalakna a zarah, a thahnemngaihna a zarah te, tun dinhmunah hian, sorkar tharah hian Police kut leh ke phuar beh tlat thin phelh a lo nita a, chumi a zarah chuan kan Police chhuanawm tak ten an tih tur dik tak te, fel tak leh tling taka an hlen chhuak zel hi thil lawmawm tak niin ka hria a, chutiang anga ram leh hnam mipui rawngbawl na a tha taka hna an thawh zel theihna tur chuan kan budget-ah hian, Demand-ah hian ruahmanna tha tak tak te pawh an rawn dah chhuak teuh mai a, hengte hi thian ten an rawn sawi nual tawh avangin ka sawi ve vek lovang a, a lawmawm tih kha ka'n sawi ve duh a.

Dan leh hrai pawisak a nih a, zah anih hian mipui nawlpui tan zalenna leh thlamuanna te a lo thleng thin a, hengte hi kan Home Minister hmalakna a ni thin em em a ni tih kan hre theuh awm e. Chuvangin, lawmawm ka tih thu hi kan sawi lawk duh a. chutih rual chuan, a lawmawm lam ah kan ngai anga, kan Police lam hotute zingah thenkhat chhuanawm tak tak an awm laiin mi thenkhat anihna tur ang lo deuha an mite an hruaia hnathawkte mimal tana lo chhawr thin, an huanah te, an lo

ah te, dik lo taka chhawr thin an awm a ni tih hriat a ni a. Chung ang te chu – kan sorkar tharah hian bansan a lo nita hi thil lawmawm tak a niin ka hria a, hmasawna ropui a ni kan ti lo thei lova, lawmawm ka ti a ni.

Tin, chutiang anga lawman tam tak kan neih lai chuan thil pakhat ka'n sawi duh a awm a. Kan Mizoram Police te zingah hian mipui nawlpui, nunaute pheh chuan Police kan han tih deuh bik taka hi, an ni chuan Un-Armed Branch an lo ti a lo ni awm a. Un-Armed Branch ah hian MRP kan han tih a khum sen ho te hi an ti deuh bik a ni awm e. An thiante, Armed Branch - a mite ai hian Un-Armed Branch amite hian Promotion hmuh na chance an nei tlem bik em em mai niin ka hria a. Hengte hi kan Home Minister chak tak hian siam rem dan, rualkhai zawk deuha han pawh rem dan te a hre zel turah te pawh a beisei awmin ka hria a, kan tarlang duh a ni. Entir nan, an Dan, an Manual kan ti dawn nge? An Rules ah hian thil famkim tawk lo a awm nual niin ka hria a, Un-Armed Branch a Constable kan han tih mai a kum 20, kum 30 dawn te pawh lo awm tawh promotion hmu thei reng reng lo te pawh an awm ni te pawhin ka hria a. Chutih lai chuan Armed Branch ah chuan promotion te pawh an hmu chak deuh niin ka hria a, an lawmpuiawm rualin lehlamah an unautetana kawng hawn zau deuh dan te pawh kha kan hotute hian an hre turah ngai ila, ka han beisei pui a, ka han tarlang duh bawk a ni. Chumi zul deuh chuan entirna han tarlan ka duh chu kum 2000 kum khan ASI Un-Armed Branch a mi te zinga mi engemaw zatin Departmental Promotion exam anbei a, tah chuan S.I. a kai engemawzat an awm a. Chutih rualin direct a lak chumi kumah chuan engemaw zat an awm bawk a. Tun dinhmunah rih hi chuan an inter-seniority list ah hian direct a recruit ho kha senior zawka dah vek anni phawt niawm tak a ni a. Chu chu thil dik ber a ni angem ka hre thiam chiah lova, engpawh nise, en that deuh ngai te pawh anih ka han ring ve deuh ngawt mai a. Chungte pawh chu kan hotu ten enfiah dan an hriat chuan thil lawmawm tak a ni ang tih te ka'n ring bawk a ni.

Tin, an dan lamah hian tih famkim ngai deuh, belh ngai deuh thenkhat dangte pawh a awm niin ka hria a. Entirnan Un-Armed Branch ah bawk hian ASI ho hi seniority ngau ngau a S.I. a an kai chhoh theih dan tur hi Provision engmah a awm lo ni awm takin ka hria a. Chutih rual chuan an thiante an thawhpui ASI Ministerial ho chu seniority ngau ngau a S.I. a an kai chhoh theih dan provision chu a awm lawi si niawm tak a ni. Chungte pawh chu inkhairual zawka tun sorkar thar hi chuanin kalpui dan a thiam ka beiseiin kan hotuten a ngaihtuah dan an hriat ka'n beisei a ni. Chubakah chuan Police lamah bawk hian (thil dang sawi tel vak pawh ka tum lova) Lunglei lamah DIG Southern Range te pawh min han dah saka a lawmawm hle a, mahse, tunhnai deuh atang khan D.I.G. Southern Range hi a hmun a ruak a, dah khah la nilo in ka hria a, hengte pawh hi dah khah theih thuai kan hotu te pawhin an tum ni a ka hriat rual rualin thil pawh a ni turah ka ngai a ka'n tarlang duh a. Hengte hi dahkhah anih thuai theih chuan an hnuai mi te ho tan pawh kawng tha a inhawng zau zel ang tih a beisei awm hlein ka hria.

Tin, Police lamah bawk hian sawi tur ka ngah ve deuh hlek a, Lawngtlai ah te, Kolasib, Mamit ah te hmun hrang hrangah Lunglei, Aizawl, Vairengte ah te S.P. leh an Commandant quarter tur te, Office tur te sak a ni dawn a, hetiang

ruahmanna kan nei te hi lawmawm ka ti em em a. A bik takin Lawngtlai ah phei chuan ruahmanna peihfel a ni a, Contractor tur te pawh thlan fel vek ni tawhin hna an tan mai thei dawn a, lawmawm ka ti khawp mai, chutih rualin ka hriatchian ve deuh ah, Lawngtlai S.P. hmunah hian Police te an tlem a under staffed tak meuh meuh an ni a, hun rei tawh tak atang khan an dinhmun a ni fova, kei ni tepawh a hminga NGO lamah te hruaitu chan kan chan ve lai pawhin vawi tam tak khatih hun laia kan hotute hnenah khan kan thlen a, kan ngen tawh thin nghe nghe a ni, min dah belh sak turin. Amaherawhchu, tunah hian tlem in kan zia awm tawh deuh nain duhthu an la sam lova, an la under staffed hle tho mai a, henge pawh hi min ngaihtuah sak theih dan kan hotuten an hriat theih ka'n beiseiin ka'n ngen tel nghal duh a. A Police ngau ngau, MRP ngau ngau hi an indaih lo deuh a nih pawhin I.R. chhuak thartam tak kan nei a, henge pawh hian hnawh khah dan te a awm thei angem? tih te ka sawi duh a. Lawngtlai District Jail hi hawn mai theih tur ang deuhthaw a buatsaih a ni tawh a, henge hi hawn thuai thuai ni thei selang chuan, Lawngtlai Police in harsatna tam tak an neih Saiha Jaila tlin leh tlin lova, thei leh thei lova in phurh hram hram ngai te hi tihbo a lo ni tawh ang a, hma kan sawn nasa thei hle ang tih te pawh a beisei awm ka ti a. Fire Service ah pawh chhawmdawl kan ngai nasa. Keini lo pawh hmundangah tam tak an awm tih ka hria a, chutiang ang atana kan Budget ah te, kan Demand for Grants ah te kan hotuten provision engemaw zat an lo dah te pawh kha ka'n sawi duh a ni e. Pu Speaker, ka lawm e.

S P E A K E R : Tunah sawi turin Dr. R. Lalthangliana, minute 15 hun i nei a, minute 14 ah bell ka hmet ang.

Dr. R. LALTHANGLIANA, (MNF) : Pu Speaker, ka lawm e. Demand 37-na Co-operation ah hian sawi tur tam lo te ka neih chu hei an Capital Account ah khan nikum khan nuai 117 a ni a, kumin hian 47.6 chauh mai kha a ni a, nuai 62.4 in a tlem a, a tlem dan hi enge ni a chhan leh vang tih te hi hriat a chakawmin ka hria a, kan tarlang lawk duh a. Hemi kan Demand 38-naah hian kan sawi duh chu hmalakna thar tam tak a la awm loh avangin kan sawi duh lawk chu sum hi nimin a kan ngaihthlak tawh angin kan hman dik a tulin ka hria a. Nia, vawiin lampangah North Chaltlang lampangah te, eng eng emaw thil ri va ngaihnawm mang loh thil te kan han hre lehzela. Chuvangin dik taka a nih dan tur anga hman a nih hian hna a thawk a, achievement awm tak tak tur anga hma lak nisela tih hi a pawimawh hlein ka hria a. Pu Speaker, Rural Development hi kan hriat angin Central Scheme tamna ber te pawh a ni hial awm e. Chuvangin hengah hian uluk taka thil tih a tul a ni tih hi kan tarlang duh a ni.

Tin, Pu Speaker, Police ah kan sawi duh chu, Fitment Committee report min rawn sem ah khan thil pakhat kan lo hmuh ve chu compensatory leave salary ni 30 chhung Police Constable atanga Inspector ten non-Gazette hoten anlak thin a kha kan fitment hian tih tawp zai hi a rel deuh niin ka hria a, hei hi lo lak reng thin tawh te a lo nih hi chuan in a fel a ngem aw! tih tawp hi tih kha kan sawi duh a,

adjustification eng eng emaw chu kan chhiar tho va, mahse, thil hmuh tawh sa han in chhuh leh han in tih sak loh hi engemaw re-actor te hi a awm thei a, kan Police te hi kawng leh lama an achievement hi a tha viau mai a. A hma khan an nei tih kha kan sawi deuh zel mai a, kan khuah khirh lo anih ka ring a, sorkar hmasa pawhin promotion ringawt an lo tam hman khawp mai a, kum 7 kum 8 chhung ringawt pawh khan 2192 promotion hmu tepawh an lo awm a nia.

Tin, hei ka chiang chiah lova, mahse a tak turah ka ngai a, kan DGP wawinah kan nei lai mek pheih hi chu vanneih thlak takin hemi National Police Academy Hyderabad ah hian Board ang Director member pakhat a ruat a ni tih tepawh kha an rawn la chat mai a. Pu Duha hi kan IPS Senior Officer thin kha a ni a, anih a har angem ? ka ti a, “har khawp ang” a ti a, chuvangin a lawmawm ka ti a, Mizoram Police lal ber hetiang a nihna sang an rawn pe hi a lawmawm hrim hrimin ka hria a. India rama Police Academy ah chuan hei hi a sang ber te pawh niin ka hria a. Nikum sorkar hmasa hun khan he nihna hi an pe niawm tak a ni. Tin, kan Police te hi a sanglam chu ka hre lova, a te nawi lampang Constable te, Inspector te ka hre lova, T.A. D.A. hi an la har em em mai a, PSO kan tih ang chi kan kawlfur a, han zawt ve mah ula, nikuma ka han zin puina ang chi tepawh kha tunah hian an la la thei lo a ni, enggemaw ni a chhan ni aw!! kan ti a, an Unit ah hian an thelut ve thlap mai a, mahse, kum khat T.A., D.A. la lo a an awm a hi kan Minister thar hianin ngaihtuahna thar deuh nei sak a that ka ring a, dik tak chuan an hah a nia, kan hrui dawr dawr a, PSO te ngat pheih chu. Tin, Police dangte pawh a ni ang. Chuvangin hei hi ngaithah loh a thain ka hria a, pawisa a awm si a nih chuan pek hma dan ngaihtuah a, thla khat chhung te chuan pek dan ngaihtuah a, sorkar Department dang a staff te kan pek ran ang hian tih hi kan sawi duh a ni.

Tin, Police Station hawn belh chungchang hi a pawimawh khawpin ka hria a, kan bial Buarpui bawr velah sawn Police an awm khat khawp mai a, sawlai tlang dungah sawn, tin, Haulawng te pawh hi dahna tur a hmun pawimawh turah kan ngai a. Tin, Aizawl atanga hla lo Selingah te khian a strategy ti mai ila a pawimawh, hengah te pawh hian kan la neilo niin ka hria a, Sakawr daih hian SDPO tak tak awm lo in phuahchawp deuhin kan la awm niin ka hria, hei pawh hi post pangngai tak siam a dah khah a tha awm mang e. Kan Police Force ho hi sorkar hmasa chhung khan Batallion 4 lak hman a ni a, Batallion khat ah hian 1000 bawr vel awm angah ngai ta ila, battalion 4 kha sorkar hmasa khan a la hman a ni a, a tam khawp mai a, chutih lai chuan kan MRP lam hi an pung ve hlei thei hauh lo mai a, sorkar hmasa khan 125 bawr vel kha post thar chu a siam niin ka hria a, a in balance lo a ni. Police Station pawh han ti dawn ta ila, Thana ah te leh hmun dang dang Police Station ah tunah hian kan Armed Force te kan duty tira, kan attach a hei hi a fello deuhin ka hria a, in balance a engemaw kal pui dan kawng hi ngaihtuah deuh ni sela tih hi kan sawi duh a. Armed a hi a pawimawh lo e tih na ni lovin MRP pawimawhna hi a tam tulh tulh, tunah pheih chuan crime a tam tawh si a, Aizawl khawpui chauh ni lo hmun hrang hrangah. Chuvangin, helam pang ah hian kan Home Minister hian hma a la thei lawm ni tiin kan chah duh a ni.

Tin, ka lo hriat dan chuan Chhatisgarh atangin hei kan in withdraw fel tawh a. Chutih lai chuan kan battalion khat te North Eastern a a buaina deuh ber Assam a dah tura ruahmanna a kal em tih ka hre lova, tiang thawm riva te kan lo hria a, tak tak a ni em ? ka hre lova, tang ve deuh tawh ila, tun tum chu kan duh deuh a, hmun hrehawm ril tak Chhatisgarhah kan battalion te kan dah a. Tun tumah hi chuanin Delhi khawpui ah te hian kan battalion te hi an mamawh ve tho awm si a, dah ve dan ngaihtuah ila, khulamah in sorkar bawk a, thil in ti thei viau turah ka ngai a. Tun tum chu pawnlam ah chhuah a ngai hrim hrim chuan Assam hi pel deuh sela, India ram a kan capital angah te khuanin kan battalion te hi chhuah thla ve ta ila. Tin, khawpui ah chuan experience tha an neih pawh a that ka ring a. Tiang chuan awmze nei takin hei hi hmalakna atana kalpui tulin ka hria a, kan tarlang duh a ni.

Fire Service chungchangah hianin hei sorkar hmasa hianin an tilian a, director fire post te kha an siam ta a. Ka hriatsual loh chuanin DIG Rank a dah a ni a. A ropui hlein ka hria a. Tin, kuminah hian pawisa pawh tlemin an nei ve deuh niin ka hria a, crore 2 bawr vel an nei thar dawn a, hengah hianin enge kan Minister-in hmalak a tum, ka hre lova, Mamit ah te, Aizawl 'N' leh 'S' ah te Fire Station din tura thawm neiin kan lo hria a, a lawmawm a, chumi rual chuan Lunglei District lamah pawh hian tlemin hemi Fire laka kan operation hi min enfiah sak thei sela ka duh khawp mai, (pawisa kan neih chuan). Tin, Station ni chiah lo, a mobile fire Station ang deuh a, tih te pawh hi a tul hle tawh a, tih tumna pawh sorkar hian nei ve dawn sela a that ka ring a. Hengte hi kan sawi duh a ni a.

Tin, kan Police te, kan transfer dan lutuk hi kan sorkar hian enfiah se Pu Speaker, a thain ka hria a, an posting term engemaw hi a awm ve a. Khami pawisa lo lutuka kan tih vak hian vote hmuhna lam pawh a ni lo, sorkar hmasa pawhin kan lo tih palh a awm anih pawhin ka support vak lo, tun sorkar pawhin tun hnaia in tih dan lutuk deuh hi chu in pawt phar lutuk a, peace mind rilru ngeth pu lova, transfer phar kual lutuk hian rin aiin hna in a tuar a ni. Chuvang chuan hei hi pawh ka ti khawp mai, chuvang chuan inchhawr thiam hi a tha mai, fel tak tak kan Police Officer te hi an ni, a bikin an term pawh hman zo lo em em a kan pawt phar deuh hi chu, a fel lo deuhin ka hria a. Kan Home Minister te pawh hi advice tu tepawh hianin an advice fuh lo deuh awm em aw? tihna pawh ka nei a. Chuvangin engemaw thulai kan lak thiam a, a bik takin force transfer chungchangah hi chuan fimkhur a ngaiin ka hria a, chu chu ka'n tarlang duh a ni, Police manual kha 2005, 2006 bawr vel khan nei thei miah lo kha sorkar hmasa khanin an tifel rup mai a, kum tam tak kan tihfel a theih loh kha, hei hi a inplement na kawngah hian fimkhur takin tha takin kal zel sela, duhsakna kan sawi duh a. Tin, hei engmah hman lova, insawi hi a fel lova, Police Modernization-ah te pawh hian hei Barracks Quarter Office building 500 chuang kha sorkar hmasa khan an lo la hman alawm le, hei ka hre chhuak ve chauh a, tukin zinga motor an lei pawh hi a hmasa ho khan 400 zet kha an lo lei hman hrim hrim a, silai chi hrang hrang 2400 chuang an lo lei hman a, a mu tam tak nen tih te, rin ai khanin hei thil an lo ti tha a ni.

Tin, an hnathawh pawh hi a tha a, ka rinna em em chu, case investigation chungchangah hian Pu Speaker, 2005 All India record kha 50.7% anih lain Mizoram record chu a sang ve larh a ni. 85.73% lai mai kha thubuai crime bikah hian kan record kha kan Police ten an lo siam reng mai a, a lawmawm khawp maiin ka hria a. Lunglei DIG Range kan tih, kha kan ngaihthlak takah khan, a mihring lam pawnlamah an transfer chhuak bawh a, kha kha dah let leh dan amah chu a theih tawh lovanga, sawlai hmun ruak kha dah khah dan ngaihtuah ila tih kha kan sawi duh a ni.

Hei Revenue-ah hian Pu Speaker, sawi tur tlem ka nei ve a, pakhatnaah chuanin kan District tena Revenue pass LSC te leh thil vel an process chhung vel a rei em em thin a, a chhan ho te a awm, timaia han sawi a han tih mai chuan sorkarin tih theih awmin ka hria, chu chu advice ang deuh pawhin ka sawi duh a ni. Minister-in min lo note sak sela, Technical Officer District ah an nei miah lova, chuang chuan hetah annin direct trade ah an rawn thawn ta a, hna tam tak kenah, chuang chuan District a kan neih head Surveyor te hi Technical Officer-ah khanin upgrade chho mai sela, tichuan harsatna lian kan tawkin ka ring lova.

Lunglei te leh Champhai te hmundang atanga an lo kal thla, a lehkha han thawn vel chhung kha a buai thlak lutuk a, sum tam tak sen na leh hun a hek duh em em a ni tih hi ka sawi duh a, hei hi a awlsam dan niin ka hria a.

Tin, Cadastral Survey ka hun lai khan kan bei a, rei ka la hman lova kum khat emaw lek kan la ve a, an Staff neih tam loh ang ai erawh chuan an thawk nasain ka hria. 300 emaw che che kan neih lai khan anihna takah chuan 600/700 vel bawh kan mamawh a ni. Kum 4/5 chhunga Mizoram pumpui awmze neia han chhui chhuak tur chuanin kan mamawh a, chutih lai chuan hei hi enfel ran a thain ka hria a. Revenue-ah hian a pawimawh lai ber pakhat a ni.

Tin, Sorkar hmasa hunlaia kan rilru kan lo sen ve em em, hei atak ram ala chang lova, a Department Re-Structuring a kha, Pu Speaker, kan Minister zahawm tak hianin engnge ni thlenpui a tum chin? An thlen chin engnge ni tih min hriattir thei sela ka duh a.

Tin, kan rambuui Compensation tawpin tai nei thei tlat lo mai, rambuui compensation tih ai mahin Land Rent (Sipai ram luah) he mi chungchang hi a tawp hlei thei lo, a hahthlak khawp mai. Diklo thil tam tak a awm a tih dik leh thin a ngai a, thui tak kha sorkar hmasa khan a kalpui a, a tifel vek hman lova, Home Ministry lam te pawh kha keimah ngeiin ka zuk dawh a, min welcome viau a, kha kha bawhzui ran nise tih kha kan duh a ni.

Tin, hei C.S.S. atang hianin Revenue hianin nasa takin Computerisation, land records atan te standard of Revenue administration and up dialing Land Record atan Sorkar hmasa chhung khan kan lo hmu tam viau mai a. Pu Speaker, nuai 2700 zet kan lo hmu hman a. Revenue Directorate hnuai lampang te khu zuk tlawh ve ta ula, tunhnai a bun nilo kha a awm a ni, hna pawh a thawk chak tawh khawp

mai, han en ve reng reng ula ka duh khawp mai. Amaherawhchu, hemi rual hian eng eng emaw Ministry of Rural Development Department of Land Resources atangte pawh hian eng enge maw lehkha, thil zuk thlen a DPR te siam a, hmuh leh tur ang chi, engemaw zat pawh kan nei a, hengah hian hma lak chak a pawimawhin ka hria a ni, ka lawm e.

SPEAKER : A lawmawm e, hetia hun dik tak in vawn khan a lawmawm a, kan zavaia tan House zahawmna a ni a. Awle tunah tunge sawi dawn le? Aw Pu K.S. Thanga i lo sawm ang aw.

Pu K.S. THANGA, PARLIAMENTARY SECRETARY. : Pu Speaker, ka lawm e. Minute 10 chhung a tawp tur khan sawi tur a tam si a, nimir lamah te Department thenkhat ka cover hman lova , a pawh hle a. Vawiin ah hian kan sawi deuh zung zung mai ang a, a hmasa berin Demand No.6-na hi tawi te kan sawi duh chu tunah hian NLUP Cadastral survey ah hian 100 lakhs a lo awm vung mai hian NLUP hi a tak tak in a kal dawn a ni tih, vawiin ah hian Mizoram mipuite hriat turin alo lang chho mek hi ropui ka ti a, hei hi chu ka sawi zau thui lo ang a.

Kan ram dinhmun en hian kan Land Holding System hi an that a ngai ve hle in ka hria a, hei thingtlangah te kan han zin ve a, hmun hrang hrang ah, hei hi ka ram, ka pu ram, ka pa ram etc, tih a ni a, enkawl siloh , khatia ramhnuai ta neih ang hi a tam em em mai a. Heng ang chi hi, tun sawrkar chak tak hian, hetiang hawi zawng te pawh hian kalphung fel deuh siam that a tha lawm ni aw tih te ka ngaihtuah a, churang chuan helai hi kan sawi duh a.

Kan hma a member zahawm takin Compensation chung chang a sawi kha, tlem han sawi ve leh ka duh chu L.S.C. lem tam lutuk hi kan Revenue Department hian chhui chhuah theih a pawimawh hle in ka hria a, chu chu ka ngaihtuahna ah hian a awm ve deuh a. Hei Tuirial Hydrel Project cheng Vaibelchhe tam tak kan sen ral tawhna kumin hi kal tluang pangngai chu nisela, zawha Mega Watt 60 emaw pe chhuak tawh mai tur kha, tun ah hian harsatna kan tawka, a tirah khan LSC kha Congress hun tawp ah khan 48 chiah a awm a ni. Mahse Sorkar a in thlak a, Pass siam leh LSC vel ah khan thahnem an ngai . Tin, kan ram hotu ber te khalam ah khan an lo tui tlang a. Khami pass a kha Compensation la thei kha 1008 kha sawrkar thar ah khan a rawn pung ta hluai mai a. Churang chuan vawiin thleng hian Tuikhuah kan khuap thei lova, tute unau emaw ni chu an lian hle a ni tih Mizoram mipuiin kan hria a. Vawiin ah Tuirial Hydrel Project khuah theih loh phah zel ala ni a, hengte pawh hi huai deuh maiin kan Minister hian heng thil diklo lutuk thuneihna leh mahni pawh dinhmun tha a an din laia hman diklo lutuk te hi chu dim lovin rawn enfiah deuh sela, a hrem

ngai ngai hi chu dim lovin han hrem sela a tha mange, tih kha kan sawi ve duh baw k a ni.

Tin, Co-Operation hi tlem han sawi ve ka duh chu Co-operation movement hi Mizoramah hian kan la kalpui tak tak lova kan Minister hian tunah hian hma a rawn la dawn a, grand-in-aid ah hian nuai 300 laite a rawn dah a. Tin, investment ah pawh nuai 47 tin, a pui turte pawh works programme ah hian a rawn lang teuh mai a. Heta tang hian awmze neiin mizo mipuitena Co-operation an chhawr theihna turin hma a rawn la dawnin ka hria a, lawmawm ka ti a, beiseina sang tak nen kan lo thlir dawn a ni.

Tin, Demand no.27 na District council Affairs hi a ropui hle mai a, nichinah kan member zahawm tak Pu Nirupama pawhin a rawn sawi a. Tun kum hlui kalta ai khan nuai 4575.92 lain District Council-te Budget hi a pung a, khatiang anih kha chuan “chaw puar takin ei rawh” ti a engmah pek loh ang kha a ni tawhlo ang a, puar taka ei tur annih ang khan thuam that anni a. District Council pathum te hian nasa takin hma an sawn ang tih ka ring a, ka lawmpui a heta tana kan Minister-ina a hmalakna hi ropui ka ti a, kan sawichhuak duh a.

Tin, Demand no.38-na Rural Development hi hei hmalakna hrang hrang a tam hle a. Tuna kan ngaih pawimawh bikah chuan supply and material ah hian Rural Housing ah hian Sorkar hmasa engemaw chhunga awm tawh lo, thingtlang mirethei mahni inchung rangva te khuh zolo a kha tunah chuan miretheite sorkar alo ding ta ani tih kha alanga nuai 400 ngawt mai tah hian arawn lang leh ta hi hetah hian mirethei te lamtang sorkar a nihzia a tichiang hle in ka hria a. Minister hnenah lawmthu ka sawi duh a. Tin, chubakah chuan grand-in-aid ah te nuai 5146 ngawt mai a awm a, hengah hian backward district te phei chuan nuai 2498 lai an nei a, hetah pawh hian Pu Speaker, kan Ministerin min lo chhinchhiah sak lawk se ka duh chu ka bial saw sawi loh theih hi a ni thin lova, backward region ah a awm ve baw k si lova, border area development fund a awm ve baw k si lova, a leh lamah District Council fund a awmve baw k si lova, tisawn land lock ang deuhin khaw 26 ah mihring singthum dawn mai saw an awm a hetiang ang a R.D. atanga pawisa lo kal ang te hi min duhsak ve theilo a ni. Chuvang chuan khawngaihtakin sawlaia khaw 26 mihring singthum dawn awmte saw land lock ang deuh in tanpuitu mamawhin an awm ve a ni.

Tin, tunah hian World Bank kawngin hma a rawn lak a, kaltlang tur a nih avangin hmasawn pawh sawi an tam ve a, an in buaisaih a, sorkar..... Demand no. 16-na Home –ah hian sawi tur a tam hle a. A hmasa a ka sawi duh chu wages ah hian Rs. 76464 a awm a. A bikin kan Member zahawm tak Pu Lalduhawma Aizawl W-I bialtu in a Home Guard chungchang resolution meuh siama a rawn tite kha, Salary-ah hian a lo lang a lawmawm ka ti a, ka sawi chhuak ve kher duh a.

Tin, a dang leha chuan hei vawiin ah hian kan Home Minister hi chawimawi a phuin ka hria a. Kan ram Sorkarna a lo inthlak atanga ram hmel

danglama hi mizo mipuite hian a zar kan zo mek a ni tih hi kan sawi ve duh hrim hrim a. Dan leh thupekin awmzia a nei tawh a, a nuar huai huai, a pawng pawrh pawrh, mi vau ching, tha rum nei ngah ngah te kha tun hma chuan an lal a, mi vau huai huai leh khatiang chi-a, khatiang chi khan lalna an chan thin kum 10 chung kha Mizo mipuiten an lo ning ta a. Tunah hian kan Home Minister hian kalphung rawn thlakin dan roelna hnuaiyah kan ram sorkar a rawn hruai ta a. Tunah chuan mite nun a zalen ta. Tunah hian kan khawpui nun te, kan Zoram nun te, tute emaw pawngpawrh avanga, huaikawm bawl avanga mipuite harsatna siam tumte pawh tunah hian an tim mek a, hetah hian kan Home Minister hi chawimawina pek a phu a, kan sawi chhuak duh a. Tin, Police Officer ina, Police ral do tur nisi, in saa chhawr thin zawng zawngte kha huaisen tak a a rawn titawpte hi Mizo mipuite hian heng hi chawimawi tlak a ni tih kan hriat ka duh a. Chutiangchuan Police lo la kawlte thleng pawh khan huaisen takin a chhuhsak a. Vawiin ah hian Police ten an tih tur dan leh thupek kengkawhtuten an tih tur an ti tan a, an hna an thawk tan a, vawiinah hian Mizo mipuite kan thlamuang a, tin, kan Police te hi Mizo mipuiten rinna thar an nei leh tih hi ka sawi duh a ni.

Tin, Fire and Emergency Service hi tunah hian nuai 250 lai mai khawvel piantirh atanga a hranpaa hetiang a Head hrana la awm ngai lo a kha an han nei chho hi ka lawmpui hle a, a mawhphurtu kan Home Minister hetiang anga hma latu hi a lawmawm ka ti a. Hei hi Mizoram tan hmasawwna a tling a ni. Amaherawhchu tuna an dinhmun hi la duh tawk mai loin mi rama Fire Service an hman tangkai anga hman tangkai tlak turin tun ai hian la thuam belh sauh sauh sela, he hma a lakna bultanna hian a aia tha zawk, kan ram tan hian rah tha zawk a thlen ang tih ka ring a, chung chu ka sawi duh a ni. Ka lawm e.

SPEAKER : Le, sawm leh pariatin kan sawi a, a lawm awm e. Tunah chuanin kan sawihona kan lo duh tawk tawh ang a Pu R. Lalzirliana, Minister zahawm takin sawihonate kha rawn wind up selangin. Tin, wind up zawh ah pass rawn dil nghal sela, a tha ang.

Pu R.LALZIRLIANA, MINISTER : Pu Speaker, ka lawm e. Hei thu hma ka nei duh a, India ram State pathum inthlan kha vawiin hian vote an chhiar a, tah chuan Congress Party in Sorkarna a la vek dawn, Maharashtra te, Haryana te, Arunachal te hi sorkarna a la vek dawnin ka hria a., a lawmawm khawpin kan hria a. Central sorkarin hna an thawk thei a, State dangte pawh, a thli beng loh zawnga kal phet tum loin ti hian an rawn ti chho leh dial dial a, a lawmawm khawpin ka hria.

Tin, nichina Hortoki-Meidum road khami compensation tam lutuk tur leh Serkhan bagha road hemi hi dik lo taka LSC siam niin he House ah hian hriattir a ni a. A hma pawhin kan lo chhui tawh a, hmanna ka sawi tawh ang khan

officers thenkhatte phei chu an hna atanga chawlhthir an ni nghe nghe a. Tunah pawh hian chutiang angin, Tuirial-II, kan thleng dawn a lawm Serlui B-II ang chiah kha a ni han tih pawh kha a dik thei tho ang a, amaherawhchu a la ang lo deuh a. Pawisa kha la pek loh a la ni a. Chuvangin enquiry kan ti dawn a, kan House Leader awmlo mahse langin, he laiah kan han inrawn a, kan Leader hi kan chhuan em em rualin a duh zawng tak a ni tih kan hriat avangin House Leader anga tuna ka lo thut ve lai hian enquiry kan ti dawn a ni tih kha kan sawi duh a.

Tin, a department lam pawhin anmahni department huangchhungah chuan enquiry te pawh an lo din ve (an lo ti ve) a, an lo enquired tir a. Chumi tichak zual tur chuan a chhuitu tur kan ruat dawn a ni tih kha helai House—ah hian kan puang nisela a tha ang e.

Hei, Pu Speaker, Pilot-te i lo nei lo tih kan hria a, pawh kan ti khawp mai a, mi hian an fiamthu mai mai emaw ka lo ti pek a, (Speaker: Min lo ngai thiam la maw, Pilot neih loh tih kha sawifiah deuhhlekk a ngai) kan sawifiah lawk zawng ang chu. Khawvel dang pawhina an tih ngai loh State dang pawhin an tih ngai loh Speaker hi Chief Minister dawttu a ni a. He House-ah phei chuan a lal ber a ni a. Chumi chu order of precedence ah khanin 12-naah kan lo dah mauh mai a. Ka thiam loh a ni hei hi chu, ka hre lo naa, mahse ka mawhphurh vek a ni a. Chuvangin Chief Minister dawt chiahah hian tunah hian kan dah a, kan Speaker zahawm tak hi. Chu chu a hmaah khan kan dah loh vang a ni a. Khalai kha ngaihdam kan han dil a. Chuvangin tunah chuanin Chief Minister dawttu chiah a nih avangin engkimah sawrkar, thutna han rem chungchangah te, sawmna leh khatiang ang zawng zawngah khan sawrkar functioning ten kan hriat a pawimawh awm e Kha kha kan sawi leh hmasa duh a ni.

Hei ka department chan, ka Demand hi mi 17-in min sawi sak niin ka hria a, a tlangpuiin R.D. leh Home phei chu sawi vek tluk a niin ka hria a, a lawmawm ka ti khawp mai a. Kan department te min sawi sak ve mang lo ang tih kha ka lo hlau rilru deuh a. Amaherawh chu Prison tihte leh Fire tihte vel chu an han sawi nual hlawm a. Tin, District Council lamah kan cheng vak lo va, a dangah hi chuanin kan cheng tha hle a. Member-te in zavaiin lawmthu kan hrilh che u a. Helaiia kan thusawi te hi a mi mal malin han repeat dawn ila, in sawi hi a tha tlangpui vek a, a mimal ang chuanin nidangah khan Pu Speaker, i vei lam a ka thut khan a ning thin pawl kha ka ni a, a rei lutuk loh nan mimal ang chuan kan ti thei lo a nih pawhin mi lo ngaihthiam ula, hei a pawimawh chu kan chhinchhiah vek a ni tih kha kan hotuten min lo hriatsak ulangin kan duh a.

Thilmak ve deuh nia ka hriat chu Palak Bialtu Pu P.P. Thawla khanin hemi DADP tih te, hna chhe lutuk en tlak pawh nilo deuh thaw hial khan a rawn sawi a, a nih pawh a niin ka ring a. Amaherawhchu, mak ka tih chu helama thawkin a thatzia, Mizoram chhim lam a mi nilo, khawchhak lama mitten, a tangkai zia leh a that zia BADP hi a hna pawh a tha a ni tih an sawi laiin a lehlamah saw lam a mi hi enga tinge a chhiat bik tlat. Hei hi zawhna lian tak awm thei in ka

hria a. Helama mite hi khawchhakah pawh an thawk a, khawthlangah pawh an thawk a, chhima an va kal avang khan helama mitten engatinge an tih chhiat, nge sawlaia lo awmte khanin kan lo zir lo zawk aw tih kha ka ngaihtuahnaah min ngaihtuhtir miao a ni.

Tin, kan sorkar hnathawkte pawh BDO-te a hmun kilkhawr deuha han awmte hi a hrehawm rual rual in thenkhat phe chu heng BADP te BRGF te leh Rural Housing, eng eng emaw hemi thil dang danga tihte hi lo lei sak phet tum hi an awm thin a. Hei hi thil tih loh tawp tur a ni a. Kan BDO-te pawhin heng hi chu ching tawh lo sela kan duh khawp mai. A supervise tu tur an tihthat leh chhiat, huaisen taka lo sawiseltu tura khanin Contract an thawh tlat chuan khalai kha thil diklo tak a ni a. Hei hi chu tih reh kan duh a ni tih kha kan sawi hmasa duh a.

Tin, chunglo chu a mimal mal ang khanin kan tih dawn chuan ka ziaik vek mai a, mahse a rei deuh chuan ka ring a, kan lo chhinchhiah vek bawka a helaiah hianin a tawka mai turah kan ngai deuh a, khalaiah kha chuanin.

Tichuanin kan sawi leh hmasak duh chu Border fencing tihte hnathawh tak tak ah hi chuanin Home Department hi kan thu lo khawp mai a, D.C., Revenue leh BSF te hi a titu ber an ni a, a executive agency kan nih ve loh avangin tuna buaina tam tak awm hi a hriat chu kan hria a ni. Amaherawhchu, thil tih har tak mai a ni a, Yard 150 chhung lama mite pawn lama mite aia tam daih 1 KM dawn dawn te kan ram hi hralh angin Central sorkarina Border Fencing a rawn tihah hianin a awm ta hi pawka kan ti khawp mai a. Hemi sutkian tum hianin nasa takin kan department lama hotute pawh a ni ve tho a ni tih erawh chu kan sawi duh a ni.

Tichuan, a tam ve ang reng a, tih ngai loh han tih tan dawn hi chuan ka bo deuh rum mai a. Member-te khan min hriatthiam theih chuan, helaia a tlangpuia han wind-up na han tih kha sawi ila, chu pawh chu a rei ve viau mai thei. Mahse, a rei hi peih loh deuh thin ka nih avangin rei loh kan tum dawn a ni.

Police Department hi kan hotuten inngai pawimawh a, Home Department hi in han sawi vek a, a lawmawm hlein kan hria a. Chungah chuanin Law & Order ah hian han sawi ta ilangin. Hei hi kum 2008 October thla lai vel ah tawh khanin chiahpum hi Mizoramah kan Police ten hriat in thuneitute dan leh thupek kenkawh kha hriatin a lo awmchho a ni a. Helai hi pawisa involve a tam viauin hriat a ni a. Cheng Vaibelchhe 182, 183 dawn lai hi an involve awm mange aw tih a ni a. Heng hi Police te beng a lo thlen takah chuan Police ten ngawrh takin an lo chhui a, Chutah chuan, cheng Vaibelchhe sawmhnih panga nuaih sawmli panga singnga sangnga zathum sawmli leh pakhat hi tunah hi chuanin recovered leh tawh a ni a. Heng hi han titawp mai turin kan Police Officer fel tak tak te hna chhui hian in hun a la hnem lutuk a. A lehlamah chuanin dan lova thilti tute hian min tibuai a ni ber mai a, tihtawp mai theih chu nise tihtawp mai te hi kan

duh khawp mai a. Tiang anga diklo taka sum peipung tute hi chhui in an ti char char a kan Police ten mi 17, a ti nasa deuh deuh kha aniang chu case siamsak an ni a. Tichuan charge sheet engemaw zat an awm tawh nghe nghe a ni tih hi kan sawi duh a.

Tin, Law & Order maintain reng kan duh a. Chungah chuan National Highway a awm ten engemaw lungawi lohna han neih in national highway te dan kan han tum deuh zel bawk a. Sorkar koh eih nan kan tih chuan a awm viau a. Amaherawhchu, heng hi tih zen zen ngai loh a ni a. Tih thiango tluk a ni a. Chuvangin heng hi tilo turin a titute pawh hi kan ngen zel a. Kolasib hian ni 3-7-2009 khan Doctor transfer chungchangah dah let leh beisei in National Highway an dang a. Vanduai thlak takin nileng in an dang thei a, khami ni khan, thatakin an mahni tiam dar 6 atanga dar 7 zan thleng lovin dar 5 ah an call off thei ta a ni a. Kan lawm khawp a. An chungah hian khatiang ang a a hun thleng lova an han ti thei kha. Tin, chumi hnu ah ni 21-9-2009 ah khan Vairengte ah kan sawi leh kan sawi hnu khang pawh kha in rawn react ve a tul in ka hria a. Vairengte ah Co- ordination Committee ten total bandh an huai hawt a, chutah chuan National Highway kha dan an ni leh dawn a. Heng hi kan Police ten theihtawp chhuahin Aizawl atangte, khawi atang pawhin an monitor reng a. Khulai a kal ten mipuite ti rethei zawng a thil tih a thatloh zia an hria a. Vairengte khua mitam zawk pawhin khami ni khan an chhuak a. Chutiang ang chu a ni a, kawng hi dan tak tak teh chiam awm lovin kan titlang thei a, muanawm takin kan titlang thei a. Hei hi kan sawi nawn leh duh chu kan sorkar hmasa khan thil an lo tihsual palh ve lai a awm in ka hria a. Kum 2003 a in sak kha sak nawn leh phet tum lovin UT hunlai vela a chhia ho zawng a kha Pu Speaker han sa hma ta zel se chuan Vairengte mipui pawhin tawrhna an nei lo ang a, Sorkar pawh tullo ah nasa takin kan in sengso chuang bawk lo ang a.

A kaikuanga tak chu Sorkar hmasa in thil an lo tih dik loh palh a kha a ni a. Tun hnuah chuanin khatiang ang kha chu a awm tawh lo tur ah kan beisei a ni. He thu ah hian Vairengte mipui te kan dem mai lo tawp a. Khatiang anga chhuhsak leh laksak anga an than tak ah chuan theih tawp a la kir leh tur leh Police an rinna hrim hrim a pawh kha lawmawm kan ti a. Police an duhsakna a pawh kha a lawmawm a ni. Amaherawhchu, thenkhat ten hliam tuar hial in, thisen chhuak hial in an lo tawrh phah erawh chu a pawh kan ti tak zet zet a ni. Tun hnuah chuan tiang hi a awm tawh lo tur ah kan beisei a.

Tin, khawpui Traffic nimin lamah pawh kan ngaithla tawh a, a tawt em em a, kan kal hleithei tawh lo a ni a, a hrehawm hle a, hengte hi kan SP Traffic te leh Transport lama a thawktu ten ngaihtuahna fel tak an lo nei a. Taxi hi in tlan chhawk rawh se, an tam tham a, hemi an in tlan chhawk hi chuan kan ziaawm deuh ang e, an ti a. Tiang chuan ni 14 leh 17 inkar ah khan Taxi in tlan chhawk duh lo pawl ten eng eng emaw han nawrhna, agitation ang reng deuh an siam a. Chumi lai chuan he buai den chhen hian Congress Bhavan te bomb a ni a, a pawh kan ti khawp mai a. He nawrhna hi awmlo sela chuan khilaiash khanin bomb-te kha puak lo tawp tur ni ah kan ngai a ni. Heng pawh hi sorkar

khauh taka a kal avangin mipui tana a tha tur nia kan hriat ah chuan theihtawp kan han chhuah a. Kan Police ten thil tha tak in an ti chhuak chho thei a, muanawm takin vawiin niah pawh khawlai kawng pawh ziaawm takin kan awm tawh hi. A changtu Minister chungah hian lawmthu kan sawi a. Tin, mipui min support tu zawng zawng hnenah hian lawmthu kan sawi bawk a ni.

Tin, SSU-in ni 8th September ah khanin Vice- Chancellor , Mizoram atangin MZU Vice- Chancellor chu Mizoram atanga chhuak turin ultimatum an pe a. Hei pawh hi muanawm tak a chinfel a ni leh thei hi a lawmawm kan ti a. Tin, September thla laihawl lai vel khan nita in ka hria a. HPCD inti ten HPC area chhungah hianin chhungtin hnenah Rs 100/- leh sorkar hnathawk awmte hnenah Rs 200/- an khawn a. Hei hi tha kan ti lova. Manipur ah chuanin suspend of operation an nei a. Chuta an neih ah pawh chuan heng extortion tih te, mi phallo chung lak luihte leh khatiang kha a thiango hrim hrim a. Central, hemi nena kan in biak rem naah pawh kan rama an rawn tih hi tha kan ti lova. Chuvangin kan Police hotuten an tih tur chu ti nghal tur in Sawrkarin a ti a, chutiang chuan Patrolling ten ngun taka tih a ni a. An area ah chuanin khatiang kha a awm leh tawh loh na turin theihtawp an chhuah mek a ni tih kha kan sawi duh a. Chuvang chuan Zoram in remna kan neih hi a man a tam em em a ni. Hemi hi tichhe tur kawng zawng a che te reng reng chu sorkar in theihtawpin heng titu te hi a hmet mit zel ang tih kan beisei a. Chu chu kan dinna a ni. Chutiang chuanin Law and Order te effective zawk a a kal theih nan peace kan maintain reng a tul a. Chuvang chuan Aizawl khawpuiah te , hmun danga kan Police te pawh hi nidang aia ngawrh zawk in zan lam duty-te an bei mek a ni tih kha kan sawi duh....

Pu LALDUHAWMA (ZNP) : Kan Member zahawm tak Tuivawl Bialtu Pu R.L.Pianmawia'n HPC(D) ten Zonunsanga Aizawl Venglai chu Zohmun to Machar Road group No.6 HPC(D) tan a hna lo petura an tihna kha hei nagmahni chhanna atangin a ni a, ka sawi ni. Kha kha pek a ni ta em? Sorkar hian comply in tum em ?

Pu R. LALZIRLIANA, MINISTER : Pek a ni lovang. An nin a , an ni han ti ila, ramhnuai lam a awm an ni a, thu an neih ve natur a awm lova, Tender chhan chung chang ah . Chuvangin pek a ni lo tih kha kan chhanna nise la, a tha ang e.

Tiang chuanin, kan ram ah helaiah, Sawrkar hmasa hunlai a , Aizawl khawpui ah te, Edenthah ah te hel te an din a. Tiang chuanin, an awm reng a, an inchhungah Computerte leh AK47 te nen hna an thawk a ni tih he House zahawmtaka kan sawi pawhin awmzia a nei thei lova.Hrangchal an tih hova hel dinte kha Sorkar thar a lo piang ta a, helna hian hmun a changdawn lo a ni tih an hria a. Chuvangin kan ramah lokir leh an duh a, lokir leh duh na na na chu keini pawhin ni 17/7 khan kan Chief Minister hovin Home Coming Programme kan lo neihpui a ni. Chutiang chuan an ni hote chhungkaw

kima hlimtaka awm duha lokir leh te pawh hi kan lawm a, an chungah hian lawmthu kan sawi mawlh mawlh a ni. Tichuan , kha kha Law and Order ah chuan han ni phawt sela. Tin, Home department hian achievement ropui tak tak kan nei a. Kan lawm khawp mai a, hei hi kan Finance Minister, kan Chief Minister inphalna leh in pekna, remna atana lo in pe tawh a ni a. Chu remna kan neih chu tihbawlhhlawh tum leh buangbar tumtute dona kawngah chuanin a thu mai nilovin tih tak zet in tan kan la ani tih entirna atan ACB hemi kan ramah sualna a pung nasa em em tawh a, chu sualna han ti reh tur leh han chhuitura kan duh te chu an tlem em avangin Post 32 lai create a ni a. Chu chu IGP Rank in Director niin e...a ho a nia . Ama ho hian in hna tam tak ama ho hian an thawk thei tawh a ni tih kan sawi duh a. Tin, chu lo leh ah chuan Forensic Science Laboratory hi hmanlai deuh tawh a din kha a ni a. Sorkar hmasa lam atang tawh khan heng ho hi duh thalin hna an thawk thei lova ,henga an thawmhnaw lo leite pawh hmangthiam an awm lo leh hmang tur an awm loh avangin kan hotupa in hrethiam in officer post engemawzat nen min han pe leh a. Min han create saka, heng hi alawmawm kan ti khawp mai a. Tin, Police out-post hi pathum Police Station Puitling ah hlankai a ni a, tun hnaiah, Vaivakawn leh Thenzawl leh Phura te hi Police Station pangngai ah hlankai an ni. Chutiang anih lai chuan Beat Post hi engemawzat hawn turah hian hmalak chhoh mek zel a ni a. Tichuan, chu lo pawh chu hei hnathar tun mai ah khan kan han sawi a, nichin ah Vairengte lam bialtu Tuirial lam bialtu khan a han sawi a. SDPO post hi Vairengte ah Create a ni a. Tin, West Phailengah create a ni bawh a. Hetih rual hian, kan Chief Minister, Finance Minister ni bawh chuan Security lam atanga ngaihtuah hian in, Darlawn piah, Sakawrdaiyah hian in SDPO post create tura hma lak mek a ni a. Engemaw tih ala ngai deuh a. Hei hi Finance Minister pawn a min phalsak tawh min ziahsak tawh a ni a. A ram leh a felnain a umzui ang a. Hemi post thum hi create-in a awm leh mek a ni tih kan sawi duh a. Hei hian Sorkarna kan chelh hmaa kan sawi MOU kan palzut ang kan tih kha hei hian a takin a rawn lantir niin ka hria a. Police/Home Department ringawta post creation kan han tih pawh hi tam tham tak a ni, Pu Speaker.

Tiang chuanin MDF kan ti a, Mizoram Police Modernization Scheme atang hianin engemawzat tunah hian in sakna tur te kan nei chho leh a. Tin, a tlangpuiin silai leina hi a ni tlangpui, bakah Motor te leina atan hianin kan la nei zel dawn a ni.

Tin, tun hmian Police Uniform hi a man atan hianin 160 lac bawh vel hi Sorkarin a min lo pek dan a ni thin a. Amaherawhchu kan indaih loh dan hriain Finance Minister hian hman deuhah 527.79 min pek belh a. Chu nen kan neih sa nen chuan nuai 686.79 lai a ni a. Hei hianin Police Uniform te kan han lei a. He Police Uniform bangah hianin Pheikhawk a ni emaw, Kawr a ni emaw , kekawr a ni emaw, khang zawng zawng ah khanin helaia Market a to ber ber te kan lei ve loh avangin a tha vak lo a ni tih chu kan pha lova. A chhan chu a man pawh a hniam em em a ni. Tin tunlai ah hian puanpheikhawk Rs 250/- hi a awm tawh em aw, khatiang ang anih laini keini rate hi a hniam avangin kan tam bawh si a. Tawngthu chhe lo a quality tha tak hi kan tithei lo a ni, tih hi zep rual a niin ka hre lova.

Chutiang a ni chungin helaia Tender Quotation an chhan laia a sample an pek ang nilo, lo received saktu an awm a nih chuan chung chuan an tuar ang kan ti a. Vawiin ni ah hian kan Police te, Home Department a mite an fimkhur em em a. Hmanniah kawnghren

chhe deuh te a lo supply, chung te chu kan return leh vek a. Khatiang khanin an chawhthlawn mai dawn a ni. Hlawk tum naran ringawt hi chu, chuvangchuan, a chhang tur leh khatiang anga duh pawh kha an la awm zel ang a. Tha taka an supply theih kha keini chuan kan duh ber a ni. A man nena in phu tawk kha. Tichuanin kan I.R. hi nichinah khan in kan Member zahawm tak takte khanin Sorkar kalta khan Battallion 4 a la a, an ti a. A dik chiah mai a. Amaherawhchu, tunah hian lak pawh min rawn hnawn chiam pawh nisela, kan la duh tawhlo a ni I.R. te hi chu . Abuai thlak a, India ram khawimaw laia awm tur a an han chhuah dawnin ral ramah indona hmun tak taka kal tur emaw kan ti a. Kan in thlah luai luai zel mai si a. Chuvangin, Pu Speaker, I.R. Battallion hi chu lak kan tum tawh lova. Tin Fifth leh Fourth pheih chu hmanhmawh taka lo lak kha a ni a.

Battalion khat strength chu singkhat bawr vel a ni ngei mai a. Amaherawhchu Constable ringawtin Battallion hi an run theilo hrim hrim a. Officer an lo ngaia, chaw chhum tu an lo ngai a, lumet tu, Gr-IV khatiang zawng zawng te nen khan sangkhat bawr vel hi an ni mai a. Tunah chuanin Battallion hnih atan khan 2000 an lo lak avangin a buaithlak khawp mai a. Hei kan Commandent te kan S.P. te an mahni unit ah theuh post vacancy kan nei e, an lo tih ang thin te pawh hi a dik a ni, thudik a ni. Amaherawh chu khang lo lak tawh atanga hnawhkha angaih dawn avangin thil tih theih rih loh a ni a. Ti hianin kan thu hul ve tlawk tlawk mai chu chu a ni.

Tiang chuanin tunah hianin silai leina te tam tak vawiinah chuanin kan han hmu leh ta a, lawmawm kan ti a. A lak a kha kan duh hman hmawh viau a, kan lo zam tha viau (Sorkar kalta te kha). Amaherawh chu enkawl zuina lamah hian in kan lo tlachham deuh hlek a ni tih kha kan han hmu dan a ni a. Tin, GPF lak han tih kha nimin lamah te kan ngaithla a. Hengte hi a dik khawp ang tih kan ring a. A chhan chu kan tam em mai a. Department thenkhat ah chuanin thla khat a lut hi 160-170 vel te emaw a ni mai thei a. Keini chu chawhrualin nitin GPF withdraw duh hi 160-170 vel in lehkha an thelut a ni. Chutiang anih avang chuanin LOC pawhin a daih hlei thei lova, kan duh ang diak diak a kan lo ti lo a nih pawhin kan hnathawktu te ngaihthiam a tul hle in ka hria a.

Tin, kumin ah hian mi 3726 hnenah GPF hi kan pe tawh a. Chu chu avaiin 15,44,30000/- (Vaibelchhe sawm panga leh nuai sawmli pali leh singthum) a tling a ni. Chuvangin an ti chhe vak bik lo, an la ve thei viau bawk chu a nih hmel ang reng e.

Tin, Chhatisgarh-a kal TA/DA te hi la pek lo em ni tih ang zawhna te pawh kha ni e, tam tak pek tawh a ni a, tam tak la pek loh a ni a. Tun kan Budget ah hian in Annual Budget kan han passed ah hianin kan pe thei ang tih kan beisei a. Chuta tan chuanin Rs.50.84 lakhs lai kan dah sa nghe nghe a ni. Budget Session a zawh veleh hian kan pe thei turah ngai ilangin a tha ang e. Tiang chuanin Law and Order chung chang ah te, Chief Minister te leh kan sorkar te a hming in Home Minister te han nih ve chuan thu khal deuh te han puh chhuah loh theih a ni tawh lova. A chhan chu dan hnuaia awm ni tih pawh hi kan in hre vak tawh lova, mipui tlangpui hi, chungte chu zu in hrem ngawt emaw hma a thukhal deuh kan sawi a nih pawh hian in vau ching lamah hi chuan in chhuah lo hram hram ila. A lehlamah chuan misual na na hi chu vau pawh kan vau ang a, a man pawh kan man ang a. Kha kha ram kal phung a nih hrim hrim avangin engemaw mi vau ching ang a han thante hi a nuam bik vak lo. Kan pate si a, miin tak tak emaw an

ti ang a, mi an rawn khawih thut mai phei chuan kan chhe der dawn ania. Chuvangin ka hmuh dah ah hi chuan kan sorkar hi sorkar zaidam tha tak, midik te chungah chuan zah ngai thei, mi dik lo te tana nel awmlo sorkar kan nih hi mipui te hian hre thei ilang chuan ka duh thusam a ni.

Tichuan, hmanni ah khan kan C.M.-in a sawi a, kan Home Minister fapa pawh Police- in an man a, a ti a. Kan DIG Northern Range hnenah khanin a mantu te hi lawmthu min lo hrilh sak rawh, Bawngkawn Police Station a awm te hi ka ti a. Tiang chuanin kan fate an man a. Tin Chief Minister fanu ngei pawh Motor a lo dah pawng a, kha kha an va man a, an chawi tir mai a. Ka bulah a rawn sawi a, “ a va lawmawm ve an lo man che chu”, kan in ti a. Chutiang ang chuan dan leh thupek kenkawh kan tum na ah hian in, keimahni pawn a tul chuan kan tuar ngam a ni, kan tuar tur a ni, tih hi kan zavaiin helai a lo awmkhawm te hi chuan (Legislator fing fel tak tak te hi chuan) kan hriat a pawimawh in ka ring a. Mahni inchung atang pawhin kan ti thei lo a nih pawh in keimahni thian te kan pawlho atang tala hma kan tan a pawimawh hle in kan hria a ni.

Tiang chuanin Police Department hi kan IT lamah pawh hianin chak tak a kal kan tum a. Cyber Crime Investigation Cell te hi din a tul ta a ni. A chhan chu Computer te heng IT kan tih te pawh hi thil tha a ni a. Sorkar hnathawh nan a awlsam em em tawh a. File put luah luah a ngai tawh lova , min Laptop an keng a, hmun hla tak taka tang pawh in engkim internet kaltlangin kan dawr thei tawh a. Chutiang ang a nih lai a thil tha tak tihna atana kan hman lai chuan thil thalo tihna atana hmang hi an lo awm ve leh zel a.

Pu Speaker, hei sex video han tlangzarh nante leh mobile phone a internet kaltlang engeni inbumna siamna te, bank account transfer hial te pawh a lo ni awma, hengte a nih avang hian Police Department lam atang chuanin Cyber Crime Investigation Cell hi kan din dawn a. Chutiang chuan hma thui tak kan la tawh a ni, tih kha kan sawi leh duh a.

Tin, Information and Technology hmangin Central Sorkar hian Mizoram chhungah Crime and Criminal Tracking Network and System, CCTNS, tih hi min rawn din sak dawn a. Hei hi engmah keini State in lo tum ve tur a awm lova, amaherawhchu, kum 2012 atang hi chuan State Sorkarin mawh a phur ve tawh dawn a ni. Hetianga a thawh tur hi a tha khawp mai a, India ram Police Station zawng zawng nen kan in thlung zawm vek ang a, Computer Software hmangin. Tin, kan rama Police Station te leh helaia D.G.P. Office te, Home Department lamah kan Commissioner Office te, khang zawng zawng kha thlung zawm vek a ni dawn bawka ni. Tiang chuan Computer hi Crime Report , Computer ah chuan Crime report leh information kan duh zawng zawng kha a kil ber atang pawh in kan inpe thei dawn a, kan hmu thei dawn a ni. Hei hi kan nghakhlel khawp mai, tunah hian pawisa engemaw zat te pawh a lo thleng tawh in din tan tum mek a ni, tih kha kan sawi leh duh a.

Tin, kan Police te hi kan hmang tangkai em em mai a, tunhma pawh in kan hotuten an lo hmang tangkai thin a, kut lukhumin awm tir kan tum lova. Tin, an tih tur hi an mahniin an hria a ni. Keinite nena han inhrawn ah phei chuan a huphurh awm khawp mai a. I.P.C., CRPC tihte engkim mai lo zir a ni a. Constable training na ah pawh thil sual

tih dan lam hian an in zirtir thin a. Amaherawhchu, thil sual an tih khan in man chhuah tir lo turin an lo ti leh thin a, tiang khan a fing sual te nena awmho hi ka huphurh viau a. Amaherawh chu , mifing na na na chuan mi en dan tawh an thiam, nuam ka ti khawp a ni kei pawh hian tunah hian. Tin, khap tu tur an ni, amaherawhchu, tun hma khan khap behin an awm thin, niin kan hria a, Law and Order chungchang ah te hrehawm kan lo ti ve thin a ni. Tun ah hi chuan kan CM zahawm takin ama instruction min pek ang zela kan kalna ah hian kan hlim tlang in ka hria a ni kan vai hian.

Kum 10 chhung vel chu India ramah India ram State ah hianin silai tawlhrukna atan kawng tha a ni , tih hi helai House ah ngei hian kan sawi zing tawh khawp mai a. Hma lakna em em hi a awm lova. Chutianga kan sawi lai chuan Aizawl khawpui chhungah te nen lam hel kan din a. Tumah khawvel eng pawh zahlo in hetiang titu te hi an inlar nasa a ni, he House ah ngei kan sawi tawh a ni tih kha. Tin, silai phurtute an motor number nen lam kan sawi pawhin awmzia a nei thei lova. Tin, chumai chu a ni lova, kuang lem an siam a, tah chuan silai an daha, tah tu tur an rawih tenen lam an hming kha kan sawi a ni. He House an hian, a tah tu tura an rawih hmeichhia pakhatte phe chu va biaka, han man chhin pawh a awm lem lova, chutiang ang chu tunah hi chuan kan kal pel tawh a. Kan Sorkar thar a lo pian hnu hian theihtawp chhuah in hma an han la a, kum 2008 mai ah kha chuan silai pathum man a ni a, silai mu man a awm lova. Tin, kan Sorkar thar kumin chhungah hianin 2009 chhungah hianin silai 55 leh silaimu 3786 lai man a lo ni ta te hi hlim takin an mahni thiam thil te nen kan Police te hian hna an thawk a ni, tih hi a chiang viau a ni. Nichina kan sawi tak SPLA te khan silai 14 lai an rawn luhpui bawka , khangte nen phe chu chuan silai 69 lai hmuh chhuah a ni tawh a ni. Kan Sorkar kum khat chhung hian . Tiang chuanin 5th IR Battalion hi tunah hianin nimin ah khan in Minister zahawm tak chhanna ah khanin luah tir tumna a awm lo, tih a ni a. Amah pawh khan a rawn sawi fel tawh a. Heng hi hmun dang ah an hmun tur kan la tih theih loh avangin Referral Hospital saw lo chei hnum te , lo luah hnum te a ngai a. Chutiang ti tur chuan tunah hianin hma kan la mek a ni.

Tin, 5th IR Battalion awmna tur hi thlan fel a la awm lova. Tha tur anga mimal anga ka ngaihtuahnaah chuan Aizawl khawpui hnaih deuhah hian an awm a ngaiin ka hria a. Chu chu Law and Order chungchangah te leh kan ta bik an ni lova. Khawpui hla lutuka engemaw border lo veng tur ringawta dah lovin PTC Lungverh ah te hian dah ta ilang chuan a tha awm mange tih kha kan ngaihdan a ni. Tiang chuanin a danga kha chu kan sorkar hmasa ina a lo thlan tawh kha engmah cancel a awm chuang lo a ni tih kha ka han sawi duh bawka.

Tin, Home hnuaiah hian Fire and Emergency Service ho hi mi tlemte an ni a. Amaherawhchu , kangmei chhuak hi a tam tawh em em mai a. Heng hi kan sorkarin tih len ve a tha e, mahniin Budget-te hi han ti ve tan sela tiin a bul tan nan cheng nuai 250 te reuh hi min han pe ve a. Chu chuanin theihtawp in kan hnatawktuten hma an la a. Fire Station hi pathum siam tum ani a. Aizawl North leh Aizawl South leh Mamit Fire Station hi siam a ni ang a, heta tang hian. Tin Mobile Service hi Aizawl ah dah a ni bawka dawn a ni. Tin, nuai 65 lai hi he nuai 250 kan hmuh atang hian a tlem tham em avangin thil tul a tam tawh a. Mi thar te lak theih dan a awm em tih ngaihtuah turin post create kan han tum a ni a post 68 lai hi. Tin, Lunglei Fire Station hi upgrade a ni ang a. Station puitlingah dah

a ni dawn bawk a ni. Kan quarter-te hi repair a ngai tawh a. Chung ang lo leh thil dang tam tak kha a awm a. Tin, chu lo leh a han pawimawh deuh chu Fire and Emergency Service hi Act kan la nei lova, hemi siama a Rules-te pawh hi siam kan duh a. Chutiang ang chu tunah hian duan mek a ni a. Tin, helaia thawk promotion hmu ve thei reng reng lote an awm a. Chung chu Act leh Rules te kan peih hunah chuan an promotion hmuh ve dan tur te pawh chu ngaihtuah a ni nghe nghe a ni, Pu Speaker.

Tin, nakum lamah te phei chuan damtea kan awm phei chuan Rescue Team te kan siam ang a. Tiang hianin pui tham deuh tak a hma kan lak ve hi a tul tawhin kan hria ani. Law and Order, Home Department a han sawi awm tak lo la ni chho zela chu kumin Krismas vuakvet leh kumthar thlengin halpuah hal hi khap turin kan Home Commissioner-te leh kan DGP-te leh kan DC-te thukhawm chuanin an rel a. Chutah chuanin nikum lamah khan Krismas-ah kan han khap a. Mipuiin thu an awih em em a, kan lawm a ni. Amaherawhchu, kum thara kan han hawn lehna kha chawp leh chilha han khap thut kha kan nih avangin mi sumdawnngtute an pawisa kan paih liam tir mai mai ang tih kan hlau a. Chuvangin, an lak hnu a ni a kha kha, kumtluaana han khap kha kan ngam lo phah a. Tunah hi chuanin Krismas vuakvet vela halpuah leh khatiang ang chi an zawrh tur reng reng an la lak hma hian phaia mi an order hma hian i khap ang u. Hetiang anga tilui an awm a nih chuan thuawih lo tak tak an ni tawh ang a tiin ngaihtuahna kan nei a. Tul lovah sum tam tak kan halral a. Chumai chu a nilova, pollution a ti chhia a, kan ranvulhte nen lam an thi a. Tin, inhliamna tam tak a chhuah phah thin a. Chuvangin, hei hi chu ti lo turin mipuite kan ngen a. Tin, Aizawl khaw chung mai a ni lova. Mizoram pumpui ah khap tur a ni a. Chungah chuan, YMA te min venpui turin a bikin nula tlangval nghah deuh a ni a. Tiang chuan YMA Branch hrang hrangah te emaw Committee an tih ten an veng bik bialah VC Jurisdictionah an lo khap a ni a. A ti tha te an awm a nih chuan chung te chu lawman siam kan tum nghe nghe a ni, tih kha kan sawi duh a.

Home Guard hi helaiah khanin kan Member zahawm tak ten Private Member Resolution ah an rawn pu lut a, an dinhmun siam that kha kan pass tawh a. Chungchu Home-Guard te hi tunah hian Skill-II hlawh 143 atangin 183 ah tih pun tum a ni a. Tin, Ration Allowance hi an nei ve ngailo va, chu chu Rs 550 thla tin Ration Allowance ah pek tum a ni a. Tin, Riffle Allowance hi tun hma in an lo dawng ve ngai bawk a, an lo kuah ve reng thin a, amaherawhchu Allowance hi an lo nei ve thin lova Rs 25/- thlakhat atan a bul han tan nan kan han ti a. Washing allowance hi an lo nei ve tawh thin a, Rs 50/- ni thin kha Rs 80/- ah tih pun nise tiin an rel a. Tin, Rank-pay an ti a, Lane Corporal hian in Rs 50/- la thin kha Rs 100/- ah kan ti pung ang kan ti a. Corporal hi Rs 70/- ni thin Rs 140/- Surgeon Rs 90/- ni thin Rs 180/- ah, Quarter Master CSM Rs 110- 220/- ah tih turin Cabinet pass mai turin tunah hian chhawp chhuah mek a ni tawh a ni. Chu chu Home lamah chuan tawk ta selangin.

Pu Speaker, District Council lam hi han hawi ve leh ta ilangin, District Council, Autonomous District Council 3 kan nei a, Lai Autonomous District Council, Mara Autonomous District Council leh Chakma District Council te an ni a. Kumin chhungah hian tun kum kalta 2008-2009 ah khan in pawisa Lakh 8394/- pek an ni a. Tunah hian Lakh 12,859/- pek an ni a, he laiah hian a detail pawhin ka ziaka, amaherawh chu a rei lutuk loh nan a detail hi chuan sawi lo mai ilangin, a pung hnem hle mai a, keini 25% in

Central in min tih punsak e, kan ti a. He lai atanga kan va tih punna ve erawh chu 53.26 laiin nikum lam aiin a pung nasa zawk a ni tih kha kan hotuten in lo hriat atan kan sawi duh a. Tin, Para 14 of the 6th schedule to the Constitution of India in heng Schedule area ami te hi Commission din a, an din hmun chawi kan na tur a Commission din min phal sak angina tun Ministry hian Commission a din a. Pu T. Gupta IAS Retired in a kai hruai a, Member 3 awmna a ni a. Hei hi nidang a Enquiry Committee Commission din nen a in an loh em em na chu nidang ah chuan an thil tih dik loh va man chhuak a hrem tur emaw kha man chhuak a hrem tur emaw kha Council desolved tur emaw khan inquiry din a ni thin a, tunah erawh chuan an harsatna te enge ni chhawmdawl an harsatna te, enggeni chhawmdawl an ngaihna lai hriatna tur khan in Commission dangdai tak he sorkar hian a din ta ani.

A mipui te pawh kan House Leader chungah hian an lawm hle in ka hria. Lawm pawh hi a awm bawk in ka hria. Anmahni in tih thaih a, va man a khatiang anga tih tum nilo kha an nih avangin an lawm hle ani. Kan sorkar hian Mizoram zim te khawi area ami pawh nisela, thlahthlak bik emaw, hlamchhiah bik emaw neih hi a tum lo tih hi kan sawlam bialtu te pawh kha kan chah duh zual che u a ni e.

Tichuan, Rural Development ah hian kan han kal leh ta ang a. Kan sawi tam em em NREGS hmanni Central a zuk kal khan ka nuh kha a za khawp a. Minister khan NREGA kha a rawn ti mai si a, engemawni chu aw ka ti a. Amaherawhchu kan han hre ve thuai mai a, thildang an han sawi zawh hi chuan Ni 100 in hlawhna hi Saiha leh Lawngtlai ah 2006-2007 khan tan a ni a. Tin, 2007-2008 ah Lunglei leh Champhai ah tan a ni leh a. tin, 2009 hian District zawng zawng ah Mizoram pum huapin kalpui a ni ta a. Heng hi Rural Area a chengte thiamthil bik nei ve lote a duh apiang inhlawh theihna tur atana Central Sorkar ina min rawn pek a ni. Tichuan, 2008-2009 Central hianin 16,727.90 lakh hi min pe a ni a. Hei hi 90% Central in min pe a, keini 10% in kan lo do ve chauh a ni a. Helaiah hian Saiha, Lawngtlai, Lunglei leh Champhai ah ni 100 kumin ah an inhlawh tawh a. Tin, Serchhip hian ni 70. Hei hi tlem in a update lo deuh hlek anga hei aia tam deuh hlek hi an inhlawh tawh vek ang a, mahse tampui a ni lova. Serchhip District ah hian ni 70, Aizawl District ah ni 43, Mamit ah 32, Kolasib ah 26, hei ai hian a tam deuh zel ang ni 4-5 vel chuan. A update chiah lo ani, hei hi. Heng hi engatinge Aizawl te, Mamit te, Kolasib te, Serchhip te pawh kan tih chuanin helaia project report an theh thlak a kha Central lam ina min pawmpui lawk loh deuh vang a ni a. Amaherawhchu tunah hi chuanin inhlawh kal thei zel tura buatsaih mek an ni. Tichuan, tunah hian hmanni lawk khan tunlaia chanchinbu lar tak India Today hianin NREGS ah hianin pakhatna lawmman a titha te zingah Mizoram Sorkar hi a telve a ni tih min puansak a. Pakhatna lawmman te min pe a, chutah chuan Special Bharat Nirman Award a ni a. Hei hi kan chhuang lutuk lemlo. An tih ve avangin han sawi loh theih loh a ni a. India ram a chanchinbu lar tak a ni a, Magazine hi in lo chhiar fo thin kha. Chuvangin engemaw insawiselna ai chuan tlem a min lo hriatpui ve a nih kha chuan a lawmawm thawkhat e kan ti mai a ni chauh a. Han chhuan ber ah chuan kan nei lemlo e. Tichuan, kumina hmantur hi sum nuai 29219,4 hi Central in min pawmsak tawh a. 10% state share ani anga. Helai ah hianin kan Budget bu ah khan in anglo deuh hlek typing mistake a awm anih ka ring a. Tihsual a awm a, Planning lam atanga tihsual kha. State share ah hian nuai 1800 chauh kan dah thei rih a. Hei hi kan Finance lam hotute an tan deuh a ngai dawn a

ni. Chutiang anih loh chuan thildang tamtak kha kan kalpui theih dawn loh avangin hei hi chu han hmanna mai tur remchang ah pawh kan dah hnem kha kan ti mai a ni. Tiangchuanin kumina hman turah hian first instalment min release tawh a. 2nd instalment pawh hi min pek thuai kan beisei a ni.

Hemi NREGS hi langtlang thei ang ber a tih tur a ni a. Tin, mipuite hna a ni a, tin, a langtlang baw a. Tiangchuanin tun hnai ah job card lem a awm tih hi tun hnai a mi mai a nilo a. Hmana mi tawh kha a detect tura hmalakna kan han tan a ni a. Hei hi nasa takin kan zawng zel a, VC leh BDO ten engemaw zat chu lo intiamrual in harsatna puhruk tur khan dan anga khung si loh khan thil an lo ti thin a. Hei hi thalo kan ti a. Chuvangin social audit te pawh hi kan nei chamchi reng a ni. Tunah hianin a ti diklo tute chu cancel sak anni a. Tin, VC ten engemaw an hnathawhna ah chhungkaw chawm vek an ni a, an hlawh tih tham ani lova, an lo beisei ve pawh kha a awm kan ti a, chu chu material component khata tang khanin engemaw zat sih chhuah theih a ni tih kha kan han sawi duh a. Tunah pawh hian chutiang ang chuan an senso tura chu VC te senso tura kha helai atanga lak ve dan kha Sorkar in dan angina a siamsak tawh nghe nghe a ni.

Tin, IAY hi kumin chhung khanin 3151 kan pel a, nakum ah 3504 pek kan tum a. Tichuan, new construction hi 38500 pek tur a ni a. Upgradation, repair aniang 15000, hei hi kan dawn tur a te a ni a. Hei hi NGO te thlang tura tih a ni a. Permanent wide list a dah a ni a. Tiang chuanin a indawt dan angin hetah hian pek tum a ni tih kha kan sawi leh duh a.

Tin, Rural Housing Scheme hi nichina kan ngaihthlak tawh ang khan a zuarlo, a sem dawn a ni tih ang reng deuh khanin tunah chuanin nuai 400 lai planning hian min rawn year marked sak nghal a. Hei hi kan lawm khawp mai a. MLA te tak hi lawm tur ah ka in ngai a, a chhanchu natural calamities avanga In chhe thut te, min te, kang te khatiang ang vela tan khan rangva te pawh hi engemaw zat chu kan bial ah khatiang ang a awm a nih chuan kut ruak lutuk lova khatiang ang han tlawh tur te pawh kha kal theihna turah ka ngai a ni.

Tin, BRTF atang hianin singnga hetiang ang mirethei chungchuang i ti teh ang, chutiangho insakna tur chuanin hman theih a ni baw a ni.

Hei SDSY tihte hi kan hre lar tawh a, sawi vak a ngaiin ka hre lova, Kumin chhung khan Group 274 din a ni a. Chuta 202 chu pawisain thuam nghal a ni a. Tin, tunah hian SHG-ah hian mi 2037 pawlho an awm tawh a ni tih kha kan sawi duh a ni.

Tin, Border Area Development Programme hi tunah hian kalpui mek a ni a. Tunah hian Myanmar leh Bangladesh ramri hrula mite chauh a ni a. He lai nichina Kilometre 20/24 han tih vel kha a dik a. An strick telh telh a, a huam zau lo telh telh a Amaherawhchu boruaka teh a nih kha chuan rin ai chuan a la zau ve ang, khilai Khawzawl te pawh khi a la thleng ngei turah kan la ngai a, boruak melah chuanin rin aiin a thui thei a ni tih kha kan sawi duh mai a, kuminah hianin 2495 lakhs lai hi hman tur kan nei a. Chu chu 90% hi tunah hian min release tawh a ni. Tin, BADP thawhah hianin a tira kan sawi ang deuh khanin, thawk chhe ngial ngialte pawh an awm a ni. Heng hi a

awm tawh loh na turin a monitoring hi fel taka uluk zawk a tih a tha kan ti a. Heng hi changkanna min thlen thei tham pawisa a ni.

Tichuan DRDS hi Saiha leh Lawngtlai District ah hian hman a ni a. Tunah hianin Mamit District a hman ve a nih theihna turin Ministry of Panchayatry, New Delhi-ah an phalna dil mek a ni. Chu chu a ni thawkkhat deuh mai tawh awm mang e.

Tichuan Prison lam pang kha tlemte kan sawi leh ang a. Prison ah hian tuna kan MLA zahawm tak tak ten an sawi ang khan in Jail hi hmunruk ah Mizoram ah hian kan nei tawh a. A awmsa chu in hre theuh in ka ring a, sawi pawh a ngai hranpa lova. Jail tang te hi siamthat na tur eizawna khung a hrehawm taka zu dah mai a nilova. Theih tawp in Jail lam hotuten an ngaihtuah a. Pathian thu a inzirtirna te, lehkha inzirtirna, te eizawna tur ngelnghet enge ni ang an chhuah huna an tih theih tura zirtirna te, puanthuite, khatiang ang kha furniture siamte, khang ho kha kan tih tir thin a. Tunah hian Jail hi a chungah hianin helai hnathawk tute mai nilo Ministry hrang hrang atangin luh phalna kan pe a chungte chuan Pathian thu te an hrilh a. Tin, nunphung pangngaia an lo awm leh theihna tur atana an mora, an character pawh siamthat leh na hna an thawk mek a ni tih kha ka han sawi duh a. Tin, achhung ah hian Volley Ball leh Carrom Board te, Chess te, Draft Board te dah a ni a. Heng hianin an lo intihlim ve thin a ni. Tichuanin Jail thar hi pali sak mek a ni a, chung te chu District Jail Serchhip leh Mamit leh Lawngtlai a ni. Sub-Jail Vairengte ah a ni bawk a. Heng hi kan duh dan chuan pawisa hi kan nei tlem hle na a inrenchem taka hmang hian Serchhip leh Vairengte pheih hi chu hawn kan duh khawp mai a. Chutiang tur chuan hma kan la chu a ni a, kan tlin angem, a hun lo thleng teh phawt selangin kan hnathawktuten theihtawp chhuah in Jail atanga tlanchhuak te an awm mai thei a. Heng ven hna pawh hi an thawk mek a ni tih kha kan sawi duh a. Tin, Home Guard chu nichinah khan kan sawi tawh a, sawi tawh lo mai ilangin.

Sainik Welfare and Rehabilitation Department hi CM zahawm tak ho a meeting neih ah khanin Zila Sainik Welfare Office hi Champhai leh Kolasib ah hawn remtih a ni a. Staff mamawh tur leh an Motor tur te pawh Gypsy pakhat ve ve pek ni selangin tih a ni a. Tin, District Office ah chuanin Central leh State te nena fifty-fifty a kan thawh ho angai dawn a ni sum pawh hi. Tin, Financial Assistance to World War Veteran tih hi leh an nupuite anmahni thi tawh mahse Rs 500/- a ni thin kha nichinah khan Rs 1000/- beisei a ni tih sawi an awm a. Amaherawh chu helai Cabinet Memorandum a a kalna turah hi chuan Rs 800/- a niin kan hre deuh a. Chutiang chu 500-800 kha puntir kan tum dan chu a ni a. Hei hi Cabinet ngaihtuah tura chhawp chhuah mek a ni a. Tin, nichinah a bialtu in a rawn sawi tawh a. Sainik School hi Chhingchhip ah din tum mek a ni a, hma chak taka lak a ni zel a ni tih kha ka sawi duh a ni.

Awle, Pu Speaker, Chatea a awm lo bawk a, ka chhang lo mai ang e. Hei chhanna tur tha deuh mai ka nei a, mahse awm lo hi chu an peih ve lo a, hrilh ve lo mai ila, a tha mai ang chu maw. (SPEAKER : A lo lut leh tep asin saw).

Aw nia, Pu Lalthansanga, MLA zahawm takin a nichin a an sawi kha, Vanlaiphai ah hian Police 13 O.C te nen an awm a. Tin, kum 2008 ah hian case hi an ngah vak lova, i bial han ti ta ila Pu Speaker, Pu Chaltea bial hi an tha hle anih ka ring .Kum 2008 ah Case 21 chauh a awm a. Kumin ah 2009 ah hian Case 8 chiah an la register a ni, a

lawmawm khawp mai a, hetiang ang a nih avang hian hmun dangah, eng engemaw Law and Order problem chhuah zeuh zeuh na a awm thin avangin kan dah tam thei lo deuh pawh hi a mi tha bialah i awm a ni tih kha khawngaih in hre phawt mai langin, kan ngaihtuah zel ang ngaihtuah chu. Hei Motor Cycle te pawh hi kan pe dawn a nia. Kan lo pe daih tawh zawk a lawm maw le. A thleng tawh ang, O.C zin a lo haw hunah amah hian a rawn khalh chho dawn nge , a khalh thiam leh thiam loh ka hre lo a, a rawn hawn chho dawn a niang e, chutiang chu ani a.

Tin, Khawlian lamah hian kan MLA dangte han zawhna kha BDP a in daih loh na avang hian in Motor kan pe thei lova, a bial tu kha (Speaker : Pu Chawnga) Pu Chawnga, aw, motor kan pe thei lova, amaherawh chu thla tin ration an lak vek nan hian cheng 2500 an hotute hnenah khian kan pe thin a ni, Pu Speaker, tiang chuan in Suangpuilawn ah hian BDP leh Sakawrdai BDP ah hi chuan motor kan dah ve ve tih kha kan hriattir duh a ni e, House Zahawm tak hi.

Awle, awle chu ka tia sawi duh deuh chu ka la neia, khawnge maw a awm tak ni. Tawk tawh mai rawh se, tawk kan ti tlang in ka hria.

Pu C. RAMHLUNA (MNF) : Pu Speaker, Hmar lampang ringawt kha a sawi a, kan sawi ve teuh in ka hre si a, Chhim lampang kha ngaihthah kan ni zel dawn tih na em maw ni le ?

Pu R. LALZIRLIANA, MINISTER : Pu Speaker, ngaihthah love. Home ah khan tlem a tuna hmalak na a lo awm rih lo a nih pawhin, hei kan kal dawn chauh a. MLA te nen Council lamah khan in kan pe hnem bawk a, midang khan an thik ang tih kha hlauhawm tak a ni a, zawk in a. Hetia va pek hian in development pangngai helam atang hian a kal tho a. Chuvangin saw lam saw va awm ve nih te pawh a chakawm rum rum thei in ka hria. Sum hi a tam ang hian in tangkai taka kan hman pheii chuan in kan hmang tangkai leh zual dawn niin ka hria. Kan la ngaihtuah zel dawn a ni. Awle, Pu Speaker, ka Demand No.16 Home ah Rs.305,79,87,000/- leh Demand No. 27 na District Councils Rs.136,25,89,000/- leh Demand No-38 na Rural Development Rs.108,27,04,000/- avaiin RS 550,32,80,000/- he House zahawm tak hian min passed pui turin ka ngen a ni. Ka lawm e.

S P E A K E R : Pu R.Lalzirliana, Minister zahawm takin a Demand 3(pathum) No-16 na Home, No-27 na District Councils leh No-38 na Rural Development a vaiin Rs. 550,32,80,000/- hi House ah Pass a rawn dil a. Remti a piangin “Rem ti” ti rawh u le. Remti lo kana wm em? Awm lo maw? A lawmawm e.Chuvangin, tunah chuan Pu R. Lalzirliana Demand No-16 na Home (Prison tel in) Rs 305,79,87,000/- Demand No-27 District Councils Rs 136,25,89,000/- leh Demand No-38 na Rural Development

Rs 108,27,04,000/- . A vaiin Rs 550,32,80,000/- hi House in lungrual takin a passed ta a ni.

Pu R. LALZIRLIANA, MINISTER : Pu Speaker, ka lawm e.

Pu LALDUHOMA (ZNP) : Pu Speaker, i dinglama mite hian i dinhmun nasa deuh a pawh hniam an tum leh pawhin i veilam amite hian kan chhan tlat dawn che a ni tih kha kan hrilh duh che a. Tin, nimirah khan number chhiardan style thar tha deuh kha i rawn chherchhuak a, chin ve chi anih hi mawle ka ti deuh tawh a, ramhlui ah bawk i rawn let leh a, change hi i uar lutuk deuh a ni lo maw?

S P E A K E R : A! hetilaia thu an rawn ziak ang hian kan kal leh ta zawk a ni. Nimin kha chu thu in an ziak lova. Khavang khan a coma an dah ang khan kan hlawm ringawt a, thu in an rawn ziak a, an thuziak kalh kha chuan kan kal ta bik lo a ni. Awle, tunah Pu J.H. Rothuama, Minister zahawm takin sawihona a mamberte ngaih pawimawh ang point te pawh kha rawn clarify pahin rawn wind-up ve sela a tha awm e. A wind-up zawhah khan passed rawn dil nghal bawk sela, i lo ko ang.

PU J.H. ROTHUAMA, MINISTER : Pu Speaker, ka lawm e. Kan discussion ah khan kan sawi a. Kan department duhsak tak tak a rawn sawi te kan ni hlawm a. A lawmawm ka ti a. Amaherawhchu a mal te te a kan member zahawm tak tak ten an han sawi kha re-act ka tum lova. A chhan chu helaiah ka note vek a, tin, kan lo sawi tawh thin te pawh a awm a, a tawi zawngin han kalpui mai ka tum a.

Kan Member zahawm tak Aizawl West-I bialtu Pu Lalduhoma han sawi kha chu Home Minister he laia kan House Leader aiawha thu khan a chhang tawh a. Khalai kha chu ka chhang tawh lo mai ang a. Tin, Department in Inquiry kan zu la tawh a. Hemi compensation chungchang thu hi a veiawm hle mai a. Kan Mizo mizia tilang chiang tu a ni a, a zahthlak ka ti hle a ni. Tuirial atang khan a hluar ta nite pawh a lang a. Chuvang chuan Revenue Minister nih te pawh ti hrehawm tu ber chu kan Mizo mizia he tiang ang compensation a lo awm dawn reng reng a tawp chin awm lo, a tute pawh ni ila a dik leh dikloh pawh thliar chuang lova chan ve kan han tum ve mai hi a zahthlak lutukin ka hria a. Hei Mizorama Sipai ram luah thingtlang khua a mite, kum rei tak chhunga an lo chai tawh compensation an lo kalpui tawh thin te pawh kha tawp chin a nei lo. Ka hnena an thlen te pawh hi tawp chin a nei lova, a thar a lo lut belh zel maia. Chuvang chuan hetiang ang chi ah hian a hotute leh helaia keini MLA rualte emaw te hi lo inkhap viau dawn pawh ni ila dik taka han kalpui dawn pawh ni ila, a mipui hi an dik lo a ni. Rorelna tak tak rorelna dik hi a theih dawn lo niin ka hria a. Heng te pawh hi mipui kan zirtir a ngai ka tikhawp mai a.

Tin, Chalfilh bialtu zahawm takina arawn sawi chhuah kha ka hnenah pawh a rawn thlen tawh, zawhna ah pawh arawn zawt tawh a, hun kal tawh a mi a ni a. Pu Kamliana, Saitualin Tuivai kamah Periodic patta a nei a, chumi chu Bigha 15 a zau a ni. Amaherawhchu an han teh a, Surveyor in a demarcate sual avangin ram zau tak mai kha a lo teh a. LSC panga laiah then a ni a, hming hran hranin. Amaherawhchu, hei hi Sorkar in a diklo a ni tih a hriatin a approve lova, tichuan a neitupa pawh hi a LSC cancel sak a ni a. 15 bigha a tira pass a neih ang chauh hi LSC a kaltlangpui turin siamthat sak a ni a, a hma fee a lo pek tawh te kha return sak leh a ni, cancel leh a ni a, pek tawh pawh kha return leh a ni tih kha kan sawi duh a ni. Hei Land Revenue hi a pawimawh khawp mai a, kan han piang chhuak hlawl mai a, engnge kan mamawh kan tih chuan, mihring hian mamawh kan nei a, chu chu inlum kan duh a, chumi in a chu amahin a dingngawt thei lova, a sakna turin hmun a ngai, chu chu Revenue chan a ni a 'ram'. Tin, khami ringawt pawh kha ala nilova, ei tur in tur a duh a, chumi va thawk chhuak tur chuan ram a aia zau zawk kha a duh a ni. Chuvang chuan Revenue Department hi kan Budget hi lian lo mahse langin, a lian a ni. Mamawhlo pawh kan awmin ka ring lo. Kan vai hian, in hmun neilo t ula, in hmun in duh vek in ka ring. Tuna kan Sorkar hian ngaihtuahna a nei a, Mizo hnahthlak Mizoram a awm Mizo tawh phawt hi chu in hmun pakhat tal chu pek a duh a ni. Chu chu kan tlin vek loh pawhin kan theih ang a tam pek kan tum a. Thingtlangah chuan hei hi a harsalo a, khawpuia cheng, khawpui lian deuh a awmte tan hian a harsa a, chung atanah chuan heng Aizawl khawpui lai remchangah te, khing Champhai ah hmun engemawzatah, Serchhip lamahte, Kolasib ahte, hmun hrang hrangah hianin Lunglei lam thlengin ram kan dap a, kha kha mirethei in hmun la neilote pek turin, chu chu theh kan tum a. Tunah hian hmun engemawzatah hian a ram plot a kha kan siam mek a ni. Chu chu kan sorkar hian mirethei tana hnathawh a tum dan pakhat a ni a.

Tin, ram hi kan ram angah hi chuanin a duh tan chuan neih tur chu a la awm vek mai a. Amaherawhchu, ram hi NLUP atangte in kan lo in pe tawh a, MIP khan an chhunzawm leh a, mi tamtak chuan kha kha kan lo hralh a, ram ka neilo kan ti a, Aizawl chhehvel ami hi a ni bik a. Khaw thenkhat, veng thenkhat ah phei hi chuanin ram theh tur nei miah tawh lo khawpa in hralh kawt an awm tawh a ni. Chutiangte pawh chu engtingge ni ang tih kha ngaihtuah tel an ngai lo thei lova Mizo an ni a, Mizorama awm an nih si chuan khawlaiah emaw tal chuanin an chhungkua ina ei leh bar an zawinna tura kha ram pek ve an ngai tlat a ni. Chungte pawh chu tuna Revenue Department leh kan sorkar thar hian kalpui a tum, ram hi mizo hnahthlak zawng zawng Mizorama cheng chhungkuate kha chu ram pakhat tal hi chu kan pe vek theiin kan hria a. Amaherawhchu, chumi pe tur chuan tih tur a hmaah hian kan nei nual a. Land Survey, kan Survey hi a mumal lo a, Village ram phei chu Survey tak tak a awm lova. Chuvangin tunhmain ram kan mamawh danah khan ramhmun nghet nei chi pawh kan ni lova, kan hmun nghet neih ber a chu huan a ni a, chumi bakah chuan Leipui, kan lo tanpui turin kan nei thin a. Khang kha chu patta chi pawh a nilova, kan insawn kan insawn a, a lo neiha pawh kan insawn thin avang khan ram nghet kan inpe thei lova, khatiang khan a cycle angina khua khan ram kan theh thin kha a ni a. Amaherawhchu, hun lokal zelah hian mihring ngaihtuah nate a lo sang a, kan duhte pawh hi a lo sang chho ve zel a, tahchuan ram nghet periodic patta mai pawh duh taw lo, V/C pass mai pawh duhtaw loin LSC neih kan duh deuh vek a ni. Ram neitu han tikhkan neitu deuh vang nih kha kan duh deuh tlat mai tawh a, chu chu kan hun in a tawng chho te pawh hi a ni tanin ka ring a. Chuta tanah chuan kan

ram in kan lo kalpui tawh danah engemaw chen chu heng Cadastral Survey te leh Survey dang dang te pawh hi lo buatsaihin lo tan tawh thin ni mahselangin vawiinni thleng hian duhthu sam ala tling lova. Hei computerized a kan han dah tawh ate pawh hi duh angin a la chiangkhuang lo ani. Tin, mimal ram nei leh neilo pawh hi chhungkaw head tin hi an mahni zawnah khan an ram neih zat kha dah tur a ni a, ram an ngah deuh chuan dah tam mai tur a ni a. Khatianga Computer a feltaka thun thlap thlap tur kha a ni a. Chung chu tunah hian kalpui kan tum chho mek a, a thawh pawh hi kan naute hian an thawk chak, kan Department a mi hian an thawk chak a ni. Amaherawhchu, mihring kan tlem a, a thawktu kan tlem a, tah chuanin hna nget loah pawh hianin training chhuak tawh hi he revenue hnate hi chu ka va thawk ve a nge tia Surveyor te nihve mai theih pawh a nil ova. A technical ve deuh tawh avang hian trained chhuah a ngai a ni. Chumi trained chhuak ang pawh chu mi 36 lai a nget a sawi theih loh kan la nei a. Tin, Contract a la rawih theih loh the pawh kan la nei a ni. Chu chu Sorkar ah, Department in a thawktute kan indaih loh avangin post creation kan dil a, chu chu kan dil angina min la pe thei lova, hei hi kan nawrchho zel dawn a. Chuti anih loha, Sawrkar hi a thilphal deuh loh chuan, kan ram hi feh chhuak a, khatianga anga record tha tak nei a, vawng thlap thlap tur kha chuanin hun ala duh rei dawn lutuk a. Chuvang chuanin chak zawka kan kal theihna tur leh Central lam pawhin a hunbi min tiam sak ang deuh 2017 a heng hi zo hman tura kan inbuatsaih tawh angai a ni. Ta tanah chuan kan Sorkar pawh hi a inphal deuh a ngai dawn a.

Tin, infrastructure thar ruahman chhoh kan duh a. Chu chu a ruahman chho mek a. Chumi chuanin kan ram system hemi revenue system a hi state dangte kalpui dan ang deuh a ngelngnet zawk leh tha zawk a kalpui a tum a. Chungah chuanin, Court kan han tih ang a te pawh hi tunah hianin Revenue Court hi kan neih dan hi a mumal lova. Chuvang chuan in Sub- Division tina kan SDO, MCS te pawh hi tunah hian a training hnukung ho hi chu hemi Revenue thilah hian in training pek sak tawh anni a, Sub-Division an lak khan Revenue matter hi khawih thei nghal tur a ruahman a ni.

Chutianga ang chuan Sub-Division ah, DC-ah Deputy Commissioner-ah khatianga khan kaltlang chho in heng Revenue Collection te pawh hi a mumal zawk theihna tur leh kan ram kan kalpui dan turah hianin chhiah te pawh hi a dik thei anga kan lak theihna tur leh mipui hian kan ram, a neitu tak tak kan ni tih kan hriat chian theihna tura kal dan chak zawk a kan kal theihna tur khan, kha kha ruahman chhoh a ngai a. Hemi kan Budget Finance Minister, kan House Leader in a a rawn present ah khan Revenue kan kalpui dan tur kha chiang takin a rawn sawi chhuak. Kha kha kan tan pawh encouragement tha tak a ni a, a thawktu te pawh in kan phur pui ngeiin ka ring a.

Tin, NLUP-ah pawh chanvo kan nei a, han tih tur chinte. Tin, he kan ramah hian Forest nen hian ram hi kan inchuh chho a ni tan deuh mai a. Chuvang chuan heng ang Forest reserve kan tih te, kawngdung reserve te kham chhengchhia hman tlak loh, khatianga ang chi kha Mizoram zatve deuh thaw hi a awm thei niin tuna Forest in a an rama an lo chhiarte nen a ni tawh a. Chuvang chuan hengte pawh hi chinfel a ngai a. Khang atanah te khan pawisa min pek ang chhun chhun kha hman chhuah kan tum a ni

Tin, hei Revenue Department kan ni a, a Revenue collection ah hi chuanin a zahthlak khawpin ka hria a. 2008-2009 chhung a chhiah kan khawn a hi kan target chu nuai 195 a ni a. Amaherawhchu kan achievement erawh chu nuai 244 zet a ni i ti mai ang.

Target khum na hi Rs.49 lakhs a ni a. State khat ve lem atanah chuan khawilai company khat ina an chhun zat pawh nilo a kha a la ni a.Chuvang chuan Revenue System hi chu siamthat a ngai a ni tih helai atang hian a rawn lang chiang nghal der in ka hria a, sawi tam pawh ngaiin ka hre lo.

Chuvang chuan heng kan in leh lo te, kan in sak Assam- type a ni emaw, Concrete a ni emaw, khang zawng zawng te pawh kha survey pangngai tha tak a survey a, rate Sorkarin a lo bithliah tawh anga kalpui pawh khan kan ram kan neih, kan hauh ho ah hianin mipui hian dik tak hian chhiah hi pe ta ila. Tuna kan collection let engemaw zat hi dan ang thlap in a ram neihte tanah pawh a in duh theihna zawk, a ram neitu kan ni ti a, inchhuang thei zawk tur a kan dinhmun tisang turin chhiah kha kan pe a, kan collect thei a ni.Chutah chuan a thawktu kan tlem kan tih a kha, chhiah khawn tur pawh hian tihchhuah tur hi kan nei lo a ni.Kan surveyor te hi an awl hun hi a tlem em em mai a. Kum tluan deuh thaw in Cadastral Survey leh Survey chi dang dang ah kan tihchhuak a, hmun hrang hrang ah camp neiin an va awm a. Tiang khan Office a thawk leh ram han teh mai tur te pawh hi han intihchhuah mai tur hi kan duh ang hi kan nei tawk lo a ni. Chu chuan min ti muang a ni. A department a thawktu te hi chu an taima khawp mai, a hah pawh an hah a ni. chumi karah chuan dem kan hlawh tho mai a.Chuvangin a hnathawktu te pawh hi nichina ka sawi tak ang khan hna thawk tham deuh hi Sorkar hian min pe thei sela chuan kan hna hi a chak ngei ngei ang tih pawh hi ka ring a ni.Chuvangin kan ram kal zelna tur atana pawimawh nisi hian in hnathawktu tamzawk, kan mamawh kan dil ang hi Sorkar pawh hian min phalsak mai turin kan ngen nghal duh a.Tin, Cadastral Survey 2008-2009 chhung khan in House site hi Plot 4519 siam a ni a.Tin, Agriculture land hi 439 plot, Area Control hi khaw 15 (sawm panga) a ni a . Tin, 2008-2009 chhungah bawh hian in House Site Plot siam zat hi 1320 plot a ni a, chu chuan 69.20 ... a awh a ni. Tin, Computerisation ah hian tihfel tawh zat hi 21,360 Land holdings a ni. Tunah hian hmabak kan neih chu District Office hi a chhe tawh a, chu chu sak that tura ruahman a ni a, pawisa pawh dah daih tawh a ni. Amaherawh chu a hmun thu ah kan buai deuh hlek a.Kan neihsa saw sawlam venghnai ten thildang an lo dil ve bawh si nen. A hmun kan han dap a, tuna kan complex tharah khuan hmun min han kawhhmuh a.Amaherawhchu, tun fur ah khan a min chhe vek mai a, tuna a sakna tura kan pawisa neih sa ang a sa tur hi chuan in a sak theih tawh lova, chu chu Sorkar ah kan thlen leh a, khulai khu Revenue ho thuneihna a nih loh avangin a thuneitu hnenah kan thlen a, hmun dang min kawhhmuh leh a. Kan hna pawh hi kan tan theih mai kan ring a. Tunah chuan kan Directorate ah tawt tak a inhnawhkhawm rih a ni a. Heng pawh hi sak zawh thuai thuai hlan kan nghakhlel em em a ni. Heta tanah hian pawisa dah pawh engemawzat kan neisa a ni.

Tin, District hrang hrang ah hian Quarter kan neihte, Revenue hovin a quarter kan neih tam tak hi D.C Office bulah te Office kan nei a.Tin, Quarter kan neih te pawh hi a rei tawh a, a department hi a senior tawh a, quarter te pawh hi repair ngai kan ngah tawh a. Mahse, pawisa kan nei thei lova, Rs 500,000/- emaw lek Quarter (District) repair nan kan han dah ve thei tawh tawh a ni a. Tin, House Site Plan hi nichina kan sawi tawh ang khan a tam thei ang bera ram plot tur kan neih, ram free land kan neih hova hi Plot chhoh zel a, mi harsa te, inhmun ram neilo kha pek kan duh avangin hemi atanah hian beitham te in Rs.4,00,000/- chauh kan dah thei bawh a ni. Tin Survey hi kan kal

Dr.R.LALTHANGLIANA : Pu Speaker, point for clarification, Sorkar hmasa khanin hetiang mi harsa te te kan hnenah an lokal thin a, chumi avang chuan in uluk thei ang ber kha chuan kan ti ve in ka ring a, Revenue Pass kha kan han issue a. Hei tun Sorkar thar hian in tlem lai deuh khan an stay vek mai a. Kan Revenue Officer te leh engemaw kan han zawhin a chhan leh a vang kha min hrilh thei bik silova, a fello deuh in ka hria a. Mamawh ngawih ngawih a diklo te a lo awm a nih chuan le min hrilhfiah ula a tha in ka hria a. Ni silova hetia a chawl thup mai kha a fello in ka hria.)

Pu Speaker, ka lawm khawp mai hrilhfiahna hun a awm a. Kan Sorkar hmasa khan ram an pe teh meuh mai a, Serchhip ah te, Champhai ah te, Aizawl Luangmual ramahte. Amaherawhchu, complain a tam lutuk a, chuvangin ennawn leh a ngai a. Mimal ram a neitu tenena inberem silova lo plot vak mai te a awm a, khang kha passed siamin an umzui leh tawh bawk silova. Pastor ho, Ministry hmasa a an intlarna pheih kha chu a neitupa kha a thin a ur a, khang ho khan zu chei dawn se sah ngamin a tang tui mai ani. Khatiang kha a ni a, mi hmai eng zahte a na lutuk a, inbiak felna a awm loh avangin. Khulai Mining ram te, a in dinglai tepawh kha inhmun engemawzat nei tawh te, mi hausa tak hnenah khan a in dinglai te kha pek tawp mai te kha a ni a. Chuvangin, a ram an theh satliah pawh nilo, a indinglai, a luahtu la awm ngei an la luahtu lum ngei te pawh kha pek a ni a. Chuvangin han ennawn loh ziazang a nilova, chuvang chuan a nih ngai ang ang a kal kha chu a tha in kan hre lova. Tin, ram lo neitawhsa pek nawn te pawh engemaw zat an awmin kan hria a ni. Chuvangin, ram neilo ngei te kha chu kan cancelled ang tihna pawh a ni chuang lo . Amaherawhchu, thlir nawn leh ennawn leh a ngai a, chu chu tunah hian Survey kan tihtir leh mek a, Surveyor ten an en leh a chu chu nakinah Cabinet ah, Cabinet ina a lo rel anih avang khan Cabinet bawk a ngai ani. Tin, dan te pawh 2008 a an lo siam tawh te pawh kha kan ram tan hian a tha tak tak em? A thalo lai a awm palh em ti a ngun leh zual a en turin expert committee din ka rawtna chu kan C.M. zahawm takin min lo phalsak a. Tin, a member tur te pawh hengte hi an tha ange tih a rawt belh a. Chungte nen chuan Expert Committee kan dinfel tawh a. Chu chu tun kan Session zawh atang hi chuan khang dan lo awmsa te, Bill te pawh kha uluk zawk a ena kan ram tana tha tur belh ngai a awm em? Engemaw tangkai lo deuh a awm em ti a uluk leh zual a he ram kan kalpui zelna turah hian heng Revenue ah te hi chuanin Court kal te hi a awl a, inkhin hi a awl a. Chuvang chuanin inkhin te hi a tam avangin tunhma kha chuan Revenue khingtu kha chu an hlawhtling zel mai a, sawisen loh a ni. Tunah hi chuan a khirh deuh khak tawh ang kan ti a. Revenue Director ah pawh kan han duh tui deuh a. Hei kan hotuten Director atan pawh dan hremi min pe a. Khatiang atang pawh khan inzir chhoh a, tan lak a ngai a, a khing apiangin an hneh ringawt tur anga awm kha kan tum lo a ni. Chuvangin hengte pawh hi uluk tak maiin la thlir a, a dan hi a bul atanga zir chian ngai kan ti a. Chuta tan chuan kan inbuatsaih mek a ni a. Kan sawi seng lo ang a, Revenue ah chuan chu chu lo duh tawk ila. Khami kha chu kan buaipui mek a ni a Committee te pawh kan insiam a, khatiang khan kalpui chhoh kan tum zel a ni.

Tin, Demand dangah kal ila, Co-operation hi a te a, kan Demand pawh a te a, a maherawhchu a fun lian a ni tih kha ka sawi duh a. Tin, Co-operation hi a pawimawh a Mizoramah hian a dinna a rei tawh khawp mai a. Tin, a Primary member pawh hi 1365 lai kan nei a ni, tunah chuan kan pung leh tawh mai thei a ni. Amaherawh chu Sorkar atanga kan puihna hi thingtlang a consumer Co-operative Society tha tak tak ding fan fan

hote hi kan puih loha ding hi an tam a ni, rei tak tak an lo tuar chhuak tawh a ni. Chuvang chuan thawk leh khata puih thut theihna dan kan nei lova. Tin, Sorkar hmasa ka dem nilovin Co-operation kan lo kalpui danah hian fuhlo deuh a awm niin ka hria a. Inthlan hun ah inthlan tir lovin kan lo kal tir a, an term te kan extend zel a. Tin, term extend pawh kha a mumal lo angreng khawp mai a. 2010 thlenga a extend turin an rawt a, mahse Court a hnaih avangin an ngam leh lova. 2008 inthlanpui thleng khan extend a ni tawp mai a ni. Chuvang chuanin 2008 a General Election kan neih a Sorkar thar a lo din khan kha Board hmasa zawng zawng kha chu automatic in a thi vek tawh ani, kan thiat pawh ni lovin. Amaherawhchu anni khan kan thi tawh a ni tih nachang an hriat si loh avang khan tih tawp rual angai a, order kan hotuten an siam a kan ti tawp lo thei lova, an tawp ta a. Tichuan inthlan kalpui mai kan duh a, Co-operative hi autonomous body an ni a. Chuvang chuan Sorkar va inrawlhna tur hi a tam lutuk lo. Tin, a tui te pawh hi Politician hi an tui lo a, tui mi an awm ve mai a ni. Chuvang chuan anmahnia kan thlah zal a, an duh dan anga kan kal a, a tui ten an kalpui khan kan ramah hian Co-operative a chak dawn a ni. Chuvang chuan an lo nghahhlelh em em inthlan kha buatsaih mai kan han tum a. Mahse M.P. thlan a lo ni a, ahma in V.C. kan thlang a, accord khan mi phuar chho zel a M.P. kan thlang leh a a chhiar hun a tlai si a. A hun chhung awm angah khan kan ti hman lo ani. Chuvang chuan September thla lamah khan inthlanna chu kan han peih khan inthlanna chu kan han peih fel a. Tunah chuan Board thar te kan han nei a. Chu chuan hma an la tan mek a. Board hi a lo pawimawh em em a. Co-operation ah chuan, tunah hian khang Co-operative member primary member 1365 te khan intel khawmin State level ah anmahni tuina ang chi ah infunkhawmin Co-operative hi state level II kan nei a. Mizo State Co-operative Marketing Consumer Federation Limited kan tih Mizofed te hi chu an lian khawp mai a. Hei hian LPG leh Oil te leh Consumer Essential Commodities ah hian hma kawngthum hian an la a. 2008-2009 chhunga MIZOFED sumdawna dinhmun Poll bikah hian Oil leinana an hman chu 5760.98 Lakh a ni a, an hralhna chu 5895.61 lakh a ni a, a difference hi a hralhna atanga leina ah hian Lakh 134.63 a awm a ni. Tin, LPG ah hian 1117.62 lakh a lei nan an hmang a, an hralh chhuah leh ah hian 1223.1 a ni a. A difference hi 105.39 lakhs a ni. Tin, Consumer Essential Commodities – ah hianin a leinanah 90 lakh nikumah a ni a, kuminah 908.28 a ni a. An hralh chhuahna a an hmuh hi 1061.64 lakhs a ni. Chuvangin Mizofed chuanin nasa takin hna an thawk chhuak a. Amaherawhchu , a tir te atanga alo in dinchhuah dan kha a diklo ti mai ilangin a thawktu hi kan lo ruai tam lutuk a. Chuvangchuan , athawktu rawih nan hian sum a kal tam a. An net profit taka hi chu a tam lutuk lo a ni, nuai 68 zet a ni. Chu chu kumin chhung leh kumkalta khan net profit an nei a.

Tin hei bakah hianin Apex Bank kan han tih hi kan la nei leh a, Apex Bank ah hian kumin a an Target chu nuai 20,06,00 a ni, A achievement hi nuai 21631.95 a ni. Loan ah hianin nuai 3750.74 an pechhuak a. Hemi te hi Apex Bank kan tih te hi Loan Kohhrante leh mi tam berin a kan lakna hi a nih ka ring a. Kohhran lamah hian Loan Biakin sak nanah te leh Kohhran mamawhah hian eng Kohhranah pawh Bank tam zawk in a, Central Bank in a an lo pek ve theih loh Sakhaw biak inah te pawh anni hian min pekchhuah theih avang hian in kan ram hian kan tangkai pui em em a ni.

Tin, pawisa involvement pawh hi kan han sawi tak ang khan a lian tham a. Chu lovah pawh Bank kan nei a, an ni hi an lian lutuk lo na a. Thawkkhat lai a han tlahniam a, an rawn thangchhuak leh ta a, tunah hian hmasawn takin hma an la chho va.

Tin, kan sawi leh duha chu MAHCO kan nei a. Hei hi Mizoram Handloom leh Handcraft Co-operative Society Limited , a ni a. Hei hian showroom te pawh an nei nual a, kan leng tawh ang emaw ka hre lova. Treasury Square ah te, Mizofed Lunglei, Serchhip ah te, Thenzawl ah te, Silpukri, Guwahati ah te, Electric veng, Aizawlah te an nei a ni. An lian lo, a maherawhchu, kumina an net profit a hi nuai 27 zet a tling a ni , hei hi kan Mizoram Puantah, kan Handloom kan tih ang chite Handicraft te zuara kha tiang ang encourage tu leh tanpuina te pe a, he Co-operative Society hianin hma nasatakin, la in kan Mizo thiam thil abik takin, Puan lampang ah te hianin Mizoram hi an tuamin tanpuina an pe a. Tin, an lei sak bawk a, hma nasa takin an la a ni. Chungbakah chuan hei Pig Fed te kan nei a , Women Fed te, MAFF te , tin, MUCO Bank te leh Zofish Fed te , MULCO te. Hei, MULCO te phei chu a tam zawk hian an bawngnute hi kan la in ka ring a, anni hi an pawisa handle chhuah vel pawh hi a tlem hran lova. Bawngnute hi litre Nuai 2347495.5 nikum khan 2008-2009 ah khan an lei sak a, chumi leina man chu Rs 51,297,312 lai a ni a, chutiang chuan hmala in, Mizoram tanah tan an lo la ve a. Chu chu Mizoram mipuite hriselna kawngah hian nasa takin min chawm a, hetah hian Vety nen kan tang hova. Vety department pawh hi an fak awm em em a ni. Chutiang chuan hma chi hrang hrangin kan la a, khang Co-operative hnuaiyah khan in. Demand a telve phak silo, khung chi ni silo kha Fund lianpui pui a awm kan tih kha, khangte kha a tlangpui, ka han sawitheih te nita mai sela.

Hei, Co-operative Society hi kan ramhianin, kan inkalpu dan a hi a chak taw lo khawp mai a. State dangah hi chuanin , an State ah hmasawna bulpui a an hman hi a ni a. Chu chu tun kan Sorkar thar hian a hria a, tih hmasawn pawh a tum a. Co-operative hi a hranpa pawha a board bik kan ti dawn nge ni siam a, tih len a tum a, tin hemi NLUP kan Flagship Programme ah pawh hianin a sul sutu pakhat a hman tumin ruahmanna a lo siam nghe nghe a ni. Chuvang chuan heng Department pahnih ka han enkawl ve te hi kan han sawi khawm atang khan ala te a. Amaherawh chu hmasawna tur, tanlakna tur hun a tam a, hmasawn tur a tangkai tak tak a siam chho tur chuan helaia Department a rimtaka thawk tu te mai hi an taw lova. Tin, keini ahminga enkawltute hi kan taw lova. Chuvang chuan kan member pui zawng zawng te pawh hi in ngaihtuahnate seng a, thahnemngaihpu taka, heng department te hi a kal chhoh theihna turin, kan ram hmasawn zelna tur atana, a hnarkaitu, thawhhlawk tak anih ve theihna turin, in tanpuina ka han ngen a ni.

Pu H.LIANSILOVA, MINISTER : Pu Speaker, thil ka'n sawi fiah lawk thei em? Tin, han sawi hlek tur tul niin ka nei in inhriat - kha tuna Federation chanchin an sawi kan ngaihthlak ah khan MIZOFED leh MAHCO khan net profit, MIZOFED in net profit nuai 63 lakhs, MAHCO khanin 24 lakhs an siam thei tih kan ngai thla a. Tin, MULCO kha an net profit siam kan Minister in a sawi lang lo na a, an siam thei ve a. Kan ralkhat hriat a ni a. Kan Corporation leh Federation dan g zawng zawng hi loss making federation leh corporation an ni vek a. Kha mi zing a net profit siam thei kha chu lawmthu sawi leh Sorkar pawh hian hriat deuh bik tih kha ka rawn din pui bawk a ni e. ka lawm e.

Pu J.H.ROTHUAMA, MINISTER : Pu Speaker, ka lawm khawp mai. State ah, Member , Minister ni bawkin a rawn sawi kha kan lawm thu sawina a ni mai e.

Tun hun zelah pawh, Budgetah te pawh thil phal taka helai pawimawh zia hi min hriatpui zel kha kan beisei nghe nghe dawn a ni. Khangte kha kan sawi theih ni mai selangin, a mal te te a han sawifiah kha chu hunte a kal chak a, Pu Speaker, heng ka Demand, Demand No. 6-na, Land Revenue and Reforms cheng Vaibelchhe 13, Nuai 58, Sing leh sangruk leh Demand No. 36, Co-operation, cheng Vaibelchhe 11, Nuai 35 leh Sing hnih, a vaiin Cheng Vaibelchhe 24, Nuai 93 leh Sing 4 leh Sang 6 hi he House zahawm takah hian kan Member tena min pass pui turin kan ngen nghal e.

S P E A K E R : Aw le , Pu J.H.Rothuama, Minister zahawm takin a Demand No. 6 na Land Revenue leh Land Reforms, No.37 na , Co-operatiion, a vaiin cheng vaibelchhe sawmhnih pali nuai sawmkua pathum sing li leh sangruk te hi pass a rawn dil a. Pass remti a piangin remti ti rawh ule.

Remti lo kan awm em ? Kan awm lo maw ? Awle, Pu J.H.Rothuama Demand No. 6 na Land Revenue and Reforms cheng vaibelchhe sawm pathum nuai sawmnga paruk leh sing hnih sang ruk leh Demand No. 37 na Co-operation cheng vaibelchhe sawmpakhat , nuai sawmthum panga, singhnih, avaiin Cheng Vaibelchhe Sawmhnih Pali, Nuai sawmkua pathum , sing li leh sang ruk hi House in lungrual takin a passed ta a ni.

Pu J.H. ROTHUAMA, MINISTER : Pu Speaker, ka lawm e.

S P E A K E R : Le, kan la tin thei lo deuh hlek a, Business pawimawh tak, pakhat tih tur kan la nei a.Legislative Business a ni a. Pu Zodintluanga, Minister zahawm takin , The Mizoram Municipalities Amendment Bill 2009 hi House introduce rawn dil se la, i lo ko ang.

Pu ZODINTLUANGA, MINISTER : Pu Speaker, I phalna leh he House remtihna in, The Mizoram Municipalities Amendment Bill 2009 hi he House zahawm takah ka introduce e.

S P E A K E R : Le, introduce kha i rawn dil tur a ni.

Pu ZODINTLUANGA, MINISTER : Oh sorry, introduce ka rawn dil e.

S P E A K E R : Aw, House in kan rem ti em ? Introduce a rawn dil a. Aw le, tunah rawn introduce rawh se.

Pu ZODINTLUANGA, MINISTER : Pu Speaker, i phalna leh he House rem tihna in The Mizoram Municipalities Amendment Bill 2009 hi he House zahawm takah ka rawn introduce e.

S P E A K E R : Kha kha a copy kha han sem rawh ule. Minister in a rawn introduce copy kha. Kan la hma a nia. Bill introduce kha hun remchangah House in kan la sawi ho dawn a ni. Awle, vawiin a kan Business chu kan zo ta a. Kan chawl tawh ang a. Naktuk hi zirtawp ni, kan dan bung 27,(1) angina Private Member Business tih ni a ni a. BAC report ah pawh khanin a lan kha. Naktuk atan Business kan nei lo tlat mai a. Chuvangin naktuk hi kan chawl ang a. Ni 26-10-09 Thawhtan 10.30 A.M. ah kan thukhawm leh dawn nia . The sitting is adjourned. 6.55 P.M.